

D E  
P O L I T I A E  
M O S I S

OBSERVATIONE;

*Quid in populo Dei observari, quid non obser-  
uari ex ea oporteat, postquam gratia & ve-  
ritas per Christum facta est, & Evangelio  
promulgata.*

Libellus nunc primùm ad communem ædifica-  
tionem perscriptus atque in lucem editus

à

FRANCISCO IVNIO.



LYGDVNI BATAVORVM,  
EX OFFICINA PLANTINIANA,  
Apud Franciscum Raphelengium.  
CL. IO. XCIII.

DE  
POLITIAE  
MOSIS  
OBSERVATIONE

Quid in populo Dei observari, quid non obser-  
vare ex ea oporteat, postquam gratia & re-  
vitas per Christum facta est, & Evangelio  
promulgata.

De illis nunc primis ad communem edifica-  
tionem perscribitur etiam in lucris edibus

FRANCISCO IVANIO.



LUGDUNI BATAVORVM,  
EX OFFICINA PLANTINIANA,  
Apud Franciscum Raphelengium.  
CL. M. DC. XLII.



*Illustribus*

BATAVIAE

ORDINIBVS,

Nobilissimis viris, Dominis  
amplissimis,

FRANCISCVS IVNIVS

S. P. *à Domino.*

**D**ISCIPLINARVM omnium,  
Illustres ordines, quæ *ἑτα-  
ραὶ* vulgò, id est, actiue  
appellantur, eiusmodi na-  
tura est, ut semper quidem  
cognitio earum scientiâ que maneat, actus  
verò certis occasionibus iustoque tempore  
occupetur. Ratio cinationem earum mens  
constanter retinet, opus corpore alternis  
agente & quiescente perficitur. Si qua au-  
tem *ἡγεμονική* disciplina est in humanis re-  
bus, quæ regnum suo quodam iure in om-  
nibus obtineat, profectò ea est quam politi-  
cam appellamus. Hæc iusti & honesti ma-  
gistra: hæc custos ordinis: hæc publici &  
privati iuris ad bonum commune vindex:

in hac, Polyænus inquit, insunt omnia:  
hac salua seruantur cuncta: hac denique  
pereunte nihil in publicis & priuatis rebus  
non perit atque corrumpitur.

Sed etsi primas in rebus humanis huic  
disciplinæ, quam πολιτικὴν siue νομικὴν  
vocat, optimo iure omnes tribuimus con-  
sensu vno, ex communi ipsius naturæ te-  
stimonio, certoque iudicio rationis nostræ:  
hic tamen humana ferme ratio non titu-  
bare solum, sed impingere solita est, par-  
tim fallentibus tenebris mentis, partim la-  
bente infirmitate nostra, partimque studiis  
singularibus in diuersa singulos abripien-  
tibus. Nam omnes quidem natura docet  
ordinem esse in rebus humanis, in primis  
autem publicis, oportere: sed in ordinis il-  
lius quem esse oportet determinatione he-  
remus omnes miserrima labe & deprava-  
tione naturæ. Hic illud verè accidit, quod  
vulgo dici solet, Quot capita, tot senten-  
tiæ. Atque hoc quidem malum homini-  
bus non mirum est contingere, quorum  
intellectus ad breue tantum & in obscuro  
videt, ratio obtenebrata est, voluntates  
differentes, iudiciaque corrupta: vnde in  
conclusionibus & determinationibus no-  
stris cum mutationes in nobis, tum in

ternos dissensiones existunt innumeræ.

Quapropter si quis Legislatur purus esset ab omni vitio, qui purè simpliciterque, *ὡς αὐτὴ ἐν ἑστέρας ἀσπίδι καὶ ἀκρίτητι*, suis legibus exprimeret suæ puritatis modum; eius lex regina aliarum omnium habenda esset. Cum autem ne omnes quidem, nedum vnus, hoc opus præstare possint, aut vnquam adhuc præstiterint, quæcunq. leges humanæ ab hominibus profectæ sunt, æ primas sibi arrogare simpliciter nullo iure possunt in suo genere, quia semper inest aliqua imperfectio. Nam quicquid homo sapit vtiliter in hoc ipso humano ordine de quo nunc agitur, id nunquã nisi per rationẽ, nec nisi à paucis, & per longũ tempus, idque admistis erroribus quamplurimis, ab eo inuestigari potest atq. obtineri.

Magnam olim fuisse Ægyptiorũ (apud quos Moses fuit institutus) sapientiã, omnes historiæ confitentur: & quicunque ex Græcia philosophi in summo pretio existerunt, ij fermè omnes eo nomine ab auctoribus etiã profanis celebrantur, quòd Ægyptiorum disciplinas haussissent coràm. Exstant præclara illorũ instituta non pauca apud Herodotum, Diodorum Siculum, & alios: & illud memoratu dignũ quod Plutarchus

tarchus narrat, Reges Ægyptiorum secundum legem eos adiurasse qui iuri dicundo erant præfuturi, etiam si rex ipse iuberet ab ipsis aliquid iniusti in iudicio pronunciari, ut id ne facerent. Quam laudē inter Rom. Cæsares Traianus imitatus, quū strictum enslem corā magnatibus suis præfecto prætorio traderet, dixisse legitur, Cape hunc enslem: &, si bonus fuero, pro me; si malus, eo contra me utitor. Verū utcumque illæ Ægyptiorum leges aliis præstiterint, ea tamen fuit imperfectio corporis illarum, ut euincere & demonstrare sit facillimum, iure primas illis in genere politico non posse tribui.

Quinetiam si quæ leges humanæ sunt quarum corpus in pretio habeatur, meritò ius illud futurum est, quod Iustiniano auctore ante mille sexaginta annos coagmentatum est ex sapientissimorum hominum prudentissimorumque monumentis. At ex tamen ipsæ leges imperfectionem suam clara voce quasi enunciāt, si ius vetus cum nouo aut Iustiniano (ut vocant) institutis comparare, quod Iurecoss. faciunt, & sequentia tempora alias leges, alios mores, alias modificationes, restrictiones, & ampliationes, mutationes denique omnis generis



neris quàm multis in locis desiderauerunt.

Sin autem ad leges Mosis comparandas cum illis omnibus veniamus; profectò iniqui in Deum auctorem illarum, & in Mo-  
sem fidelem seruum Dei in tota domo il-  
lius fuerimus, nisi perfectionem diuinam  
& omni exceptione maiorē in illis legibus  
agnoscamus. Nam etsi quod ad res poli-  
ticas & forenses attinet, multa in humanis  
legibus, ac præsertim in iure civili scripto  
compareant, quæ cum Mosis legibus (quas  
diuinas prædicamus esse) maximam ha-  
bent conuenientiam; qua in re probanda  
aliquot præstantes Iuriscoss. non infeliciter  
memoria nostra desudarunt: hæ tamen  
leges Mosaicæ & auctoritate, & ordina-  
tione sua atque applicatione longo inter-  
uallo cæteras omneis superant. In statuaria  
*καὶ πολυκλείται* antecelluit, in poli-  
tica Mosaicus.

Nam si ad auctoritatem respexeris; has  
leges non homo; sed Deus sapientissimus,  
iustissimus, & incorruptissimus ipsius vni-  
uersitatis, singulorumque in vniuersitate  
hac commorantium iudex tulit in domo  
sua, id est, in Ecclesia, perfectionem pul-  
critudinis à Deo supra res creatas omneis  
obtinente, vt Prophetæ vtamur verbis:



illas tulerunt homines tenuibus sapientiae  
umbraculis praediti, vestigiis obscurissimis  
ducti, iniustitiae labe deprauatissimi, & cor-  
ruptionis periculo ex omni parte infectis-  
simi: qui prout causae imperfectae sunt &  
insufficientes (ut vocant) minimè possunt  
perfectum legum effectum & sufficientem  
ipsi progignere.

Sin ad naturam applicationemque le-  
gum oculorum aciem retuleris, hae leges  
ordinatione sui & applicatione ita perfectae  
sunt, ut imperfectione vacent; illae nun-  
quam ita perfectae esse possunt, quin à cau-  
sa imperfecta, rebusque imperfectis, & actio-  
num imperfecto modo, accedat contami-  
natio. Naturam appellamus rationem le-  
gum in seipsis; applicationem verò, earum  
ipsarum rationem accommodationemque  
ad ea de quibus feruntur leges.

Nam ut de natura earum dicamus pau-  
cis, quid verbis Mosis melius, euidentius,  
breuius? de quibus meritò Lucilianum  
illud emolliens dixero, quum ad venu-  
statem dignitatemque illius collocationis  
respicio,

*Quam lepidè lexeis compositae! ut resserida,  
omnes,*

*Exdo paumeto, atq. emblemate vermiculato.*

Quid

Quid rebus in sese verius? quid tam inter  
se coagmentatum, tam consentiens, tam  
ex omni parte vnū, quàm illud est? Nihil  
in eis ἀποπον, nihil ἀνακόληθον, nihil ἐναντιον,  
nihil ἐναντιοφανές, si purgato mentis oculo  
penitus introspexeris; ἀρπα & ἀπαράλ-  
λκτα omnia: vt diligentissimè Augusti-  
nus ad Volusianum scribens epistola 3. de-  
clarauit.

De applicatione verò quid dicturi su-  
mus? ad quam animum nostrum & cogi-  
tationem quoties conuertimus, toties in-  
credibileis sui amores excitat diuina illa  
sapientia. Hæc enim leges suas omneis &  
singulas quasque nō communi ratione so-  
lū aptauit Iudæorū genti ex reliquorum  
hominum perditissimorum numero col-  
lectæ, quā homines erant in rerum natura;  
verum etiam singulari quodam modo per-  
sonis, rebus, & circumstantiis contempera-  
uit omnia prouidentissimè, quā corpus erat  
filiorum Dei, & domus ipsius ex lapidibus  
viniis adunata per gratiā: vbi innumerabi-  
libus signis atque documentis cū trans-  
euntibus, tū permanentibus in omne  
tempus data cōfirmatio de federe, promiss-  
sionibus, & veritate, fide constantiaque di-  
uinæ illius gratiæ nulla hominum vitiosi-  
tate

tate intermorituræ, & de auctoritate Legis.  
Sic præcepta moralia absolutissimam morum, quæ Deum, quæ homines officiis iustis prosequentium veritatem docuerunt absolutissimè: sic præcepta ceremonialia absolutissimam fidei ad Deum per homines ex mundo hoc prauo contendentium: sic præcepta iudicialia absolutissimam ordinis ad mores fidemque colendam pertinentis in ea Repub. quam instituit Deus.

*Iean. 5.*

Atque hæc causa est, cur Iudæi olim (vt verbis vtamur Christi) se vitam æternam

*Math. 5.*

in Lege Moſis habere prædicabant. Hæc eadem causa, cur Christus sub lege factus constanter docuit, se non venisse vt aboleret, sed vt impleret legem: hæc causa, cur

*Iean. 1.*

Apostoli gratiam & veritatē, quæ temporibus vltimis per Christum facta est, semper ab auctoritate & præsignificationibus Legis confirmarunt, cū omnes Legem Moſis ortu, re, ratione, modis denique omnibus diuinam esse agnoscerent.

Quemadmodum autem pij homines rerum istarum conscientia ad religiosam fidem atque obsequiū Legis olim adducti sunt; sic etiam studiosi quique pietatis & veritatis *θεοφιλέστες*, auctoritatem Legis illius seuserunt ipsi, & apud omnes prædicarunt.

Sed

Sed non omnes studiosi salutaris huius ac  
caelestis doctrinae *πανταλὶω περὶ πάντας ἰθαυέως*  
in isto quasi pelago didicerunt. Etenim hi,  
propterea quod tota ratio Legis diuina est,  
singula quæque Legis illius membra esse  
*καθολικά*, id est, vniuersè ad omnes perso-  
nas, res, tempora, loca, & alias circumstan-  
tias arbitrati sunt pertinere, atque promi-  
scuè; tanquam si rationis cōmunis in Lege  
nihil nō existeret: illi (propterea quod par-  
ticularis atq. singularis rationis esse quam-  
plurima vel auctoritate Christi & Aposto-  
lorum eius fuerant cōfirmati) omnia sine  
exceptione atq. indiscriminatim iuris par-  
ticularis fuisse iudicarunt; & nunc omni-  
node siisse, atque intercidisse auctoritatem  
vniuersæ Legis. Vtrique *παράλογίζομενοι*,  
& inscitè ex parte Legis de toto cōcluden-  
tes. Nam totum hominis nec immortale  
esse verè concluderis, quia anima immor-  
talis est; nec contrà mortale esse, quia mor-  
talis corpore. Sic illi quasi profundo mersi,  
veritatem Euangelij amiserunt; hi quasi in  
scopulos abrepti, auctoritatem ipsam di-  
gnitatemque Legis diuinæ imprudentia  
maxima perdiderunt.

Ac de iis quidē præceptis quæ purè sunt  
*ἠθικά*, & versantur in ratione tradenda mo-  
rum



rum pietati, iustitiæ, humanitati, & honestati conuenientium, nemo sanus magno opere visus est vnquam dubitare. Id Ballionis potius, aut alterius cuiusuis bipedum nequissimi fuerit, hominis proteruæ naturam abiurantis, quàm viri vilius boni. Cum enim præceptis illius moribus certissima iusti & iniusti ratio conuenienter naturæ, & ad perfectionem illius à Deo sit exposita, quam rationem τὸ ἄγαθόν ἐστιν esse hominis (siquidem verè homo est) sapientes omnes voluerunt: quid est quod in ea Lege desiderari ab vilo possit, quæ ratione amissam profert, corruptam instaurat, & imperfectam diuinitus perficit documentis salutaribus? Certè quicquid iuris communis & rationis est secundum naturam, & secundum gratiam, quam naturæ superinduxit Deus, id vniuersum ita est in Lege Moïsi propriè aut analogicè expositum, vt qui ad eam de cõmuni iure quicquam se putabit addere, is meridianum Solem facibus certet adiuuare.

Cum autem ius commune sit quidam cõmunis fons alterius iuris illius quod particulare appellatur, haud secus quàm sensus communis fons vniuersalis est singulorum sensuum, quibus omnes τὰ αἰσθητὰ φύσιν

lemus



lemus percipere ; profectò tam iniquum est,  
si in còmuni fonte iuris & rationis ius par-  
ticulare quæsiueris, quàm si in còmmuni  
sensu auditum aurium, oculorum visum,  
& singulorù *αιδνωμελων* functiones singu-  
las desideraueris. Non est nostri muneris,  
vt ista quæramus in fonte, sed vt ex fonte  
deriuemus; quem fontem deposuit in Ec-  
clesia Deus.

Sed in ducendis ex Lege riuis, omnes  
vitiositate sua, non pauci aliena auctoritate  
ab officio suo aberrarunt. Nam rerum mo-  
ralium, de quibus ex illo iure còmuni con-  
stat, tum particulares conclusiones, tum  
singulareis determinationes ex eis proce-  
dentes, non omneis, nec omnibus, nec ad  
omnia, nec omnino, nec in omne tempus,  
Lege defixit Deus: sed earum potius mo-  
dum exemplis Legis illius demonstrauit.  
Earum autem aliæ ad homines humanam-  
que societatem respiciunt, aliæ ad Deum  
& res diuinas. Quapropter rerum huma-  
narum exemplum iudicialibus politicisque  
legibus, diuinarum ceremonialibus exhi-  
buit Deus: exemplum dico, non formam  
expressam omnium, quæ ad vtrumuis in  
societate humana requiri possunt.

Ac de ceremonialibus quidem Legibus,  
quæ

quæ ad cultum diuinum fuerunt impera-  
tæ, grauissimæ olim apud bonos contro-  
uersiæ exstiterunt. Nam, vt nihil dicam  
de innumerabilibus hypocritis, qui inde à  
principio in ceremoniis proam & puppim  
(quod aiunt) salutis posuerunt, & in quibus  
increpandis euincendisq̃ue Prophetæ &  
pij quique ante aduentum Christi operam  
consumpserunt diligentissimè; nihil de  
Nasaræis siue ἀπὸ νασαίων illis (vt Epiphanius  
vocat) qui in sententiam contrariam ruen-  
tes vltro, abolebant omneis Legis diuinæ  
ceremonias: quis nescit, quanta conten-  
tione inde ab aduentu Christi de vsu & ob-  
seruatione ceremoniarum fuerit disputa-  
tum? Vrgebant Iudæi, negabant Gentes:  
vrgebant ex Iudæis Christiani facti non  
pauci, quos Nazaræos dixerunt orthodoxi  
Patres, negabant Apostoli, & quicunque  
ex Christianis de veritate Christi & com-  
plemento ceremoniarum certiores facti,  
libertatē Christianam ad ædificationem,  
ac non destructionem propugnabant. His  
cuniculis Ecclesia Antiochena, Galatarum,  
aliæ propemodum labefactatæ sunt, nisi  
Deus Apostolorum cura ministerioq̃ue vi-  
gilantissimo prospexisset. Testatur historia  
sacra Act. 15. testatur Paulus Galat. 3. & se-  
quenti-

quentibus. *Vsq; hodie*, inquit Hieronymus, *per totas Orientis Synagogas inter Iudeos haresis est quæ dicitur Minaeorû, & à Phariseis nunc usque damnatur, quos vulgo Nazaraeos nunciant; qui credunt in Christum filiû Dei natum de Virgine Maria, & eum dicunt esse qui sub Pontio Pilato passus est & resurrexit, in quẽ & nos credimus. Sed dum volunt & Iudai esse & Christiani, nec Iudai sunt, nec Christiani.* Non alio ex fonte profluxerunt singulares aliquot controuersia, quæ horum importunitate, illorum inscientia, & omnium imprudentia priscam & orthodoxam Ecclesiam exercebant: cuiusmodi fuit illa de diei decimi quarti ad Pascha obseruatione, ex quâ *Tetraptona* & *Sexatita*, siue Quartadecimani dicti, qui suis decumanis fluctibus per diu Ecclesiam diuexarunt. Hæ autem dissertationes de Legalibus ceremoniis, extincto iam olim ceremoniarum usu extinctæ sunt. Faxit Deus ille Pater, faxit Dominus Iesus Christus, gratiæ & veritatis illius effector, quam Lex olim præsignificabat indictis ceremoniis, vt corpus illud sanctissimû, quod his temporibus vltimis redemit suo sanguine, veritatem & gratiam ipsius tanta fide colat, vt de ceremoniis abstineat dimicare, & membra Christi suaque ipsius propter

Epist. ad  
August.  
cuius  
princi-  
piû, Tres  
simulep.

propter humanas lacinias & ἐδολοθησκέας  
desinat tandem conscindere.

De iudicialibus verò & politicis legibus,  
quæ ad homines spectant & communem  
societatem ipsorum, non est æquè vetus in  
Ecclesia disputatio. Nam primis illis Ec-  
clesiæ Christi velut incunabulis, Imperato-  
res & Reges Ethnici habenis reipub. præ-  
fuerunt, & Dynastas, Eparchos, ac Magi-  
stratus omneis sui generis, aut meritis ipso-  
rum, aut fumo & gratia, aut quæstione le-  
gitima de eis habita (vt ab Alexandro Se-  
uero narrat Lampridius factum) præfece-  
runt, per quos Christianis minimè licuit de  
ratione iudiciorum exercendorum labo-  
rare. Quapropter sanctissimi illi viri de eo  
quod ex vsu Ecclesiæ esset pro conditione  
eius solliciti, ad quæstionem hanc de vsu &  
auctoritate legum iudicialium Mosis ani-  
mum non adiecerunt. Sat agebant enim  
sapientissimè, vt sua pietas ad omnia utilis  
Ecclesiæ esset, non ad quæstiones superua-  
cancas, curiosas, aut communi bono aduer-  
saturas euentu suo mentes piorum tradu-  
ceret, aut per imprudentiam rapi alieno  
facto pateretur. O diuina pectora! o ani-  
mos sapientissimos! o prudentiam admi-  
rabilem! o sobrietatem dignam, quâ ocu-



lis ferant quicunque ad opus Domini vocati sunt?

Postquàm verò mutatus est status Reip. voluntate Dei, & Christiani Imperatores dati, hic sensim ad Ecclesias irrepsit questio de iure Moisi politico, & obseruatione illius. Quo tempore sapientiss. illi & orthodoxi Patres hūc orbem sine grauiore strepitu (quod aiunt) circumagi videntes oportere, cū à rerum secularium καὶ τῶν τῆ βίης πραγμάτων (vt appellat Paulus) sollicitudine abstinerent, tum Magistratibus ordinariis suam in dicendo iure ferendisque legibus auctoritatē intactam reliquerunt. Siquid autem contra rectam rationem cernerent institutum, quam in natura & scriptura Deus explicauit, id aut sedatis modestisque monitionibus curauerunt corrigi, aut patienter (si quod εἰλικρινές καὶ ἀδικοῦν ἐστὶν, aut malum ἀδικοῦν ἐστὶν esset) pertulerunt, ne fortè commune bonum totum spe boni vnus commouerent. Id enim sæpenumerò efficit hominum importunitas, vt dum malum vnum curare tentat, labefactet bonum reipub. interdum etiam vniuersum. Optimè statuebant illi rationem æternam esse moderatricem & arbitram humanarum legum, quam quidem natura  
\*\* & Scri-



& Scriptura docent : huius verò æternæ rationisquamdam ἀπορροὴν esse humanas leges, quæ ratione singulari varient pro varietate rerum; salua manente, atque aded præcipiente varietates illa æterna lege. Cum autem rerum humanarum nec cognitionem, nec procurationem sibi esse imperatam, neq. verò esse vtilem ad functionem suam animaduenterent : ided circumclusi cancellis vocationis suæ, auctoritatem iudiciumq. de ferendis legibus animo æquissimo iis permittebant, ad quos humana societatis humanæ cognitio & procuratio pertinebat.

L. 1. de libero arb.  
cap. 6.

Hanc rationis cōmunis & legis æternæ differentiā à particulari ratione & humanis legibus, quæ temporariæ sunt, Augustini verbis demonstrabimus; longioribus quidem illis, sed cōducentibus maximè ad huius rei intelligentiam. *Responde mihi, ait Augustinus, utrum ista lex quæ literis promulgatur, hominibus hanc vitam viventibus opuletur? Cui Enodius, Manifestum est, inquit: nam ex his hominibus utique populi ciuitatesque consistunt. Quid ipsi homines, inquit Augustinus, & populi? cuiusne generis rerum sunt, ut interim mutariue non possint, eternique omnino sint; an verò mutabiles, temporibusque subiecti sunt?*

Enodius,

Euodius, Mutabile planè, inquit, atque tempori  
obnoxium hoc genus esse quis dubitet? Tum Au-  
gustinus, Ergo si populus sit bene moderatus &  
gravis, communisque utilitatis diligentissimus  
custos, in quo unusquisq. minoris rem priuatam  
quàm publicam pendat; nonne rectè lex fertur, qua  
huic ipsi populo liceat creare sibi magistratus,  
per quos sua res, id est, publica administretur?  
Cui Euodius, Rectè prorsus. Hic Augustinus,  
Porro si paulatim deprauatus idem populus rem  
priuatam rei publice praeferat, atque habeat ve-  
nale suffragium, corruptusque ab eis qui honores  
amant regimen in se flagitiosis consceleratisque  
committat, nonne item rectè, si quis tunc exsti-  
terit vir bonus qui plurimùm possit, adimat huic  
populo potestatem dandi honores, & in paucorum  
honorum vel etiam unius redigat arbitrium?  
Et id rectè, ait Euodius. Cum ergo, Augustinus  
inquit, duæ istæ leges ita sibi videantur esse con-  
trariae, ut una earum honorum dandorum populo  
tribuat potestatem, auferat altera; & cum ista  
secunda ita lata sit, ut nullo modo amba in una  
ciuitate simul esse possint, num dicemus aliquam  
earum iniustam esse, & ferri minimè debuisse?  
Cui Euodius, nullo modo. Appellemus ergo, Au-  
gustinus inquit, istam legem (si placet) tempo-  
ralem; quæ quamuis iusta sit, commutari tamen  
per tempora iustè potest. Euodius annuens, Ap-  
pelle-

pellemus. Subiicit Augustinus, Quid? illa lex  
qua summa ratio nominatur, cui semper obtem-  
perandum est, & per quam mali miseram, boni  
beatam vitam merentur, per quam denique illa,  
quā temporalem vocandam diximus, recte fer-  
tur recteque mutatur, potest ne cuiuspiā intelligenti  
non incommutabilis aeternaque videri? An potest  
aliquando iniustum esse, ut mali miseri, boni au-  
tem beati sint, aut ut modestus & grauis populus  
ipse sibi magistratus creet, dissolutus vero & ne-  
quam ista licentia careat? Euodius, video, in-  
quit, hanc aeternam esse atque incommutabilem  
legem. Tum Augustinus, simul etiam te videre  
arbitror in ista temporali nihil esse iustum atque  
legitimum, quod non ex hac aeterna sibi homines  
deriuauerint. Nam si populus ille quodam tem-  
pore iuste honores dedit, quodam rursus iuste  
non dedit, haec vicissitudo temporalis, ut iusta  
esset, ex illa aeternitate tracta est: qua semper ius-  
tum est grauem populum honores dare, leuem  
non dare. an tibi aliter videtur? Assentior, ait  
Euodius. Ut igitur, Augustinus inquit, breuiter  
aeternae legis notionem quae impressa nobis est,  
quantum valco, verbis explicem, ea est, qua ius-  
tum est ut omnia sint ordinatissima. Tu, si aliter  
existimas, prome. Cui Euodius, Quid tibi vera  
dicenti contradicā, non habeo. Concludit itaque  
Augustinus dicens, Cum ergo haec sit una lex, ex  
qua

qua illa omnes temporales ad homines regendos  
variantur, num ideo ipsa variari ullo modo po-  
test? Intelligo, ait Enodius, omnino non posse.  
Neque enim ulla vis, ullus casus, ulla rerum la-  
bes unquam effecerit, ut iustum non sit omnia  
esse ordinatissima.

Haecenus Augustini verba, quæ certo  
cōsilio in locum istum intulimus, quod &  
sententiam Patrum orthodoxorum conti-  
nent euentissimè, & omnibus ὁρθόδοξων  
πατέρων præbent de tota hac causa rectè &  
ratione certa iudicandi. Senserunt illi (ut  
verbis Lyrani utar) moralia manere, quia  
sunt de lege naturæ, quæ est immutabilis:  
iudicialia verò exclusa esse, in quantum ha-  
bebant vim obligandi in lege; etsi possunt  
de nouo institui in lege noua, quantum ad  
illa quæ regimini Christianorum videntur  
accommoda. Ac propterea contenti rebus  
præsentibus, vetera Legis instituta non vr-  
serunt, & cōtenti vocatione sua, in alienam  
minimè irruerunt: ne aut Iudaizare, aut  
tamquā sutor ultra crepidam (quod aiunt)  
suis iudiciis excurrere temere putarentur.

Etsi autem sanctissimi illi Patres, viri sa-  
pientissimi, præcepta illa iudicialia neq. ab-  
solutè esse publico necessaria, neque ad se  
functionemque suam pertinere sermoni-  
bus,



bus, scriptis, exemploque suo palam demonstrarunt: tamen exstiterunt his ultimis temporibus homines zelo pietatis, veritatis, & iustitiæ acti, qui eorū vsum in repub. Christiana redintegrari cōtenderunt oportere, & nos auctoritate diuina ad obseruationem eorum obligari. Quibus ex aduerso obnitētes alij, omnem promiscue vsum & obseruationē eorum tollendam putant eadem religione, qua ceremonias praefigurantes Christum oportet aboleri, & permanere abolitas. Vtrique zelum habent, quem laudo: sed scientiam ab vtrisque hac quidem in causa desidero; & multi boni accensi studio veritatis, charitatis, pacisque publicæ mecum desiderant.

Atque hunc quidem laborem fuissēmus libenter omissuri, si aut ratio publici nos siuisset quiescere, aut bonorum virorum postulatio; qui hoc officium à nobis, imperitiorum, & sua, & omnium causa aliquoties exegerunt. His recusare nos operam nostram religio fuit. Nos ad publicum iuandum vocati sumus rerum argumento, & scriptorū modo: quam rem voluisse etiam non assecutis, abunde pulcrum atque magnificum est. *Etenim uasentio* (ut cum Plinio dicam) *peculiarē in studiis causam eorum*

*Trafat.  
natur.  
hif.*

*esse,*



esse, qui difficultatibus victis utilitatē inuandi  
gratiæ placendi prætulerunt, & res vtilis vt di-  
cerent vtiliter, operā suam cōsumpserunt.

Quid ergo? dixerit quispiam, nōne te  
& Patrum illorum sanctissimorum exem-  
plis, quos antē dixisti, & Iurisprudentium  
ac Magistratum piorū auctoritate potius  
deterrieri oportuit ab hoc argumento iam  
instituendo, quā huc adduci importunis  
aliorū postulatis, ac fortē imprudentium?

Equidem non sum nescius eorum can-  
cellorū, quos functioni huic meæ circum-  
posuit Deus; nō exemplorum, quæ ortho-  
doxi Patres in Ecclesia Dei præbuerunt;  
non auctoritatis, quā in hac re Prudentibus  
iuris & iusto Magistratui attribuit Deus,  
& ab audacibus gladiatorisq. animis vin-  
dicaturus est. Sed tamen in hac quæstione  
aliquas etiam partes nostras esse (opinor)  
iudicaturi sunt, quicunque naturam, mo-  
dumque, & finē illius trutinæ iusta expen-  
derint. Etenim quæstionis huius natura  
est, vt partem sui communem habeat, par-  
temque singularem: Ita se habet ipsius mo-  
dus, vt partem regularum eius describat  
Theologus, auctoritatem & coactionem  
Magistratus parti earū admoueat: Finem  
denique Theologus proponit sibi commu-  
nionem

nionem sanctorum, & vniuscuiusque in  
communione hac cōscientiam; Magistra-  
tus, societatem humanam ordinemque in  
societate hac pernecessariū. De illis Theo-  
logum silere qui iubet, Theologiā abdicat:  
de his siqui Theologus laborat, seipsum  
perdit, & grauissimam iniuriam facit Deo  
vocanti, Ecclesiæ cuius causa vocatus est, &  
vocationi suæ, διὰ τὸ πολυπαρασκευασθῆναι καὶ  
ἀλλοθι ὀπαραγίας, ἢ φιλοπρίας ἀκρίβει. Sunt  
quos iuuat δεισμός impudens, nunquam  
subducturos ab eo manum, nisi crura (vt  
aiebat Tullius) frangatur ipsis: quos homi-  
nes, vt noxiæ par pœna sit (quod olim XII,  
cauebatur) otio perpetuo damnari velim.  
Sed an propterea viros bonos, vocatione  
instructos, & in ea sese religiosè continen-  
tes, ab officio suo æquum fuerit abstinere?  
an dissimulare ea, quæ in cōmunione san-  
ctorū proferri à seruis suis mandauit Deus?  
an naturam, modum, finemq. negligi cum  
vocatione sacra coniunctissimum? an in-  
firmarum conscientiarum (vt appellantur  
vulgò) negligi tranquillationem?

Ac naturam quidem communem par-  
tim, partimque singularem diximus esse  
quæstionis huius; quia cū ad omnes ho-  
mines communiter, quā homines, & ad

omneis

omneis eos qui præfunt, quà ad munus publicum sunt vocati, pertinet: tum verò singularem quamdam rationē habet, quia hæc ad politicum, illa ad Theologum pertinent singulariter. Etenim secundū principia & rationem communem omnium, siue naturaliter in vnoquoque, siue gratiose in sanctis & piis informatam, hæc questio & cognitio eius ad omneis pertinet aliquo modo: nemo homo est in vulgo, in Ecclesia, nedum in iis qui præfunt, siue Iuriscōs. siue Theologis, quem non his principiis, hac ratione imbutum esse oporteat. Singulos nostrum decet cor hominis, non elephanti corium, vt communes illas notiones sentiant, ac non stupeant ἀναίδητοι. Hæc principia si nescit Theologus, quomodo ex eis conclusiones doceat? Hæc communione naturæ omnibus hominibus sunt inter ipsos communia.

Inter eos verò qui præfunt, aliquid amplius commune est. Nam ex principiis illis notionibusque cōmunibus omnium certā scientiā cōclusiones generales specialesque ab vtrisque opus est confici, supra quàm à vulgo, secundū auctoritatem ipsorum, ad commune societatis humanæ bonum. Itaque & Magistratum prudentesque iuris  
\* \* \*  
5 plus

plus in his rebus quàm vulgus cōuenit cer-  
nere, ad politici ordinis institutum; & ser-  
uum Dei, ad vsum sacri ordinis & institu-  
tionem conscientiae.

Verumtamen hæc ipsa, vtcunque sint  
*τῶν κοινῶν* communia, suis repagulis à  
Deo prouidentissimè fuerūt circumclusa,  
& discretis terminis: quos quisquis mouet  
temerè, de publico meretur pessimè. Quid  
*Deut. 27.* enim? terminum priuati agri qui mouerit,  
hunc ferit Dominus maledictione: ecquis  
Enceladus Ætnæos ignes maledictionis il-  
lius, si commoueat publicum, queat effu-  
gere? Attendant, obsecro, quicunq. vtram-  
uis paginā in rationibus societatis humanæ  
faciunt, ad hos cancellos vocationis suæ.  
Sunt enim sui hominum societati, quam  
Magistratus regunt; sunt & sui cōmunioni  
sanctorum, quam serui Dei præeuntes pa-  
scunt, à Deo optimè constituti.

Magistratus ex principiis naturalibus  
scientia politica conclusiones generales &  
speciales cōficiunt, & determinationes sin-  
gulares disponunt ad societatem ordinem-  
que humanum accommodas, secundum  
rationem æternæ legis in natura hominis  
adumbratam. Theologi & serui Dei quot-  
quot sunt, principiis naturalibus scientia  
diuini-



diuinitus inspirata conclusiones generales  
& speciales superstruunt, & à determina-  
tionibus singularibus ad societatem ordi-  
nemque humanum accommodatis (quæ  
alterius fori & cognitionis sunt) abstin-  
tes, societatem sanctorum & conscientiam  
cuiusque in ea communione colunt deter-  
minationibus spiritualibus, secundum ra-  
tionem æternæ legis in verbo Dei & sacra  
Scriptura informatam. His cancellis, opi-  
nor, tota natura harum administrationum  
ab illis ita secluditur determinaturque, vt  
mirari satis non possint homines hac me-  
moriam nostram existere, quos ex hac admini-  
stratione in illam, & ex hac disciplina in il-  
lam, quasi desultores in quadrigarum cur-  
riculum, non pudeat incurrere.

De natura functionum diximus, de mo-  
do videamus. Duplex igitur est in his fun-  
ctionibus præstandis modus: communis  
vnus, & singularis alter. Nam etsi regula  
naturæ omnibus hominibus, regula gratiæ  
omnibus piis est indita ad informationem  
ipsum, tamen eos constat qui functiones  
publicas obeunt priuatis antestare: tum quia  
omniū legum, quasi regulæ publicæ, ac non  
priuatiæ solum, custodes & administri sunt;  
tum quia sua accedit *negotium* omnibus  
ad com-

ad commendationem regulæ, quam aliis præstituunt, auctoritas. Atque hæc quidem secundum naturam functionis suæ cōmunia sunt utrique hominum generi, qui in politia, & Ecclesia præsent: nā & regulam publico exhibent, & auctoritatem adiunctam habent. Sua est Magistratui iusta auctoritas, sua ministerio, in iis rebus quas antè circumscripsimus.

Sed tamen singularis est utrique ordinatio, modusque & imponendæ regulæ, & auctoritatis exercendæ. Nam regulam ponit Magistratus in rebus humanis suam, de suo, & auctoritate sua; Theologus verò & verbi administer quisquis est, nec suam, nec de suo, nec auctoritate sua fert legem; sed diuinam, de verbo Dei ipsius, & auctoritate Dei, cuius interpret solū ac nuncius appellatur. Magistratus vim regulæ & auctoritatis suæ cogendo firmat: hic affirmat docendo, & vim cogentem in rebus sacris ac diuinis vindicat soli Deo. Hæc in regulis & auctoritate earū dispescenda planè sunt singularia: quæ si Magistratus negligit, pessumdat hominum societatem: si arrogat Theologus aut administer Christi, is aut seruus nequam, aut prædo in grege Domini atque tyrannus est.

Quæcun-

Quæcunque autem de natura admini-  
strationis vtriusque, & de modo diximus,  
eo maximè confirmantur, quòd finem  
habent quàm diuersissimum. Est enim fi-  
nis iste Magistratui propositus, vt societati  
humanæ & communi bono còsulat secun-  
dùm hominem in rebus terrenis & tem-  
poralibus; Theologo autem ille, vt socie-  
tati piorum, quam communionem sancto-  
rum dicimus, & salutem còsulat in rebus  
cælestibus & æternis secundùm Deum.  
Secundùm hunc vtrumque finem inde à  
principio fuit in his administrationibus se-  
orsim natura & ratio sapientissimè à Deo  
instituta.

Et si in his ipsis administrationum fini-  
bus aliquid est vtriusque commune, & dili-  
genter ab omnibus obseruandum. Nam  
& Magistratus suo ordine politico ad por-  
tum salutis æternæ societatem suam adspi-  
rantem iuuat; & Minister Ecclesiastico,  
per fretum societatis humanæ, opemque  
Magistratus boni: Magistratus in hac vita  
regit, Minister per hanc ad illam dirigit.  
Hinc fit, vt multarum quoque actionum  
aliqua sit inter hos ordines communicatio,  
non autem (vt *ἀβυσσολόγοι* & ambitiosi  
putant) confusio. Quid enim confusio-  
cum

cum ordine? quid luci cum tenebris? Ordinem vnum altero iuuari volo, non periri: vtrumque seruari, non perdi: cupio vt sua cuique natura, suus modus, & sui fines consentiant contra imprudentiam & improbitatem hominum temerè in alto ludentium, tamquam si in portu agerent.

Hoc autem opus commune est Iuriscos. & nostrum: illorum, vt ordini publico consulant: nostrum, vt conscientiae: quorum vtrumque agitur in hoc argumento. Curemus æquam vtrique partem, & in commune, quod expedit communi adferamus. Ego prior scribere institui, non forte rogatus prior; sed tamen à bonis etiam rogatus qui iuri dant operam. secundas operas (spero) præstabunt illi, & quod à me pressius dictum est, fortè etiam minus populariter; id illi meo exemplo adducti amplius & commodius declarabunt. Ego me illis fauere & fauturum esse pronuncio ex animo, qui commoditati publicæ in hac causa amplius feliciusque prospexerint, adducti exemplo & adiuti, si fortè, opella mea. Neque enim præscribere Iuriscos & Magistratui cogito; sed meam sententiam in hac communi causa postulantibus perscribere; suas conclusiones & determinationes



nationes politicas, quæ iuris humani sunt, intactas relinquendo, & conclusiones diuinas, quæ iuris diuini ex sacra Scriptura sunt, conscientijs laborantibus, aut minùs certis exponendo.

Argumentum graue, difficile, periculosum, anceps; at necessarium: quo & priuatorum conscientiarum conquiescant, & qui publica auctoritate sunt, munera vocationis suæ bona fide certius exsequantur: Quemadmodum profectò omnes eos confido facturos, qui ex veris principiis conclusiones vtilis & necessarias secundum rationem rectam in suo genere, & ex conclusionibus determinationes secundum modum constitutionemque rerum confici videbunt oportere.

Hoc verò argumentum, Illustres Ordines, quia & res attingit politicas, quarum in his partibus curam felicissimè sustinetis, & ad fulciendas piorum conscientias omnino pertinet; vt qui præsunt bona conscientia præesse; & qui obsequuntur, eadem conscientia obsequi & parère possint: V. A. visum est *παραγγελλῆναι*, & sapientissimo iudicio vestro totum permittere. Quod si (vt spero) probabitis, hoc scriptum non tamquam operis mei, sed tamquam muneris

muneris vestri in publico exstare cupio:  
quo & vestra fides in rei huius publicæ pro-  
curatione, quæ ad eius fieri potest, illustre-  
tur, & mea ipsius erga pium quemlibet  
Magistratum, ac præsertim erga V. A. re-  
ligio in omnem posteritatem fiat quàm  
spectatissima. Illustres Ordines, Deum  
opt. max. Patrem Domini nostri Iesu Chri-  
sti oro, vos gratia cælesti sua seruet incolu-  
mes, consiliis præsit, actionibus benedicat,  
& regionis huius ciuitatibus singulis veri-  
tatem cum iustitia & sanctimonia, Rei quæ  
toti publicæ felicitatem sub vestro præsi-  
dio largiatur quàm diutissimè. Lugduno  
Batava III Idus Octobres Cl. Io. xciii.

DE

THESES THEOLOGICÆ

DE  
LEGIBVS MOSIS  
IUDICIALIBVS

ET EARVM OBSERVATIONE.

THESIS I.

**L**EX est rationis ordinatio ad commune bonum, ab eo qui curam communitatis habet, instituta.

II.

Hæc aut est æterna, puta conceptus immutabilis formæque rationis in Deo principe universitatis existens ante omnia tempora, aut informatæ & tradita in tempore.

III.

Quæ in tempore, aut lex naturalis est, aut nature adueniens.

IIII.

**L**EX naturalis est, quæ innata creature ratione præditis, informat eas notionibus nature communibus, id est, principiis & conclusionibus aliqua participatione adumbrantibus æternam legem.

A

Quæ

*Quæ natura aduenit, ea adnascitur, aut infunditur. Hanc diuinam, illam humanam legem appellamus.*

**LEX** diuina est, quæ inspirata à DEO & infusa rationalibus creaturis informat eas notioribus communibus & singularibus supra naturam, ad finem supernaturalem supernaturali ductu transmittendas.

**LEX** humana est, quam ferunt homines ratione procedentes ab illis legibus, tum ad communes conclusiones iustas, honestas, utiles, & necessarias, tum ad particulares determinationes conditioni personarum quarum bono fertur, rerum negotiorumve de quibus fertur, & circumstantiarum quæ eis accidunt accommodas.

Harum legum perfectum exemplum est in lege Moſis. Nam legem naturalem præceptis moralibus, diuinam ceremonialibus adiunctis ad documenta gratiæ, humanam politicis & iudicialibus declarauit.

**DE** naturali & diuina lege inter bonos



& pios conuenit: quarum neutram potest oppugnare quisquam sine indignissima in Deum, naturam, omnes, adeoque seipsum iniuria.

## X.

DE humana lege & iudicialibus praeceptis Mosi variant sententiae: quia iudiciis humanis contemperata sunt; humana autem iudicia neque ex communibus principiis conclusiones, neque ex conditionibus particularibus singulas determinationes iustas, omnes, omnino, omni tempore ad omnia possunt conficere, aut alios conficientes animaduertere.

## XI.

Ac iudicialia quidem praecepta Mosi principio siue auctore diuina sunt: sed quae dicuntur de humanis legibus, pleraque ad Mosi iudiciales pertinent, quia has quidem tulit ipse Deus, sed ita ut tamen modo humano sint.

## XII.

Etenim omnes haec leges partem sui immutabilem obtinent, partemque mutabilem; illam semper, hanc interdum secundum personas, negotia, & circumstantias eos qui subsunt obligantem.

## XIII.

Immutabile est, quicquid ratione certa ordi-

natum est ad commune bonum ab eo cuius est auctoritas, secundum formam rationis illius eterne, quam adumbravit in natura, aut in verbo expressit Deus.

## XIIII.

Id tribus modis cognoscimus, principio, obiecto, & fine illius.

## XV.

Principio vel fundamento secundum formam rationis eterne est ordinatum, quicquid ex principiis à natura inditis aut à Deo reuelatis purè concluditur: ut Deut. 22. quum edificabis domum nouam (nimirum ex usu Syria) tum facies loricationem ad tectum tuum, ut reatum sanguinis non imponas domui tue.

## XVI.

Obiecto sic ordinatum est, quicquid ad iustum legitimumque obiectum actionis lege imperata respicit: ut Deut. 24. ne afficiuntor morte patres pro filiis, nec filij pro patribus afficiuntor morte.

## XVII.

Fine sic ordinatum est, quicquid ad salutem iustumque finem secundum eandem eternam rationem, velut catholicam regulam, contendit: ut Deut. 19. unusquisque testis in quemquam

ne sur-

ne surgito pro iniquitate ulla, aut pro peccato  
ullo: nam finis est, ut vita humana habeatur  
ratio diligentissime, nec unquam nisi certo ex-  
ploratoque indicio cuiquam adimatur.

XVIII.

His tribus momentis expenditur species le-  
gum, utrum bonæ sint nec ne: & censentur  
bonæ, quæ tria hæc coniunctim obtinent; malæ,  
quæ destituuntur vel uno illorum. Sunt enim  
hæ conclusiones iustæ, honestæ, utiles, & neces-  
sariæ, ex principiis certis & immotis factæ, &  
leges harum immutabiles.

XIX.

Mutabilia sunt cetera in humanis legibus,  
& conditionem mutationis implexam habent,  
duabus de causis. Nam & ratio præcipientis  
leges interdum variat, & modus eorum ad quæ  
respiciant leges.

XX.

Ac ratio quidem hominis ferentis legem cum  
ratione proficit, præter rationem deficit. Qua-  
propter si legislator in conscientia æternæ legis,  
aut in cognitione eorum ad quæ respiciunt leges  
profecerit, legem mutare potest, si evidens erit  
utilitas, propter quam recedatur ab eo iure quod  
diu æquum visum est. Sed hæc causa nihil at-

tinet ad legem Mosis, cuius auctor & sancitor Deus.

## XXI.

Modus verò eorum ad quæ respiciunt leges, semper mutabilis est, & mutatur plurimum: ac propterea leges quæ de eis ordinant, mutari possunt ad commune bonum, & plerumque mutari necesse est.

## XXII.

Mutabiles itaque sunt in lege Mosis particulares illæ determinationes, ad quas ex immotis principiis communibusque conclusionibus proceditur secundum modum & conditionem eorum quæ subsunt ordinationi legis.

## XXIII.

Subsunt autem ordinationi legis personæ, res, (quibus actiones complectimur) & circumstantiæ: quarum conditioni ius accommodatur lege, fiuntq; determinationes iubendo vetandoque, munerando & puniendo, atque permittendo.

## XXIV.

Vt autem modus & conditio eorum quæ subsunt legi, sic ius determinationum duplex: commune, & singulare.

Com.



## XXV.

*Communis modus & conditio personarum est, quâ considerantur ut homines in rerum natura ex communi & humana lege: singularis, quâ considerantur ut Iudei, vocati in fedus, promissiones, veritatem, ordinem, & signa gratiae.*

## XXVI.

*Communis rerum modus, prout communiter sunt in usu hominum atque occupantur: singularis, prout ad singularem praeterea fedus, promissionum, veritatis, ordinis, federatorumque usum aut significationem adhibentur ex institutione Dei.*

## XXVII.

*Itidem circumstantiarum: quibus personae & res quasi vestiuntur pro conditione, ipsarum reali (ut vocant) aut instituto gratiae.*

## XXVIII.

*De his ergo omnibus determinationes sunt, cum humanis legibus ex communi aut singulari iure, tum legibus Moysi; communiter pro natura modo, & particulariter ex instituto gratiae mutabiles.*

## XXIX.

*Ac Moysi quidem leges quaecunque iuris*

*munis sunt, aut ratione communi obligant, aut analogia: quapropter aut ipsas leges seruari opus est, aut earum analogiam; ut de suis legibus Iurecos. praecepere.*

## XXX.

*Sed hac analogia in circumstantiis solum mutabilis est, in fundamento rationis vel substantia minimè. Proinde qui iure communi ciuilitex lege Moſis reus mortis est, idem reus mortis hoc tempore habendus est: nam unica est iustitia ratio & immutabilis. Circumstantiae verò, ut in factis, sic in iure variant quam plurimum, quadam rationis analogia.*

## XXXI.

*Quaecumque verò leges iuris particularis sunt, in ritibus ac ceremoniis posita, omnes fuerunt mutabiles: pleraque iam mutata sunt, non modo in circumstantiis, sed etiam re ipsa; praesertim quaecumque ad umbram futurorum fuerant instituta. Nam rectè olim Scholastici, praecepta Moſis iudicialia esse mortua, ceremonialia hac mortifera.*

## XXXII.

*Sunt autem ceremonialia aut specie substantiaque, aut circumstantiis. Specie, si principio, obiecto aut fine typico vel ceremoniali fundata sunt.*

9  
sunt. Circumstantiis, si alia insuper acciden-  
tiaceremoniis applicantur.

XXXIII.

Principio ceremoniale est, ut Leuit. 25. Terra  
ne venditor lege mancipij. Obiecto, ut Exod. 20.  
Altare terreum facito mihi (quod ambulatoria  
fuit Reip. Israelitarum) & quaecunque  
Exod. 25. & sequentibus imperantur. Fine, ut  
Exod. 13. Sanctifica mihi primogenitum, &  
sexcenta alia.

XXXIII.

De circumstantiis ceremonialibus indicium  
idem: siue ad speciem ipsam ceremonialem ac-  
cidant, siue ipsae per se constituent speciem cere-  
moniae: ut cum dicitur, Non facies ullum opus  
in die Sabbathi.

XXXV.

Sed plurima in eis praecepta sunt, quae com-  
positam quandam ex morali, iudiciali, & cere-  
moniali iure rationem habent promiscue, ac non  
vnius sunt duntaxat generis.

XXXVI.

In his autem quae mixti sunt generis, quod  
morale est permanet: quod absolute iudicale,  
mutatur circumstantiis: quod ceremoniale, uni-  
uersè perit. Cuiusmodi sunt observatio diei Sab-  
bati.

*bathi. Exod. 20. Lex de homicidarum receptu in  
urbes perfugij, Num. 35. purgatio de homicidio  
cuius incertus auctor, Deut. 21. & similia.*

## XXXVII.

*Atque in hunc modum pleraque se habent  
leges Mosis iudiciariae: quae tum ius politicum  
naturae commune & singulare gentis partici-  
pant, tum ceremoniale ab instituto gratiae. Has  
autem nec rectè intelligimus, nisi το νόμον δὸν  
τῆς πολιτείας distinguamus, nec quisquam earum  
observationem strictam hoc tempore cum ra-  
tione potest exigere.*

## XXXVIII.

*Nam pars earum (ut ita dicamus) mortalis  
est, atque mutabilis, pars mortua, & pars mor-  
tifera. Qui autem figit mutabiles aut mortuas  
pro absolute necessariis, libertatem; qui mortife-  
ras, vitam mentibus Christianis, quantum qui-  
dem in ipso est, è medio tollit.*

D E



## LEGIBVS MOSIS

## IUDICIALIBVS

## ET EARVM OBSERVATIONE.

## CAP. I.

*De iustâ Legis definitione & diuisione.*

CHRYSIPPVS olim de lege dicturus, dignitatem summam, utilitatem, necessitatemque illius his verbis legitur descripsisse: Lex est omnium rerum diuinatum humanarumque regina, quam præsidem oportet esse & bonis & malis, principemque ac ducem, ac proinde regulam esse iustorum & iniustorum, eorum causa animantium datam quæ à naturâ politica sunt & societatem cum ratione colunt, præcipientem ea quæ oportet fieri, quæ verò facienda non sunt prohibentem. Hæc descriptio Legis, secundum naturam à Chrysippo & aliis consimiliter, aut in eandem sententiam tradita: qua lege mortales quique inde à principio ad certum ordinem in societate humanâ seruandum adducti sunt: prout dignitatem, utilitatem, necessitatemque illius agnouerunt naturâ duce, & teste experientia. Cum autem salutaris Dei gratia hominibus illuxerit, ex quâ Christiani dicimur & sumus; quo plus veritatis

tatis & perfectionis legi illius gratiæ Iesus Christus seruator noster attulit, eo plus dignitatis, utilitatis, & necessitatis animaduerti à nobis opus est in Ecclesia eius: vt legibus certis contineamur in officio nostro; non solum quâ homines sumus, socialis vitæ & communicationis participes secundum naturam; verum etiam, & quidem maximè, quâ Christiani sumus, adsciti ad communionem & consortium cælestis vitæ secundum gratiam hîc in terris colendum atque obseruandum. Quemadmodum enim eo quod Christiani simus, non desinimus homines esse, sed homines Christiani sumus; ita etiam statuendum nobis est, eo quod Christianis legibus tenemur, non continuò nos humanis legibus solutos esse. Nam gratia naturam perficit, non autem abolet: Ac propterea leges quibus natura ipsa continetur, instauraturque, restituit amissas, corruptas instaurat, & tradit incognitas. Itaque de sanctissimo hoc vtilissimoq. argumento dicturi, quantum ex ratione Theologicâ ad tranquillandas hominum conscientias opus videtur fore; vt intelligatur quid sit id de quo agitur, à definitione Legis primùm instituemus sermonem nostrum: deinde verò distinctis generibus eius quàm breuissimè fieri poterit, ad singulare illud genus, cuius causâ hic labor susceptus est, declarandum & determinandum veniemus.

Legem igitur secundum communem quandam & analogicam rationem definiemus in hunc modum.

Thef. 1a

**L E X** est rationis ordinatio ad commune bonum,

ab eo

ab eo qui curam communitatis habet, inscripta.

Sunt quidem aliæ definitiones à viris doctissimis iam olim profectæ: cuius-modi illa Stoicorum est: Legem esse λόγον ὁρδόν, περκακτικόν μὲν τῶν πειντέων, ἀπαρρευστικόν δὲ τῶν ἐπιπιντέων, id est, rationem rectam, quæ iubet ea quæ facienda sunt, prohibetque contraria. Et horum vestigia secutus Cicero Rationem summam esse dicit, insitam *De legib. 2* in naturâ, quæ iubet ea quæ facienda sunt, prohibetque contraria: angustiores hoc pacto faciens definitionem illam quam olim Stoici tradiderant. Sed, quia per causas res definiuntur evidentissimè, definitionem illam aliis prætulimus: præsertim cùm aliæ definitiones quæcunque adferuntur fermè (quod vitiosum est) angustiores sint eo quod definiendum à nobis hoc loco suscipitur.

In hac igitur definitione, pro eo quod alij rectam rationem appellant Legem, quæ enunciatio figuratè dicitur, maluimus distinctè Genus & differentiam Legis exprimere, dicentes; *ordinationem esse rationis*. Nam Genus est *ordinatio*, quæ est actus *ὁρδός* π, id est, relationem perpetuam ac necessariam ostendens inter ordinantem & eos qui ordinationi subsunt. Differentia verò ad legis naturam & speciem determinandam pertinet *rationis* voce exponitur. Nam aliæ quidem sunt ordinationes tum à naturâ, tum à voluntate & appetitu rerum creatarum inuectæ; sed, quæcunque rationis est ordinatio ita temperata, ut ratio ordinantis afficiat rationem eorum qui subsunt, & horum vicissim ratio à ratione ordinantis pendeat,

pendeat, ea demùm lex verè appellanda est: quæcunque aliter fiunt, ea non leges, sed instituta dicenda sunt, nisi quis fortè *δημιούμω*s vel æquiuocè loqui voluerit. Ac proinde ad iustam legis informationem genus quidem instituit ordinatio, speciem verò illius propriam ac necessariam triplex constituit modus ad differentiam legis omninò pertinens; nempe ratio ordinantis, ratio eorum qui ordinatione aguntur, & ratio ipsa ordinationis inter utrosque interueniens: horum si quid desit, lex improprie appellatur. Iam verò quia res ipsa adhibitâ causarum enumeratione faciliùs intelligitur, & omnes dubitationis causas omninò amotura est causarum enarratio; videamus paucis, quænam illæ sint in hac nostrâ definitione legis. Materiam legis ergo appellamus *rationem* vt subiectum, & totum rationis opus in distinctione iusti & iniusti positum, quod opus inter superiores qui præsent, & inferiores qui subsunt, intercedit. Nā etsi lex, quæ actus est, voluntati proprie tribuitur, quia actus à voluntate sunt, tamen cum actus hic à ratione sit principatum in voluntatem ipsam obtinente, omninò æquius est principi rationi hunc actum tribui quàm voluntati administræ eius. Forma verò istius actus dicitur *ordinatio*, quia relatorum omnium ea natura est, vt relatio ipsa inter duos terminos relativos interueniens constituat eius rei formam quæ agitur.

Efficientem causam his verbis expressimus: *ab eo qui curam communis habet instituta*. Nam si quis, ad quem non pertinet cura communita-

tis,



tis, ordinare de ea voluerit, ineptè *οὐκ ἀναγκαῖον* operam frustra consumpturus est. Curam communis inesse ei necesse est, non solum studio, verum etiam vocatione & auctoritate iusta, qui de communitate instituit ordinare: siue ipsa sit vniuersa multitudo in communitate comprehensa, siue publica persona totius communitatis curam habens vocatione legitimā.

Finis est, *Commune bonum*. Nam etsi lex de rebus singularibus etiam ordinat, tamen singulares ipsae ordinationes legum ad bonum commune pertinent; tum quia particulare bonum ad commune, tanquam ad iustum finem suum, oportet contendere; tum verò quia natura ipsa constanter docet omnes partes vnius corporis ad totum ordinari; & vnius partis rationem seorsim constitutam re ipsa imperfectam esse, donec ad rationem totius, cuius pars illa est, reuocetur.

Atque hæc quidem definitio legis propriè simpliciterq. de omni lege enunciatur, quæ in rebus creatis vnquam instituta est, aut porro institui potest: sed tamen quia hoc ipsum legis nomen de summā illa ratione diuinæ sapientiæ mouentis & dirigentis omnia ad finem iustum prædicari solet, eodem quoq. modo legis definitio hæc de illā summā ratione vel ordinatione communiter intelligenda est. Dicitur autem lex illa analogicè, ac nō tanquam *ἐκ κοινῆς*, id est, vnius generis cum legibus nostris: ergo definitionem quoque legis, quam modo asseruimus, sic analogicè oportet accipi, ut quæ hæc dicuntur de Deo, intelligentur *ὑπορετικῶς*, & prout de Deo capi à nobis possunt;

possunt; quæ autem de creatis rebus enunciata sunt, propriè intelligantur.

In hunc modum, ut definitio Legis, sic diuisio illa prima accipienda est, qua vsi sumus dicentes,

*Thef. 2.*     **LEGEM** aut æternam esse, aut informatam & traditam in tempore.

Etenim hæ duæ species non sunt vnius generis propriè; sed analogicè tantum ad vnum velut commune caput referuntur, quamuis toto genere differentes. Quapropter etiam in hac diuisione (quod genus Logici ἀὐτὸς ἐνὸς γένους ἐν appellarunt) tum τὸ πῶς ἐστι νόμος, tum etiā τὸ πῶς ὁ νόμος ἔσται ὡς ἔσται, observatur. Lex enim æterna & natura sua prior est, & omnem Legis naturalis ac humane modum omnino superat infinita virtute sua.

Legem æternam Dei hoc modo definimus: esse conceptum immutabilem formamque rationis in Deo principe vniuersitatis existentem ante omnia tempora; nimirum ad commune bonum, prout in communi definitione fuerat antè propositum. Quibus verbis Legem illam æternam supra naturam legum aliarum omnium (ut modò diximus) asserimus. Nam vbi conceptam immutabilem formamque rationis legem æternam appellamus, putum putum actum esse demonstramus: quemadmodum Deus ἀνάγκη ἐστίν ἐστι, à quo tanquam vniuersali principio res omnes vniuersæ pendent. Cùm autem formam illam rationis à Deo & in Deo conceptam esse ad commune bonum dicimus, manifestò legem æternam Dei à ratione reliquâ diuinæ sapientiæ erga res creatas agentis & occupantis sese distinguimus. Nam

ratio

ratio

ratio diuinæ illius sapientiæ, quæ in rebus creatis agendis, mouendis, & sustentandis emicat, ea in rebus omnibus omni tempore occupatur: Sed de ea solùm ratione diuinæ sapientiæ hoc loco agitur, quæ homines ratione præditos instituit in perceptione ipsius; vt ea percepta ad obsequium iustum, faciendis iustis, contrariisque fugiendis, adducantur communis boni contemplatione; in quo etiam priuatum (vt antè perstrinximus) & particulare situm. Quapropter optimo iure huic legi laus illa asserenda est, quam humanitus de lege Chrysippus prædicauerat, Hanc reginam esse, præsidem, principemque, & iustorum iniustorumque regulam, cui politicas animantes & sociales omnes opus sit conformari. Hæc enim per se regula est; non autem dono, communicatione, aut participatione aliena: Hæc æterna atque diuina est, eoque principium vniuersale & exemplar regularum aliarum omnium: hæc immutabilis, ac proinde (vt cum Scholasticis loquamur) nunquam ab alia vlla lege regulatur. Regulam enim aliis omnibus adhibet constantissimam, ipsa vna & eadem indefinenter permanens; non alia hîc, & alia alibi, nec alias aliter (vt Augustinus loquitur) sed æternitatem suam veritatemque immutabilem in Deo supra res omnes regulasque asserens ab omni mutatione atque interitu. Enimuerò cur non habeatur æterna & immutabilis regula regularum omnium, cum nihil aliud sit lex ista, quàm ipsissima Dei sapientia, rationem iusti & iniusti in rebus creatis ad imaginem ipsius determinans?

Ex hac igitur immotâ & constante regulâ, quæ essentialis est maiestatis diuinæ illius, per communicationem & participationem quandam aliarum omnes regulæ, & ab hac (ut ita dicamus) regulatæ in rebus creatis extiterunt; aliarum tacito quodam modo atque instinctu informatæ, aliarum verò traditæ apertâ quâdam, siue Dei, siue eorum penes quos fuit auctoritas testificatione: Ac proinde hæc vna æterna dicitur; illæ in tempore extitisse, de quibus iam dicturi sumus.

*Thes. 3.*

Earum legum quæ in tempore extiterunt, hæc prima diuisiō, secundū principia vnde profectæ sunt: quod *lex alia naturalis est, alia naturæ adueniens*: quia in rebus creatis quicquid est, illud omnino aut principium internum à natura habet in ipsis, aut ipsis aduenit foris à principio aliquo externo agente ipsa, atq. in ipsis operante; quicquid est, aut innatum esse, aut aduentitium illud necesse est: nihil in rebus humanis extra has duas principiorum sedes ne excogitari quidem ab ullo potest. Ac proinde cum lex omnino in se rebus creatis ad imaginem Dei, eam aut innatam esse, aut superuenire naturæ huic necesse est: extra distinctionem hanc nihil adinueniri verè aut confingi potest.

*Lex naturalis* siue ingenita sic definitur à nobis, ut communem illam & analogicam definitionem legis in principio positam necessariò coniungi oporteat: quia generalis est definitio illa, & communiter ad singulas species legum quæ adferri possunt ex æquo pertinens. Singularia verò, quæcunque ad legis naturalis definitionem sunt

opus,



opus, quâ naturalis est, expressimus in hunc modum.

*Lex naturalis est, quæ innata creaturis ratione* Thes 4  
*præditis informat eas notionibus naturæ communibus,*  
*id est, principiis & conclusionibus aliquâ participatione*  
*adumbrantibus æternam legem.* Manent quidem  
 illa constanter, velut ad legem naturalem hanc  
 quoque pertinentia, quæ in summa illa defini-  
 tione posuimus. Nam materiale est iustum & in-  
 iustum ad rationem pertinens: forma in ordina-  
 tione consistit: causa efficiens Deus est naturæ  
 auctor, ad quem vniuersitatis huius, imprimis  
 autem hominum cura pertinet; Finis denique  
 commune bonum est. Sed in speciali hac cir-  
 cumscriptione tria sunt singularia, quæ in lege  
 naturali cupimus obseruari diligentissimè. Ea  
 sunt principium, quod *innata* dicitur *creaturis ra-*  
*tionis præditis*: actio, quod eas creaturas *informare*  
*notionibus naturæ communibus*: & modus legis  
 illius actionumque, puta, quod *aliquâ participa-*  
*tione adumbrant æternam legem.*

Ac de principio quidem singulari & proximo,  
 quia apud omnes constat, non sumus plura di-  
 cituri: modò id vnum obseruent singuli, aliud  
 esse si de communi vel vniuersali principio agi-  
 tur, de quo in communi definitione diximus (id  
 autem Deus est) aliud si de principio singulari in-  
 terneque in nobis, quod naturam appellamus,  
 vel potius vnoquoque nostrum.

Opus verò actioque naturalis istius legis etsi  
 omnibus promiscuè enunciatur, tamen non  
 æquè ab omnibus omni tempore percepta est.

Cum enim naturæ duplex ratio in scripturis ostendatur; vna integræ, in qua primi parentes fuerunt conditi; altera deprauatæ, in quam iidem lapsi sunt, & nos successimus: non dubium est, quin alius modi fuerit in natura integra informatio naturalis & notiones communes illis, atque hunc in hac corrupta est. Verumtamen quia nihil iam ad rem præsentem attinet de primigeniæ illius naturæ atque incorruptæ lege & informatione dispicere; omiſſa diſtinctione illa, agendum cõmuniter de isto naturæ opere videamus.

Notionum ergo communium (quas Philosophi veteres *κοινὰς ἐννοίας* siue *κοινὰς φησι* appellabant) duo sunt genera: vnum, de fine ad quem agimur naturali lege; alterum, de iis quæ ad finem eundem pertinent. Finis autem rationis illius practicæ, in iusto & iniusto positæ, proprius est bonum. ac proinde legis naturalis primum & summum præceptum est; bonum, velut finem naturæ, prosequendum & faciendum esse; auersandum malum. Notiones verò ad finem illum pertinentes trium sunt generum, prout triplex est ordo inclinationū à naturâ in nobis dispositus. Harum enim aliæ vniuersales sunt, quibus substantia quilibet fertur ad bonum secundum naturam, ad sui conseruationem adhibens quæ sunt commoda, & depellens contraria conseruationi ipsius; aliæ communes animantium, quas natura omnia animalia docuit, vt propagationi & conseruationi suæ speciei singula inteluiant; cuiusmodi sunt coniunctio maris & feminae, liberorum educatio, & similia multa; aliæ de-

niquæ

nique particulares hominis, secundum naturam rationis, qua animantibus cæteris antecellit; quibus homo tum ad scientiam cognitionemve Dei & rerum omnium, tum ad vitam instituendam naturâ duce inclinatur, ut assequatur bonum. His ergo inclinationibus ne cæcus quodammodo homo raperetur, notiones quoque naturæ communes adiecit Deus, & in hominibus singulis impressit, quæ lex esset homini ad res illas naturaliter inclinati: ut homo, tanquam substantia una individua, de suo esse (ut ita loquamur) dispi- ceret; tanquam animal, de sua specie; tanquam homo, de sua cognitione & vita cum ratione in- formanda.

Harum verò notionum, quas naturæ humanæ communiter inditas affirmamus, duas partes omnino statuimus: quarum unam *principiorum*, alteram *conclusionum* communium nomine designamus. Principia ea dicimus, quæ per se nota sunt, & immota, & (quemadmodum Scholastici vocant) indemonstrabilia; id est (ut melius Græci dixerunt) ἀπαροδείκτα: quemadmodum, exempli causa, principium scientiæ est innatum menti, Deum esse; in vita, τὸ εἶναι nostrum, speciem nostram, iustitiam conservandam. Conclusiones verò communes appellamus eas, quas ratio naturalis præeunte naturæ luce conficit ex principiis: ut Deum colendum esse; nostræ vitæ, speciei, iustitiæ adiumenta esse procuranda. Sic ad opus naturæ, siue integræ, quam antè dicebamus; siue depravata, in qua nunc agimus, homini sanctus ille mundi oculus prospexit lege

naturali conuenientissimè, cùm principia, media, & finem naturæ tanta commoditate circumseripsit in singulorum mentibus, & à principijs (quæ inclinationes illas naturales generant) ad conclusiones ducens commodissimè iustum finem proposuit, ad quem natura duce nos omnes ferri fuerat æquissimum.

Sed istarum notionum actionumque legis naturalis modus maximo nostro malo variauit. Fuit enim primus ille modus in natura integra integrè ac perfectè secundùm naturæ modum æternæ legi conformatus, eamque perfecta quadam participatione adumbravit. Perfecta autem, dico, non secundùm perfectionis illius modum qui in æterna lege illa perfectus est diuina perfectione, & immutabilis; sed secundùm naturæ humanæ modum: in qua quemadmodum imago Dei perfecta fuit secundùm perfectionem humanæ conditionis, ut imago Dei, non autem ut Deus; ita lex naturalis fuit legis æternæ illius umbra secundùm perfectionem naturæ nostræ, ut umbra, non ut corpus substantiaque illius. Quò autem propius lex naturalis in homine abfuit à participatione & conformatione æternæ legis, eo perfectior lex illa naturalis fuit: quemadmodum nunc ex contrario, quo abest ab illa lege æterna longius, eo imperfectius lex naturalis dicenda est inesse nobis. Atque hæc causa est, cui in definienda naturali lege dicere maluimus, *ad qua participatione adumbrat æternam legem*: quia nihil ad institutū faciebat, si de perfecta aut imperfecta participatione naturali secundùm modum



dam naturæ nostræ hoc loco ageremus; quando-  
quidem neque imperfecta, neque perfecta ipsa  
natura hominis perfectè æternam legem secun-  
dum modum legis ipsius percepit, aut partici-  
pauit; sed tantum aliquatenus adumbratam in  
se habuit secundum modum naturæ nostræ.  
Hactenus de lege naturali: nunc ad eam quæ na-  
turali superuenit transeamus.

Legi naturali accessiones duas fieri oportuit; vt  
humano generi tum ad præsentem hanc vitam  
nostram, tum ad futuram illam consuleretur. Nam  
quia lex naturalis rerum communium est, singuli  
autem nostrum res illas communes in particula-  
ribus & singularibus occupamus; alteram legis  
naturalis appendicem necesse fuit adhiberi, se-  
cundum quam particularia & singularia ad le-  
gem communium dirigantur. Quia verò nemo  
homo vel secundum naturam integram viuens,  
supernaturalem vitam & gratiam (quæ ad vitam  
perducit) lege naturali cogniturus fuisset, aut  
naturaliter etiam adepturus; superiore naturæ  
legem à Dei gratia necesse fuit admoueri. V-  
triusque in causa est nostra imperfectio. Nam  
cum lex naturalis in nobis imperfecta sit; & nos  
etiam ex tanta imperfectiōe & infirmitate la-  
boremus, vt quo magis ad singularia venimus, eo  
amplius in turpes indignosque defectus ab ipsa  
lege naturali delabamur; ex necessitate viden-  
dum fuit, vt certæ veluti sepes & cancelli circum-  
ponerentur nobis humano subsidio, ne à natura-  
li lege aberraremus temere. Cum autem supra  
naturam nos euehere gratiosè Deus instituerit;

ut perfectione supernaturali atque æterna donaremur in Christo Iesu; videndum quoque id fuit, ut Deo auctore & duce, qui via est, veritas, & vita, legem viæ, veritatis, & vitæ illius haberemus.

Thef. 5.

Hanc distinctionem verbis evidentibus in thesi quinta expressimus, dicentes, *Quæ Lex naturæ aduenit*, siue naturali legi, *eam aut adnasci, aut infundi*. Adnasci autem nihil aliud est, quàm natura quasi protrudente accedere ad naturalem illam legem quam paulò antè dicebamus: infundi nihil aliud, quàm ex superno principio supra nos omnes & naturam nostram in nos derivari. Ex eo autem omnino sequitur, quemadmodum re ipsa *παρεχουσα* siue adnascens surculus inferior est trunco cui adnascitur & ab eo pender; Ita legem illam naturæ adnascentem naturali lege inferiorem esse, & eidem ancillari; è diverso autem, superiorem illam, quæ supernè aduenit, esse naturalis legis arbitram. quapropter hanc diuinam, ut quæ à Deo vno est; illam humanam legem appellamus, ut quæ ab hominibus est, ordinem publicum ex naturalis legis illius iure & necessitate communi temperantibus.

Thef. 6.

Legem diuinam definimus hoc modo:  
*Lex diuina est, quæ inspirata à Deo & infusa rationalibus creaturis informat eas notionibus communibus & singularibus, supra naturam, ad finem supernaturalem, supernaturali ductu transmittendas.*  
 Antequam verò de hac definitione dicimus, monendi sunt lectores pij nos hîc de lege diuina agere secundùm substantiam & genus ipsius; non  
 autem

autem secundum formam externam vllam, qua aut enunciata est sonante verbo, aut expressa scripto legibili. Nam quidquid enunciatur aut scriptum est auctoritate Dei, id quidem legis diuinæ est; sed non continuò totam legis substantiam aut legem diuinam in genere ac vniuersè complecti dicendum est. Hanc ergo diuinam legem à lege illa æterna, cuius naturam descripsimus supra, idcirco distinguimus; quia non est eadem cum æterna lege, sed illi proxima ac coniunctissima. Est quidem æterna lex, diuina lex: immò (si quis ad rem propiùs attenderit) magis diuina est, quàm hæc ipsa sit quæ à nobis diuina hoc loco appellatur. Nam illa diuina est omnibus modis: hæc principio, & secundum quendam modum solum diuina est: Illa essentialis est diuinæ maiestatis, eoq. incommunicabilis (nam quid essentialē deitatis cum rebus creatis communicari possit?) hæc communicatione gratiosa à nobis participatur. Sed legem diuinam hoc loco secundum quid (vt loquuntur vulgo) appellamus, non autem simpliciter: quo simplici modo lex æterna illa diuina est. Agimus enim hîc de lege diuina, non simpliciter, sed cum circumscriptione vel determinatione quadam proximè precedente, cum diximus legem quæ naturæ aduenit, eam adnasci, aut infundî: Quibus ex verbis illud eruimus, non hîc demum agi de illa æterna lege diuina essentiali, incommunicabili, principe, regula regularum, & nunquam per aliam (vt antiè diximus) regulata; sed de ea propriè diuina lege sermonem suscipi, quæ naturæ

aduenit in tempore; non essentiali, sed aduentitia; nō incommunicabili, sed communicata; non principe regula regularum omnium, sed tamen proximè ad principem illam regulam pertinente tamquam imagine illius certissima à Deo data, ut per eam ad legis æternæ illius contemplationem, cognitionem, admirationemque prouehamur. Illa enim regula est omnium secundum modum diuinæ maiestatis, quæ infinita est: hæc regula est hominum secundum modulum nostrum quodammodo, cui modulo reuelationes & communicationes suas contemperauit Deus.

Hanc ergo diuinam legem aliquo modo definituri, quemadmodum in circumscribenda lege naturali fecimus, tria posuimus, quæ ad determinandam legem hanc propriè singulariterque pertinent, principium, actionem, & modum ipsius. Principium his verbis expressimus, *que inspirata à Deo & infusa rationalibus creaturis: actiones quoque istis, informat eas notionibus communibus & singularibus supra naturam*: modum denique illis, *ad finem supernaturalem supernaturali ductu transmittendas*. Ac primùm quidem inter omnes de principio constat, etiam natura teste. Vtenim principium naturale est in nobis, Deum esse; ita etiam naturalis est ex eo principio certissimaque conclusio, Deum agere secundum id quod est; Deum loqui, & sermonem suum secundum modum ipsius communicare cum creaturis suis. Quæ cum ita sint, necessariò modum communicationis illius, siue modum principij  
agens



agentis in nobis circumscribi à nobis oportuit *inspirandi & infundendi* verbis; vt aliquo saltē modo principium illud communicationis diuinæ cum hominibus intelligeremus. In omni autem communicatione duplex observatur modus: vnus, quo ab agente procedit communicatio; alter, quo ad alios peruenit atque ab eis percipitur. Modus processionis, quo lex diuina à Deo perfecta est, demonstratur, cū eam *inspiratam* dicimus. Sic enim docemur, Scriptura teste, prout Deus est spiritus, sic in spiritu agere & loqui: nihil secundū carnem, aut modum corporeum simpliciter in tota hac Dei actione quæri oportere. Vt autem procedit ab illo diuina lex, ita etiam procedit ad nos: qui cū vasa angusta simus, inepta percipiendæ plenitudini reuelationū eius, eo ampliorem beneficentiam a Deo assequimur, quòd legem illam suam *infundit* eodem spiritu, & sensim iniicit in spiritus nostros virtute sua: Nam lex naturalis ingenerat præceptiones suas; & Lex humana imperat corporali modo: sed hæc inspiratur & infunditur per modum spiritualem gratiæ.

Huius autem diuinæ legis opus in nobis est huiusmodi, quòd *nos informat notionibus communibus & singularibus supra naturam*. Notionum genera duo in definienda lege naturali antè exposuimus: nimirum principia, & conclusiones ex principiis per ratiocinationem assurgentes. Eandem quoque rationem à Dei gratia communicante legem ipsius observari, nemo bonus negaturus est. Sunt enim principia supernaturalia, super-

supernaturali virtute inspirata & infusa à Domino; & cōclusiones ex principiis iisdem ostenduntur nobis, qui credimus, supernaturali modo, Nam et si lege naturali principia & conclusiones naturales secundum rationem humanam insunt hominibus; tamen alia principia supra naturam inspirari atq. infundi à Deo oportuit: ut finem illum ad quem supra naturam ordinati sumus, & veritatem, quæ ad finem certò perductura est, possemus cognoscere. Finis, Deus est, finis ἀγνώστου siue incomprehensibilis, nisi prout sese à nobis comprehendendum ipse præbuerit. veritas quæ ad finem illum nos perductura est, nemini per naturam, aut vi naturæ potuit innotescere; præsertim verò ex quo tenebris ignorantiae, & abyssò peccati natura nostra immersa est. Nam si intellectus noster (ut olim præstantissimi etiam Philosophi agnouerūt) ita se habet ad res naturæ manifestissimas, sicut oculus noctuæ ad lumen solis; ac proinde earum veritas per rationem inuestigata, non nisi à paucis, & per longum tempus, & permixtis erroribus quàm plurimis à nobis percipitur; quid obsecro, de adeptione supernaturalis illius finis, & de scientia veritatis illius dicturi sumus? Hoc verò non scientiæ naturalis, sed superioris scientiæ lumen est: quo lumine singulos nostrum in hac infirma natura oportet illustrari per diuinam illam inspirationem & infusionem, quæ agitur, ut principia superioris illius luminis scientiæque prehendamus.

Horum autem principiorum conclusionumque supra naturam, quæ Deus agit & excitat in nobis,

nobis, modus est per gratiam Dei duplex institu-  
 tus. Nam & communiter exhibet documenta cæ-  
 lestis gratiæ, & singulariter per spiritum infor-  
 mat suos in vera legis diuinæ conscientia. Ac  
 proinde quemadmodum à natura ipsa duplex  
 sensus homini inditus est; communis, naturali  
 lege, vt (exempli causa) Non occides; & singu-  
 laris, testimonio conscientiæ, At occidisti (huius *Rom. 2.*  
 enim testimonium, vt Paulus loquitur, accusat  
 quemque, aut excusat singulariter) sic etiam à  
 Deo duplex testimonium necesse fuit adhiberi,  
 quo nos informaret: Vnum, notionum com-  
 muniū in mente: alterum, notionum singula-  
 rium in conscientia, vt legis diuinæ vsus efficere-  
 tur nobis ab ipso salutaris, plurimum communi,  
 interdum etiam singulari testificatione & revela-  
 tione illius, ordinariè, vel extra ordinem adhi-  
 bita. Itaque harum actionum modus optimè ac  
 conuenienter veritati à nobis institutus est, cū  
 diceremus, esse his actionibus creaturas *ad finem*  
*supernaturalem supernaturali ductu transmittendas.*  
 Nam quemadmodum principium agens in no-  
 bis ad informationem & cognitionem rerum di-  
 uinarum supernaturale est, sic etiam supernatu-  
 rale principium, quo ducamur in obsequio præ-  
 ceptionum notionumque illarum, agere in nobis  
 necesse est: Cuius principij agentis in nobis &  
 ductus supernaturalis nos mouentis ea est effica-  
 citas; vt sola virtute illius, non vlla facultate na-  
 turæ nostræ, ad finem illum supernaturalem  
 transmittamur; non secus quàm sagitta ad sco-  
 pum propositū mouetur à iaculatore, atq. trans-  
 mittitur.

mittitur. Stat itaque illud certissimum, quod in definienda lege diuina diximus; & principium illius supernaturale esse, & supernaturalem quoque substantiam, opus, actionemque; & modum similiter finemque illius vniuersam naturam transcendere: quas res ne integra quidē natura illa, in qua primum homo conditus est, vlla vi sua fuisset adeptura, quantō minūs misera hæc nostra, ex quo labe ignorantiae & peccati prostrata fuit?

Restat vt de humana lege videamus: quam in hunc modum definimus.

*Thef. 7.*

*LEX humana est, quam ferunt homines ratione procedentes ab illis legibus tum ad communes conclusiones, iustas, honestas, utiles, & necessarias, tum ad particulares determinationes conditioni personarum quarum bono fertur, rerum negotiorumve de quibus fertur, & circumstantiarum quæ eis accidunt accommodat. In hac autem definitione, quemadmodum in superioribus item ostendimus, non repetuntur ea quæ communi lege in prima illa definitione posita sunt; sed ea fermè solūm adhibentur, quæ ad distinctionem huius legis & speciem constituendam faciunt. Quapropter id quidem primum de hac lege, vt de superioribus, constanter tenendum est, esse hanc quoque rationis ordinationem ad commune bonum, ab eo, qui curam communitatis habet, institutam. Sed in hac ordinatione humana specialis circumscriptio ex tribus locis plurimū perenda est; nimirum ex principio, actione, & modo ipsius: vt in proximè præcedente definitione demonstraui-  
mus faciundum.*

Princi-



Principium humanæ legis duobus modis distinguitur ab iis quas antè diximus. Nam neque Dei essentialis est, vt æterna illa; neque à natura est simpliciter, vt illa quam naturalem dicimus; neque à Deo est, vt diuina illa quam postremo loco descripsimus: sed ab hominibus est, ex quibus lex humana appellatur; & ferunt eam homines procedentes à communi principio legum, quod rationem appellamus: Sed tamen hanc ita ferunt homines quibus est auctoritas, vt lex humana quasi partus sit legum antecedentium, non autem cum illis principio velut immediato, auctoritate, & dignitate comparanda. Quam distinctionem verbis euidentibus proponebamus, dicentes, *legem humanam ferri ab hominibus, cum ratione procedunt ab illis aliis antegressis legibus.* Nam legis humanæ regula proxima est duplex: vna innata, quam legem naturalem dicimus; altera inspirata, quam diuinam: Hæ autem leges ex æterna lege, velut archetypo suo immutabili, processerunt. Ex his ergò fontibus lex humana procedit; hæc incunabula illius: à quibus si aberrat lex, degener est, indigna legis nomine: & si *ἡμιθέος*, siue (vt loquuntur) æquiuocè in vulgo ita appellatur.

Actionum autem siue operum legis istius duo sunt genera, quæ his verbis in definitione nostra expressimus: *Tum ad communes conclusiones, iustas, honestas, viles, & necessarias; tum ad particulares determinationes accommodas.* Nam siue ex principiis innatis, quæ docentur naturali lege, siue ex inspiratis quæ docentur diuina, riuu ducendi sint; omnino

omnino ex duobus illis fontibus hæc duo procedunt & manant actionum genera; conclusiones puta, & determinationes conclusionibus accedentes. Etenim ex vtrius illa lege duobus modis hi ducuntur riuus: Vno, cum ex principiis communibus leges deriuantur quædam rationatione mentis nostræ per modum conclusionum; quemadmodum ex principio communi, neminem affici malo oportere; conclusio ducitur, Ergo non occidendum; non scortandum, non furandum, &c. altero, per modum determinationis; vt cum ex conclusione illa communi, eum qui occiderit, mæchatus fuerit, &c. puniendum esse, existit legis humanæ vi & auctoritate determinatio huius aut illius pœnæ; Exempli causa; atrocioris, leuioris, laqueo, gladio, igne, lapidatione, mulcta, & consimilibus. His autem conclusionibus quas lex humana definit, quia vim habent aliquam ex naturali lege à qua deriuantur, duo attributa in definitione adiecit: prius est, quod *communes conclusiones* dicuntur; nempe vt à particularibus conclusionibus & singulari iure discernantur, quæ ad naturam humanæ legis minimè pertinent, sed potius ad priuilegium, vt propriè Latinis appellatur. Nobis autem non fuit animus dicendi de priuilegio; quia cum singulare sit, ad rationem scientiæ non videtur propriè pertinere. Posterius attributum est ex abundantia (vt vulgò loquuntur) adiectum, vbi *conclusiones iustas, honestas, utiles, & necessarias* à lege humana diximus effici. Nam alioquin hoc ipsum attributum omnino fuit ex eo intelligendum, quod legem

legem humanam diximus ab hominibus ratione procedentibus ferri : Ratio autem nullas conclusiones efficit in se, aut cuiquam imperat, nisi quæ iuri, honestati, vtilitati, ac necessitati sint coniunctissimæ.

Alterum legitimum humanarum opus expressissimum *determinationum* voce. Determinationes autem appellamus eam partem humanæ legis, quæ conclusiones illas naturales circumscribit quibusdam singularibus (vt ita loquamur) terminis, non auctoritate naturæ, sed iudicio potius sapientum, commune naturæ ius particulariter rerum singularium modo accommodantium : quemadmodum in exemplo pœnarum antè dicebamus. Ex quo fit, vt determinationes particulares istæ non ex lege naturali vlla, sed ex humana vim suam obtineant solum.

Harum verò actionum siue operum humanæ legis modus est positus in ea quam commoditatem appellamus : cuius commoditatis obiecta sunt tria in genere ( nisi me animus fallit) particularium determinationum istarum causam adferentia. Nam aut primaria obiecta sunt, quorum bono prospicitur naturali, diuina, & humana lege; aut secundaria sunt, quæ ad illa tanquam ad finem suum ordinantur; aut denique sunt accidentia, quibus vtrique illa promiscuè vestiri solent quodammodo atque variari. Primi generis sunt personæ, quarum bono feruntur leges : Secundi generis sunt res, negotia, & facta, de quibus feruntur leges ; In tertio censentur circumstantiæ, tum quæ necessariò personas & res inde-

C

sinentes

sinenter comitantur, vt sunt tempus & locus, tum quæ per vices & successione perpetua variantur, vt modus, causæ, instrumenta, & similia. Nam cum personarum, rerum, & circumstantiarum omnium conditio varietur tum in se ipsis, tum etiam inter se, æquitas illud postulauit, vt lege humanâ de singulis rebus istis conuenienter naturæ & publico ordini caueretur: quemadmodum in sequentibus exempla ex lege Dei deprompta manifestò demonstratura sunt.

## CAP. II.

*De lege Mosis, & substantiâ illius  
in genere.*

**P**OSTQUAM de Legibus quæ communia sunt breuiter exposuimus, videtur iusta docendi ratio à nobis postulare, vt de lege Mosis, cuius causa hoc scriptum institutum est maximè, videamus. Legem Mosis appellamus vulgo Libros illos quinque, iussu Dei à Mose exaratos, & in sacrario depositos ab Ecclesia seruandos, colendosque religiosissimè. Sed quia his libris continentur alia *συνημματα* siue in narratione posita factorum humanorum, & promissionum diuinarum, alia *νομικά* siue ad substantiam & modum legis pertinentia; speciatim legis Mosaicæ appellatione in hac nostra causa volumus intelligi ea, quæ pertinent ad rationis ordinationem moralem illam, quam antè circumscriptimus; non ad rerum antè gestarum promissionumve narrationem in libris illis comprehensam.

*In hac*



*In hac igitur Lege Moſis*, id eſt, in parte illa legitima, quæ per libros quinque illius, velut ſanguis per totum corpus, diſfuſa eſt; ſtatui-  
mus veri-  
tate Dei & auctoritate freti, *exemplum perfectum*  
*eſſe earum legum* omnium, de quibus antè dice-  
bamus. Exemplum eſſe dēmonſtratur hoc modo:  
Quæ ad formam modumque exemplaris vnius  
aut plurium facta ſunt, ea exempla dicuntur eſſe:  
Lex Moſis ad exemplar legis æternæ, & naturalis,  
& diuinæ, & humanæ facta eſt: harum igitur ex-  
emplum eſt.

Exemplum eſſe hanc æternæ legis conſtabit  
planè, ſi naturalis, diuinæ, & humanæ legis oſten-  
derimus exemplum eſſe; quia lex æterna harum  
omnium exemplar eſt immutabile, & hæ vicif-  
ſim exempla æternæ legis.

Eſt autem lex Moſis exemplum legis natura-  
lis, notiones naturæ communes lege naturali in-  
ditas exprimens conuenientiffimè. Nam princi-  
pia & conſuſiones naturalis legis, id eſt, com-  
munes illæ notiones naturæ in lege Moſis perfe-  
ctè exprimuntur, quæ in natura hominis non ſo-  
lùm corrupta, ſed integra illa primigeniaque ex-  
titerunt. In natura enim corrupta noſtra notiones  
eardē ſunt, quæ antè fuerāt in integra; ſed, quem-  
admodum natura ipſa factō parentū noſtrorum  
corrupta eſt, in quibus principium naturæ fuit;  
eodem modo notiones naturæ huius, principia-  
que & conſuſiones labem corruptionis & de-  
prauationis ſuſceperunt. Hæ autem principia  
omnia, quæ nunc in nobis deprauationis habent  
quam plurimum, quæque olim fuerant integra

in primis parentibus nostris secundum perfectionē naturæ nostræ, facultate legis illius quam naturalem appellamus (vt Apostolus ad Rom. 2. docet) hæc, inquam, in lege Mosis perfectione summa à corruptione vindicantur, & in integrum restituuntur aduersus omnem impietatem & iniustitiam hominum veritatem in mendacio detinentium: denique perfectam lucem & dignitatem suam in se perfecta legis illius declaratione adeptæ sunt. Hanc perfectionem Moralem exemplis euidentissimis possumus confirmare, & Christus Matth. 5. interpret & testis est omni exceptione maior, perfectionem legis naturalis in lege Mosis declaratam asserens. Vnum exemplum in præsentia satis futurum est, de ea vindicta quam particularem vocant. Vltionem nostri hæc natura corrupta tantopere probat; vt etiam summi quique Philosophi (Platonem excipio & alios pauculos) ius illius à lege naturali profectum arbitrentur, & Aristoteles inter opera magnanimitatis recenseat. Hoc naturæ corruptæ opus: cuius naturæ lex adeò corrupta est, vt iam perniciosissimum istud malum ex lege naturali omnibus inesse videatur. Verùm excitata ex vetero suo natura nostra, & ad puros fontes naturæ ipsius reuocata sentit vltionem istam legi naturæ aduersari; cùm legis naturalis principiū cōmune sit, ne malefaciamus cuiquam: Ex eo enim principio conclusionem existere, ne offensa quidem accepta malefaciendum esse, nec hominem malè in nos lapsum per vltionē particularem nostram in malum amplius impellendum. Hoc autem lex  
Mosis

Mosis tã perfectè asserit, vt nihil clariùs aut cui- Leuit. 19.  
dentiùs caueri possit. Nam & vniuersè dicitur in  
lege, ne vlciscitor: & speciatim priuata ista & dia-  
bolica vltio vsq. adeò prohibetur, vt ne asino qui-  
dè aut iumento illius à quo offensi sumus, studio  
vltionis damnũ adferri sinat. Adeò naturã corru-  
ptã nostrã à misera illa perditaq. corruptione ad Exod. 23.  
integritatẽ ipsius lege Mosis voluit reuocatã Deus, Deut. 22.  
& rediuiuũ legis naturalis exemplũ præstitutum.

Vt autem legis naturalis exemplum perfe-  
ctum esse in lege Mosis, ita etiam diuinæ illius  
esse confirmamus euidentiore argumento. Nam  
cũ lex diuina supernaturalis sit à Deo proficif-  
cens; lex autem Mosis sit ea ipsa lex quam Deus  
illis temporibus attribuit Ecclesiæ suæ, vt docu-  
menta supernaturalia gratiæ, tum præceptis per-  
spicuis, tum etiam typis & ceremoniis exponeret;  
nec alia vlla lex fuerit olim à Deo data, aut pòst  
ipsius Christi Apostolorumq. testimoniis confir-  
mata; omninò ex eo statuimus perfectũ exemplũ  
diuinæ legis illius, quã Deus inde à principio gra-  
tiosè cõmunicauit cũ Ecclesia sua, in lege Mosis  
existere, velut certissimo diuinæ illius legis & su-  
pernaturalis symbolo, cui supernaturale testimo-  
nium multis modis sæpissimeq. perhibuit Deus.

De exemplo autem humanæ legis, quid iam  
opus est dicere? Nam vident omnes humana in-  
stituta exstare in lege Mosis quàm plurima, quæ  
non ex fonte principiiq. naturæ simpliciter;  
neque ex diuina lege profluxerunt; sed humanis  
& politicis conditionibus temperantur. Præterea  
& illud notum est, totum illud politicum & fo-

rense temperamenti genus in lege Moſis à Deo  
inſtitutum eſſe : & Moſem tanta religione à ſuis  
iudiciis & auctoritate ſua ſemper abſtinuiſſe, ut  
in rebus etiam minoribus Deum conſuluerit, &  
ab imperio eius pependerit : denique eas ipſas le-  
ges nunquam niſi ex ſingulari mandato Dei, in  
librum Eccleſiæ authenticū retuliſſe. Quis ergo  
non videat humanam Legem politicis & iudi-  
cialibus exemplis in lege Moſis declaratam eſſe,  
& hanc eſſe exemplum illius?

Atque hæc quidem exempla propoſita in lege  
Moſis fuiſſe credimus eo perfectionis modo, qui  
ab hominibus per illud tempus potuit compre-  
hendi : ac proinde Legem Moſis non ſolū ex-  
emplum eſſe illarum legum, ſed perfectum ex-  
emplum ſanctè affirmamus. Perfectum autem  
quum dicimus, non intelligimus ea perfectione  
legem Moſis perfectam eſſe, qua Deum perfe-  
ctum appellamus, cui nihil poſſit accedere, & cu-  
ius infinita ſit omnibus modis perfectio; ſed per-  
fectionem eam intelligimus, in qua nihil imper-  
fectum eſt, quod poſſit detrahi; in qua quicquid  
eſt, perfectum eſt imperfectione vacans; ſive (ut  
dicamus planius) perfectionem limitatam (ut  
vocant) intelligimus, ſecundum rei quæ traditur,  
& eorum quibus traditur, contemperatum mo-  
dum. Nam quicquid eſt in lege, perfectum eſt,  
carens imperfectione; ſed id ipſum tamen quod  
in lege perfectum eſt, perfectius eſt in Euange-  
lio; quia Euangelium ad plenitudinem tempo-  
rum pertinet. Perfectionis enim creatæ ſine com-  
municatæ modus eſt duplex, in rebus omnibus  
quæ



quæ mutationibus infestæ sunt: vnus est perfectionis absolutè, alter comparatè dictæ. Absolutam perfectionem eam appellamus, in qua nihil desideratur quod ad iustam & plenam rei naturam constituendam pertinet: Comparatè verò perfectionem eam hoc loco appellamus, quæ secundum naturæ ordinem certis gradibus ad perfectionem absolutam contendit. Exempli causa, vir ætate iusta perfectionem habet naturæ suæ secundum modum ipsius; puer verò perfectionem habet naturæ suæ secundum ordinem eius: quæ perfectio, si cum statu virili comparetur, est imperfectio; si in se respiciatur, perfectio dicenda est; sed tamen quæ ad perfectionem maiorem natura fertur, prout omne imperfectum secundum tempus prius esse perfecto solet, & ad perfectionem sui naturæ lege semper contendere. Quemadmodum autè successiua (vt loquuntur) rerum mutabilium se habet perfectio; ita etiam documentorum ad eas pertinentium. Nam aliter principia docetur puer, aliter viri docentur perfectionem scientiæ; etsi vterque doctrinæ modus secundum principia seminaque ipsius vnā perfectionem habet. Proinde Lex Mosis secundum principia eandem perfectionem continet, quam Euangelio credimus contineri; sed tamen posteriore perfectionis modo; quia minorum quasi pædagogus data est, vt ad perfectiorem doctrinam assurgerent. Atque hic ille modus perfectionis est, secundum quem legem Mosis perfectum exemplum legis naturalis, diuinæ, atque humanæ appellamus: vt quæ istarum legum prin-

cupia perfectè tradat, reipsa, aut exemplo suo, & omni imperfectione careat; quandoquidem perfecta Dei sapientia ordinauit ipsam, vt ad perfectionem Euangelij Ecclesiam ipsius adulescentem prouheret.

Quòd autem perfectum exemplum ea lege tradi aut reipsa aut exemplo dicimus, id certo consilio affirmamus: quia naturalis quidem ac diuinæ legis exemplum est *ἐκτυπον*, id est, ex illarum typo & immutabili regula expressum formatumque bonitate Dei & imperuestigabili sapientia: legum verò humanarum exemplum non *ἐκτυπον*, sed *ἀντίτυπον* est; non ex regula humanarum legum à Mose effictum; sed cum illis eo communicans, quòd leges omnes humanæ exempla illarum sunt, non aliarum legum exemplaria aut typi necessarii. Et si hoc exemplum aliis humanarum legum exemplis propterea anteponendum est, quòd perfectum esse constat apud omnes bonos in suo genere; quam laudem nemo tam certò aliis humanis legibus potest tribuere: quia hæc à Deo posita, & confirmata, atque sancita est solemni testificatione; illæ verò non ite.

*Thef. 9.*

Harum autem legum, naturalis, inquam, & diuinæ, & humanæ variè spectatur auctoritas. Nam illarum, naturalis inquam & diuinæ Legis, auctoritas inter bonos & pios extra omnem controuersiam est posita; quandoquidem vtramque sui auctores ab omni controuersia, dubitatione, & suspitione omninò vindicant. Naturalem probat natura, diuinam Deus: à quibus auctoribus nomina sunt imposita. Naturam autem testificantem

canthem Legi suæ omnes homines sentiunt & agnoscunt, oppugnant mali studiis particularibus abrepti, & colunt boni; Deum verò testificantem communiter plurimi sentiunt, & pij soli percipiunt efficacissimè per communicationem Spiritus. Quæ cum ita sint, verissimè illud statuimus, *neutrâ posse à quoquam oppugnari sine indignissima in Deum, naturam, omnes, adeoq; se ipsum iniuriâ.* Nam quomodo non afficiat is iniuria Deum, qui legem ipsius oppugnat; cum ille vnus sit principium vniuersale naturæ rerumque omnium quæ in natura sunt; & principium commune ac singulare gratiæ in Ecclesia sua? an verò non esset homo in naturam ipsam iniurius, qui Legem à natura datam & impressam in omnium mentibus tentat conuellere? an etiam iustus in quemquam hominum pronunciari possit, qui atrocissima ista contumelia Deum & naturam ipsam afficeret, sacras illas & inuiolabiles leges violando? an denique existimari posset eum hominem vnquam erga se æquum fore, qui & suum ipsius principium à se abiudicaret, in quo viuit, mouetur, atque est, & omnia quasi lineamenta eius in lege naturali & diuina evidentissimè ducta expositaque omnibus oblitteret? Quòd si harum legum tanta est auctoritas, nemini dubium esse potest, quin lex Moïsis eadem auctoritate sit, qua legem naturalem ac diuinam tradit; principia antiquata renouans, restituens perditâ, ignota comunicans, & diuina prodens humano modo.

*De humanâ autem lege, & præceptis iudicialibus* Thes. 10.  
quæ habentur in Moïse, non est mirum si *variant*

*sententia*, nec satis de auctoritate eius inter nos conuenit. Cùm enim hominum conditio indefinenter variet quam plurimū, & iudicia de conditione ipsorum varient, & pro conditione iudiciisque hominū varient humanæ leges, & in his ipsis omnibus non hic solum ab illo, sed vnus & idem plerumque à se ipso dissentiat, denique per se in omnibus *ἐν παντί ἀνθρώπων*, quod vulgo dici solet; id contrā foret summa admiratione dignissimum, si in iudicio de auctoritate legum iudicialium Mosis, & de humanis legibus, omnes homines inter se consentirent. Iudiciorum enim summa est infirmitas, frequentissima varietas, incredibilis diuersitas, etiam in rebus leuioribus: & in re tanta quis iudiciorum certitudinem, stabilitatemque, & consensionem credat obtineri posse? Veruntamen nitendum est nobis, vt quo ad eius fieri potest, iudicia hominum adueniatur, & quia plurimum ad hanc rem potest, si causas istorum malorum, quæ iudicia humana torquent, aperiamus; pauca iam de eo argumento dicturi sumus.

Iudiciorum humanorum hic ordo à Deo & natura fuit constitutus, vt ratio principia ex intellectu depromeret, ex principiis conclusiones neceretur, conclusiones aptaret rebus particularibus, & ex conditionibus particularibus, determinationes, iustas, singulas, omnes, omnino, omni tempore, ad omnia conficeret, & alios ratione iusta conficientes obseruaret. In his autem omnibus ad singula labascit iudicium nostrum. Primum enim intellectus non habet communia illa princi-

*Conclusionibus. p. 10*



principia enodata & explicata, vt opus esset ad iudicium rectè de rebus tantis faciendum; neque voluntas intellectui excitando & recolendo inseruit, vt par est: ex quo fit, vt semper de turbido fonte iudicia hauriantur, obscura, turbida, impura, vitiosa. Deinde verò infirma est, imperfecta, & perturbata, deprauataque ratio, quæ ex qualibuscunque illis principiis de intellectu nostro deriuatis conclusiones tenetur facere; siue impediatur suis ipsius tenebris, siue particularibus studiis obscuretur atque traducatur, ad quæ voluntas omnibus momentis, innumeris modis, obiectis, & occasionibus abripitur. Tum vt conclusiones iustas quodammodò ex principiis indubitatæ adstruat, res ipsæ particulares, de quibus iudicium nostrum per conclusiones suas ex principiis oportet statuere, nobis tam obscuræ sunt præ infirmitate nostra, & natura ipsarum, & numero (vt ita dicamus) innumero; vt nobis semper aqua (quod aiunt) hæreat, velut in caligine cæca palpatibus; præsertim si ad conditiones particulares rerum earum respicimus de quibus oportet iudicari. Etenim non solum res ipsæ natura sua variantur, sed etiam conditiones in ipsis per momenta singula succedunt aliæ aliis; quas nulla creatura quamuis oculatissima & planè Lyncea, ne cælestis quidem, perfectè possit recognoscere, nisi instructa virtute gratiosa Dei supra naturam ipsius. & tamen sine hac cognitione rerum conditionumque particularium, quid fieri potest certi & explorati iudicij? quomodo iustæ determinationes iudicio certo adhiberi? Hinc illa  
iudicio-

iudiciorum peruersitas, hinc differentia; secundum quam nec singulas determinationes iustas cum ratione facimus, multo minùs omneis; nec omnino, nec omni tempore, nec ad omnia facimus; nec alios, si quando iustas determinationes faciunt, commodè facientes animaduertimus. Ex his tam multis & grauibus impedimētis illud consequutum est, quòd leges humanæ variè fuerunt traditæ, & varia de eis iudicia facta.

*Yhes. 11.*

Cùm autem lex Mosis vna sit; non possumus de varietate illius queri (nam vna, certa, & definita est) sed de præceptis iudicialibus eius, quæ ad genus legum humanarum profectò pertinent, variantes sententias hominum ad certum aliquem modum tenemur reuocare; ne iudiciis illius à Deo datis iudicia nostra iniquè faciant iniuriam. Ac legem quidem Mosis vniuersè ab aliis legibus eo distinguimus, quòd tota à Deo auctore est, & totum instrumentum, exemplumque perfectum omnium antecedentium legum complectitur: quæ duo ad confirmandam tuendamque illius auctoritatē, & supra quasuis alias extollendam, nos adducunt potentissimè. Ex his enim duobus constat legem Mosis cùm ortu & principio suo, tum substantia diuinā esse. Nunc autem quia non de tota lege instituimus dicere; sed de ea solùm illius parte quæ in iudiciis humanis & forensibus posita est; saltem eo argumento antestare aliis iudiciales leges & forenses Mosis dicendæ sunt, quòd Deus auctor illarum est certissimus: qui neque in principiis, neque in conclusionibus vllis, neque in rerum particula-

rium

rum conditionumque scientia, neque in determinationū causa, neq. in re alia vlla errare aut seduci potest. Hoc verò omnibus aliis Legislato-ribus non potest non contingere, quia homines sunt, à quibus nihil humani alienum: Deus autem ipse lex ipsa æterna est & principium vniuersale legum sanctarum omnium, quæ aut à natura, aut à gratia sunt, aut ab hominibus secundum ordinem naturæ & gratiæ ipsius sanc-  
ciuntur.

Et si verò respectu principij & ortus hæc ipsa pars Legis Mosaicæ planè diuina est, ac proinde auctoritatem diuinam simpliciter apud Iudæos obtinuit; tamen quia Deus hanc partem Legis humanis legibus & *modo humano* conformauit; iniquè fecerint, qui Legem hanc iudicialem Mo-  
sis per omnia diuinam esse contenderint, eò quòd ortu diuina est. Nam ex parte aliqua vna inscitum est conclusiones de toto confici in hunc modum: Leges Mosis iudiciales ortu diuinæ sunt, Ergo modis omnibus diuinæ: præsertim cum ortus rei foris adueniat; modus autem rei cuiusque ex materia & forma ipsius interna maxime cognoscatur. Est autem materia istarum rerum in se mutabilis; forma verò legum foren-  
sium à Deo secundum rerum earum modum ad tempus, non in æternitatem instituta, si ad hu-  
manas leges in se & forenses Mosis respexeris.

Statuimus igitur, etsi hæc leges quas iudiciales appellamus, ortu diuinæ sunt; eas tamen in se pro natura humanarum Legum aliarum quas fe-  
runt homines fuisse à Deo modificatas: ita vt  
respectu

Thef. 12.

respectu principij & finis, omnia diuina sint, & immutabilia; respectu verò materiæ & formæ, certæ distinctiones obseruandæ veniant; ne rebus diuinis humana infirmitas, aut contrà humanis diuina auctoritas perfectioque tribuatur. *Etenim omnes hæ leges non solùm humanæ aliæ, verùm etiam iudiciales Mosis, partem sui immutabilem obtinent, partemq; mutabilem.* Cùm autem vis legum ea sit, vt sua auctoritate obligent eos quibus feruntur leges; omnino ex eo sequitur, quicquid in legibus humanis aut etiam Mosaicis immutabile est, *eo semper & immutabiliter homines obligari*, quasi adamantino vinculo: Quæcunq. verò his legibus insunt quæ conditionem implexam mutationis habent, ea non semper constringere & obligare subditos; sed *interdum*, secundum voluntatem eius qui tulit legem, & personarum, negotiorũ, ac circumstantiarum quæ offeruntur modum. Nam Deus etiam in Legibus Mosis iudicialibus instituta sancit eiusmodi; quæ & conditionem mutabilitatis mutationisq. per voluntatem ipsius, siue expressam, siue tacitam habuerunt; & quæ personis illis, negotiis, & circumstantiis fuerunt conformata, quarum tota ratio à ratione præsentis personarum, negotiorum, rerum, & circumstantiarum nostrarum, siue aliarum diuersa est. Restat itaque, cùm harum legum iudicialium pars immutabilis sit diuino, & pars mutabilis humano modo; vt deinceps de eo quod immutabile est, & quod mutabile, in Mosis legibus iudicialibus æquè ac aliorum hominum; distinctè videamus.



## CAP. III.

*De eâ parte, quæ in Legibus Mosis iudicialibus  
& humanis aliis est immutabilis.*

**I**MMUTABILE autem est æquè in huma- Thes. 13.  
nis ac in iudicialibus Mosis institutis, quicquid  
ratione certa ordinatum est ad commune bonum ab eo  
cuius est auctoritas, secundum formam rationis illius  
æterna quam adumbravit in natura, aut in verbo ex-  
pressit Deus. Nam quicquid est eiusmodi, id certæ  
iustitiæ & æquitatis est, quæ semper vna est &  
constantissima. Hanc verò definitionem ut in-  
telligamus, & rem totam percipiamus commo-  
dè, duo nobis ordine tradenda sunt. Nam pri-  
mum excutiendæ sunt huius nostræ definitionis  
partes; deinde verò indicia signaque recognos-  
cenda, ex quibus in singularibus quibusque le-  
gibus has singulas definitionis partes æquum est  
explorari.

Legum igitur *τὸ ἀμετάβολον*, id est, immutabile  
definimus per causas, definitione convenientis-  
sima; quemadmodum etiam legum ipsarum de-  
finitionem adhibita causarum enarratione in an-  
tecedentibus posuimus. Quicquid ergò in lege  
est immutabile, secundum causas ita definitur; ut  
respectu causæ efficientis dicatur *ordinatum ratio-  
ne certa ab eo cuius est auctoritas*: respectu finis, *or-  
dinatum ad commune bonum*; respectu formæ, *or-  
dinatum secundum formam rationis illius æterna quam  
adumbravit in natura aut in verbo expressit Deus*. De  
materia nulla quæstio; quia nihil humanum est,  
de quo

de quo legibus humanis caueri non possit: Ac propterea nihil ad rem attinuit vt eam circumscriberemus definitione nostra.

In causa igitur efficiente humanarum legum duo concurrunt causarum genera, quæ in omni argumento prudentissimè distingui necesse est. Vna est, instabilis & varians plurimum, quam instrumentalem appellant Logici; puta Legislatorum, siue *eorum penes quos est auctoritas* condendi & ferendi leges: Altera constantissima, velut principium vnicum atque immotum omnium legum, & mouens omnes Legislatoris act institutionem ipsarum, ac proinde verè & per se efficiens causa, quam *rationem certam* appellamus. Est enim ratio principium omnium legum: nec sine ratione præside ac principe legum, statuta hominum pro legibus haberi debent: nisi fortè vt in rebus, sic in earum nominibus indigna *κατάχρησις* vsurpetur. Cùm autem rationis huius, quam legibus ferendis volumus præsidere, modus in ipsa quidem absolutè sit perfectissimus; in hominibus autem singularibus plurimum habeat incerti; propterea rationem illam præsidem & auctorem legum ab incerto rationis humanæ de-industria distinximus, cùm *rationem certam* diceremus. Cùm enim certum appellemus quicquid à nostra dubitatione, & ab instabilitate sui atque mutatione est alienum; omnino rationem illam extra omne dubium omnesque vices mutationum positam, illam principem, arbitramque humanarum legum, necesse fuit à ratione incerta ( prout hominibus in concreto inest) distingui; & supra

eam, tanquã in arce societatis humanæ, collocari.

De fine, nimirum quòd leges humanæ ferantur *ad commune bonum*, iam antè diximus in capite primo, cùm de legis definitione cõmuni summaque videremus.

Ad formam verò humanarum legum & iudicialium Mosis quod attinet, cùm iusta omnis ratio definitionum postulet, vt ea demùm in definitionem adducantur quæ ad naturam rei definitæ propriè & per se pertinent : id primum pij lectores monendi sunt, hîc à nobis agi de forma essentiali legum, non autem (vt vocant) accidentaria: & quia formam essentialem propriè appellamus eam quæ interna est ; contrà verò externam, si cum essentiali & interna comparetur, esse constat internæ illius consuetudinem ; simpliciter hîc à nobis eam describi formam humanarum legum, quæ interna & essentialis est : Ex quo fit, vt respectu illius formæ, ex necessitate quænis humanæ leges partem sui habeant immutabilem.

Huius autem essentialis formæ principium re vnum est, & modus vnus ; sed ratione triplex. Nam tria in circumscribenda hac forma concurrunt: *ratio illa æterna* & immutabilis, in Deo principe vniuersitatis existens ; tum *lex naturalis*, qua Deus rationem æternam suam *in natura adumbravit* ; postremò autem *lex Diuina, quam expressit verbo* : quæ tria, velut principia humanæ legis, vnum principium quodammodo sunt ; cùm æterna ratio vna sit, quæ & naturalem ingeneret, & infundat diuinam legem. Nam illa naturalis quasi vestigium diuinæ est, hæc autem imago ipsius

D                      impressa

impressa virtute Dei. Ex his tribus principiis, humanis legibus & ipsi quoque politiæ Mosis indita est interna illa forma, quæ legum humanarum constituit essentiam propriam & immutabilem: Nempe, secundum quam humanæ leges sunt factæ ad imaginem, vel secundum formam æternæ illius, & huius naturalis, ac diuinæ legis: ab his pendet; his inseruit, & ad has fertur vniuersè. Quapropter non dicimus humanis legibus inesse formam rationis illius æternæ aut naturalis, ac diuinæ legis: sed hoc tantum affirmamus, *esse hanc secundum formam illarum*, hoc est, efformari ab illis & effingi iustum legis humanæ modum. Est igitur forma essentialis humanarum legum nihil aliud, quàm analogia & conuenientia ipsarum iusta cum æterna illa, & naturali, diuinæque lege, secundum modum ipsarum: Nam humanæ leges, illarum sunt administræ. Atque hæc quidem de causis, ex quibus illius partis, quam immutabilem in legibus humanis appellamus, definitio confecta est.

Sed quia hæc generaliùs dicta, nec facilè capi ab omnibus; nec, si capiantur, tamen in iis quæ feruntur legibus semper commodè obseruari à quouis & agnosci possunt; veniamus ad secundum locum, qui est de indiciis ad euentiam formæ huius internæ pertinentibus. Cùm enim forma illa nec oculis videri possit; nec rationi omnium in promptu esse, nisi per indicia, signaque certa ac necessaria ad noticiam illius homines perducantur: Idcirco faciundum est, vt expositus habeatur in oculis omnium istorum signorum



gnorum & Indiciorum modus. Hanc igitur pat-  
*tem politicarum legum immutabilem* tribus modis co-  
 gnoscimus, principio, obiecto, & fine illarum. His  
 tribus argumentis iudicia de humanis legibus  
 fieri possunt convenientissimè. Principium, vel  
 fundamentum appellamus, à quo lex profluit,  
 tanquam fonte proprio: Obiectum, de quo lex  
 ordinat, tanquam materia iusta circa quam lex  
 occupatur: Finem denique appellamus eum cu-  
 ius causa lex est. Atque hæc tria non solum in  
 legibus, verum etiam in actionibus humanis om-  
 nibus quam diligentissimè opus est & semper ex-  
 plorari. Nam quemadmodum si quid à malo  
 fonte atque impuro derivatur, impurum est; si  
 in locum alienum atque indebitum derivatur,  
 damnosum est; si fine & consilio malo (nam finis  
 in rebus moralibus principium censetur, ex quo  
 iustæ & iniustæ plurimùm actiones dicuntur esse)  
 iniustum est; Ita etiam in legibus quæ actionum  
 humanarum præstituunt modum, hæc tria ob-  
 servamus: principium, obiectum, & finem ipsa-  
 rum. Quapropter singula suo ordine æquum est  
 expendamus.

Est igitur immutabile primo modo, quicquid  
 principio vel fundamento ita se habet, & secundum  
 formam rationis æternæ ita ordinatum est, ut ex prin-  
 cipio à natura inditum, aut à Deo revelatum purè conclu-  
 datur. Hic autem principia videmus tria quæ  
 antè dicebamus; principium summum & princi-  
 pem regulam principiorum, quam legem æter-  
 nam appellamus; principium innatum & regu-  
 lam illam ad exemplum legis æternæ in nobis

naturaliter informatam, quam legem naturalem; principium denique ad nos superueniens gratia, quod verbum Dei seu legem diuinam nuncupamus, qua gratiose Deus captui nostro accommodauit legis illius aeternae documenta. Atque haec tria principia (vt antè dicebamus) vnum sunt quodammodo, si ad rem ipsam & quae procedunt ab ipsis, respexeris. Nam illud ipsum quod lex aeterna ordinat diuinitus & perfectissime, Lex naturalis testatur pro naturae modo, & lex diuina supra naturae modum captui nostro accommodat. Quapropter respectu nostri vnum principium videntur esse; quia vna eademque ratio in conscientia communiter à tribus hisce principiis terminari solet.

Verumtamen quia ex principiis illis secundum rationem procedunt conclusiones, in quibus eruendis infirma ratio hominum plerumque labitur, & res puras in principio ipsarum impurat in actu suo; propterea necessarium fuit determinationem illam rationalis actus à nobis adici, quod *purè concludatur*. Nam non omne quod ex principiis à natura inditis, aut ab eo reuelatis concluditur, idem principio vel fundamento est secundum formam rationis aeternae ordinatum: plurima enim inter principia illa & conclusiones nostras impura intercidunt tenebrositate intellectus, & infirmitate rationis nostrae; sed id demùm ita ordinatum est, quod ex illis principiis purè, id est, citra impuritatem nostram & vitium rationis nostrae concluditur. Huius rei exempla à rebus quidem humanis adferri possint, ex iure

ex iure cōmuni sumpta: sed quia consilium non-  
 situm est de legibus Mosis iudicialibus hoc loco  
 agere; dabimus operā deinceps, vt singulis docu-  
 mentis nostris quæ exemplorū luce opus habue-  
 rint, ex ipsa lege Mosis, id ē ex prima & secun-  
 da legis tabula; distinctē afferamus exempla ad  
 institutum sermonem nostrum pertinentia: præ-  
 fertim cū omnes pij pro certo habeant nihil à  
 Mose omnino, ac ne in Politicis quidem & iudi-  
 cialibus legibus, nisi purē ex principiis suis, &  
 Deo auctore allatum esse.

De pietate igitur priore legis tabula cōpre-  
 hensa exempla hæc sunt. Si clām incitabit te *Deut. 13.*  
 frater tuus, filius matris tuæ, aut filius tuus, aut  
 filia tua, aut vxor tibi charissima, aut amicus  
 tuus qui est sicut tu ipse, dicendo; Eamus & co-  
 lamus Deos alienos, quos non noueras tu aut  
 maiores tu; ne acquiescito illi, neque auscultato  
 illi. Item, Præstigiatricem ne sinas viuere: & alia *Exod. 12.*  
 eiusmodi. hæc leges politix principium & funda-  
 mentum habent ab æterna, & naturali, & diuina  
 lege: secundum quod purē conclusiones fiunt  
 necessariò; quæ conclusiones ex vi principiorum,  
 à quibus procedunt, suā certā immutabilitatem  
 obtinent. Est enim principium æternum & im-  
 mutabile secundū æternam, & naturalem, &  
 diuinam legem, Deum colendum esse; & cultum  
 diuinum ei soli tribui oportere; ex eo principio  
 optimē concluditur purē ac sine yllo vitio. Ex hac  
 autem conclusione generali iterum purē neſun-  
 tur hæc duæ; Vna, neque doctrinam, neque docto-  
 rem auocantem à vero Deo & cultu ipsius au-  
 dien-

diendum esse; Altera, non esse ferendos eos qui arte nefaria Deo vero renunciauerint, & qui alteri res diuinas tribuant, aut beneficia quæ quidem nunquam nisi diuina sint, communicationesque, & reuelationes à Dæmonibus postulent. Hæ conclusiones tam sunt necessariae, quàm principia ipsa; nisi quòd principia per se firma sunt, conclusiones verò ex principiis illis suis, quæ antè diximus, demonstrantur.

De officio autem in proximum secunda legis  
*Deut. 22.* tabula imperato exemplum hoc esto. Cum ædificabis domum nouam, tum facies loricationem ad tectum tuum, vt reatum sanguinis non imponas domui tuæ. Item; Ne esto virile instrumentum super faminam, neque induito vir vestem feminae. Principium duplex secundum formam rationis aeternæ ad harum legum institutionem pertinet: Vnum est, quemquam lædendum non esse: Alterum, honestè viuendum. Quæ duo principia ipsi Iurisperiti olim, quamuis ignorantes Deum, velut columnina & bases iuris humani posuerunt. Ex priore illo principio conclusio hæc purè conficitur: Ergo nihil quo lædi quisquam possit committendum esse: & particulariter, quia Syrarum ædium ea fuit ratio, vt in tecto earum commodè ambulare posses, non fuisse committendum vt vita cuiusquam de tecto periclitaretur: quemadmodum omninò fuisset euenturum, si tecta ambulatoria eiusmodi fuissent ἀφρακτα, & loricatione aut repagulis in ambitum ipsorum caruissent. Ex posteriore autem principio cōclusio illa procedit purè quam Deus  
 imperat,



imperat: honestè viuendum; Ergo & honestas  
 conuenienter naturæ secundum rationem cuius-  
 que naturalem in toto vitæ instituto, & in ipsa  
 quoq. specie vitæ colenda est diligentissimè. Quo  
 argumento etiam in testamento nouo persanctè  
 utebatur Paulus, cùm de coma ad Corinthios *1. Cor. 11.*  
 scriberet, Apud vos ipsos iudicate, num decorum  
 est mulierem non opertam Deum orare? an ne  
 natura quidem ipsa hoc vos docet, quòd viro qui-  
 dem comatum esse dedecori sit, mulieri contra  
 comatam esse decori? Nam coma pro velamine  
 data est ei. Statuit enim Apostolus vestigia Mosis  
 imitatus, naturam ipsam non solum æqui boni,  
 verumetiam honestatis, itemque ordinis, & spe-  
 ciei ad honestatem pertinentis certissimam ma-  
 gistram esse; quo ex principio rectè concluditur,  
 nos in ratione boni & honesti imitatores naturæ  
 esse oportere; non autem re aut specie conuellere  
 instituta illa naturæ, cuius auctor Deus.

Immutabile est secundo modo, quicquid in  
 legibus sic ordinatum est obiecto, vt ratione certa  
 feratur ad commune bonum, secundum eandem  
 formam rationis illius æternæ, quam adumbravit  
 in natura, aut in verbo expressit Deus. *Est autem Thef. 16.*  
*sic ordinatum ratione obiecti, quicquid ad iustum legi-*  
*timumque obiectum actionis lege imperata respicit.*  
 Cùm enim homo ad actionem natus sit, & Lex  
 inter homines sit actionum arbitra, vt actio non  
 quæuis in quosuis, à quibusuis, aut quandocun-  
 que visum fuerit perficiatur; sed potius hæc actio,  
 in hunc, & ab hoc, idque hoc modo, loco, & tem-  
 pore præstari debeat, & illa ab illo: optimè pro-

spexit Deus, vt lege humana actionum obiecta  
*iusta & legitima* determinarentur, id est, materie  
 circa quas occuparentur actiones lege imperata.  
 Has verò materias siue obiecta *iusta legitimæque*  
 appellamus, quia vtrumque opus est in obiectis  
 actionum nostrarum omnibus: tum vt *iusta* ob-  
 iecta sint, id est, ex natura iuris, æqui, boni, ad  
 actiones illas pertinentia secundum naturam æter-  
 næ illius, & naturalis, & diuinæ legis; tum etiam  
 vt *legitima* sint, id est, vt lege humana suam ha-  
 beant determinationem, & humano ordine san-  
 ciantur. Id enim nisi obtineat; fieri non potest,  
 quin loco ordinis in societate humana perneces-  
 sarij, horribilis rerum omnium succedat pertur-  
 batio. Huius rei exempla (ne longius abeamus)  
 ex iis ipsis depromi possunt quæ antè in locum  
 Deut. 13. primum adduximus. Nam cum ita Deus præ-  
 cipit de auctore apostasiæ in Iudæorum gente:  
 Ne parcito oculus tuus illi, neque clementia vti-  
 tor, neque celato illum; sed omninò occidito il-  
 lum: manus tua primum esto contra illum, vt  
 morte afficias illum; postea verò manus totius  
 populi; & obrues illum lapidibus ita vt moria-  
 tur: quia quæsiuit te depellere à Iehoua Deo tuo,  
 qui eduxit te è terra Ægypti, &c. Cum item di-  
 citur: Præstigiatricem ne sinas viuere, & simi-  
 lia; iustum obiectum legitimumque definitur ac-  
 curatissimè, in quod stringatur gladius & iudi-  
 cium exerceatur auctoritate Dei: adeo vt non  
 potuerint Israelitæ, cum leges istas principio san-  
 ctas esse & immutabiles cognoscerent, non exe-  
 qui sententiam quam Deus imperauit lege, cum  
 in obie-

in obiecta eiusmodi inciderent, id est, in homines reos compertos istorum criminum quæ Deus lege defixerat.

Quemadmodum autem in causis pietatis ad priorem legis tabulam pertinentibus; ita etiam in posteriore tabula aliorum in alios officia præcipiente exempla huius rei sunt evidentissima: ut cum dicit Moses; Qui percusserit patrem suum *Exod. 23.* aut matrem suam, omnino morti traditor: Item, qui maledixerit patri suo vel matri suæ, omnino morti traditor: Item, ne oderis fratrem tuum in corde tuo: Item, ne afficiuntor morte patres pro filiis, nec filij pro patribus afficiuntor morte: hic *Leuit. 19.* certè obiecta sunt evidentissima, vi legis æternæ naturali, & diuina lege simul contestata; de quibus præcipiuntur & interdicuntur ista quæ ex lege Moſis adduximus. Nam quemadmodum pater & mater obiecta sunt indigna, in quorum vitam aut salutem inuehant filij; ita ediuerso quicumque filij impium istud facinus patrauerint, hi legum istarum rei habendi sunt, & legitima illa animaduersione dignissimi. Similiter cum alij fratres aliorum simus, natura teste & conscientia; proſectò nihil indignius in hac societate humana, quàm fratrem odio esse fratri: & qui fratrem suum sibi ipse pro obiecto statuit in quod effundat virus odij sui, is legi æternæ, & naturali, & diuinæ à Moſe ipſo traditæ aduersatur. Illius autem postremi loci, Ne afficiuntor morte patres pro filiis &c. tanta est æquitas, & tam euident in oculis omnium; ut nulla à nobis insuper opus sit declaratione. Quapropter etiam humanissimum

3. Chron.  
25.

illud Amatzia regis officium auctore Spiritu D  
fuit in scriptura sacra celebratum, cū pœnar  
de iis sumeret qui coniurati regem Ioas patre  
ipsius interfecerant: cū enim cōfirmatum esse  
regnum penes ipsum, inquit Deus, interfecit ser  
uos suos qui percusserant regem patrem suum  
filios verò eorum non affecit morte, sed fecit  
sicut scriptum est in lege, in libro Moſis, præce  
pisse Iehouam, dicendo: Ne moriuntor patre  
pro filiis, & filij ne moriuntor pro patribus; sed  
quisque propter peccatum suum moriuntor.

Iam de loco tertio videamus ad Legis immu  
tabilem constitutionem pertinente. Diximus  
tertium τὸ ἀμεταβόλῃ in legibus cognoscendi mo  
dum esse, finem earum.

Ihes 17.

Nam *Finis ordinatum est immutabiliter in huma  
na lege, quicquid ad sanctum iustumque finem secun  
dum eandem æternam rationem, velut catholicam re  
gulam, contendit.* si finis legum humanarum se in  
hunc modum habuerit, eæ secundum finem di  
cendæ sunt immutabiles. In hoc igitur fine du  
pliciter modus ipsius considerandus est. Nam  
Finem quidem legis in seipso sanctum iustum  
que oportet esse; in modo autem oportet secun  
dum rationem æternam illam esse constitutum.  
Itaque *sanctus* est finis, ad pietatem pertinens; *ius  
tus* est ad iuris & æqui boni veritatem. Sed quia  
tota sancti & iusti ratio legibus humanis com  
prehensa particula est tenuissima, & quasi umbra  
æternæ rationis illius, quam primo loco posui  
mus; ideò in ipso quoque legum humanarū fine  
explorandus est diligentissimè modus, utrū se  
cundum



condùm æternam rationem illam *πρόμνητον* finis  
propositus sit, nec ne : quia lex illa æterna (vt antè  
ostendimus) regula est catholica, id est, ad om-  
nia vniuersè, & sine exceptione pertinens ; abs  
qua nihil non oportet omni modo, tempore, &  
loco (vt ita dicamus) regulari, & leges suas mo-  
dumq. vniuersè accipere, vt sanctæ & iustæ sint.  
In hunc modum omninò se habent leges à Mose  
Israëlitis datæ: quarum ne apex quidem vnicus à  
iusto fine legum in societate humana ferenda-  
rum aberrauit.

Hoc autem in iis ipsis exemplis, quæ antè at-  
tulimus, singuli obseruare possunt. Verbi gra-  
tia: Postquam Deus in auctorem apostasiæ sen-  
tentiam tulit, hic finis illius adducitur; vt au-  
diant omnes Israelitæ, & timeant, nec pergant  
vlli facere secundùm rem malam istam in medio  
tui. Ex quo sequitur suppliciorum finem esse;  
horum quidem, correctionem & emendationem  
eius qui reus est; illorum verò, exemplum & in-  
stitutionem aliis exhibendam. Similiter qui verat  
præstigiaticem viuere, idem alio in loco finem  
interdicti exposuit euidentissimè, dicens: Abo-  
minationi est Iehouæ quisquis facit ista; & pro-  
pter abominationes istas Iehoua Deus tuus ex-  
pellit gentes istas à facie tua. Integer esto cum  
Iehoua Deo tuo, &c. His etenim verbis non ob-  
scure demonstrat Deus ad gloriam sui nominis,  
ad gratiæ suæ communicationem, ad salutem  
nostram, & ad sanctificationem saluti prauiam  
pertinere interdictum istud, & nos acquiescere  
huic interdicto propter hunc finem oportere.

Deut. 13.

Deut. 18.

Quæ

Quæ autem de his rebus ad pietatem spectantibus dicuntur ac sine ipsarum, eadem quoque accommodari necesse est legibus aliis ad humanitatem & posteriorem tabulam Moſis pertinentibus. Nam omnium ratio eſt eadem; nempe ut ius naturæ ab omni iniuria perfidiaque hominum vindicetur, ſecundùm gradus in natura ipſa conſtitutos. Nam parentum in filios ſingularis eſt auctoritas; ergo ſingulari iure aſſerenda vindicandaque: aliorum in alios communis eſt obligatio, tanquã fratres natura coniunctos; Tuenda ergo germanitas & neceſſitudo fraterna illa: denique ſuum cuique ex his ipſis gradibus præmium ſuppliciumque tribuendum; & videndum ex lege, ne res bonis viris dignæ indignis, aut indignæ dignis conferantur. *ῥῶσοι γὰρ* (aiebat Solon) *ἀλλ' ἰδὲ αὖτοι οἱ δίκαιοι ταῖσι.* Ad hunc finem leges omnes ſpectare quæ ab hominibus feruntur eſt æquiſſimum.

Evidentiſſimus autem omnium eſt locus ille *Deut. 19.* Moſis: *unicus teſtis in quemquam ne ſurgito pro iniquitate ullâ, aut pro peccatō vllō.* Nam etſi iuris communis eſt, ut iniquitates & peccata, quæ quidem reprehensione digna ſunt, deferantur, caueantur, atque corrigantur: tamen Deus propter iuſtiſſimum finem ſanctiſſimè cauit ac prudentiſſimè, ne unicus teſtis in quemquam ſurgeret, pro teſtimonio dicturus de iniquitate & peccato illius. Eſt quidem pernecceſſarium, ut tollatur malum de medio noſtri; ſed alia eſt ratio latentis aut obſcuri, alia comperti mali, ſi malum aut planè lateat, aut vni ſolùm teſti, aut pluribus comper-  
tum

tum sit. quia si cuius mali nullus testis est, nullius prætereà laborat conscientia; later enim. si cuius autem mali vnicus testis est, laborat quidem illius conscientia; sed inconsultum foret vnus solius hominis conscientia permitteri vitam alterius: nam etsi hoc non planè later, obscurum aliis est tamen: in rebus autem obscuris interpretationes iudiciaque benigna sunt amplectenda. Finis ergo istius legis est, non vt feratur iniquitas aut peccatum cuiusquam simpliciter; sed, potiùs vt vitæ humanæ habeatur ratio diligentissimè, ne vnquam periclitetur temerè; nec, nisi certo exploratoq. iudicio, cuiquam adimatur. Non esset autem certum exploratumq. futurum iudicium illud, cuius incerta cognitio; nec certa futura cognitio, si ab vno solùm teste procederet: quia vnus testis ( vt dicitur vulgo ) nullus testis. Quem vnum testem cum animo suo oportet statuere, à Deo suppressi peccatum & cognitionem illius, si plures non sunt consci; ac propterea de retegendo persequendove alieno facto laborari, cum illius facti cognitionem præuertat Deus, ab ipso minimè oportere.

*His tribus modis quos hæcenus exposuimus, Thef. 18. perinde species legum expendi solet. vtrum bona sint an mala, ac momentis ponderibusque res ea quæ pondere constant ad trutinam expendi solent: Et quemadmodum nummus *μεγαλες*, id est, accusus & minutus pondere ad iustum suum æquipondium cognoscitur; ita etiam his modis humanæ leges. Nam harum legum ea censentur bona; quæ tria hæc momenta coniunctim obtinent:*

*contra*

*contrà verò mala habentur ea, & mala reuera sunt, quæ destituntur vel vno illorum.* Et si interdum in legibus humanis, quemadmodum & in actionibus, illud vsuuenit, vt obiectum & finis earum idem omnino sint, & res vna eademque sit eiusdem legis aut actionis humanæ obiectum & finis; sed distinguantur ratione solum. Exempli causa, obiecti & finis alia ratio est, si quis re alienâ furetur, vt rei furtim subreptæ domino obsit; alia, si vt suæ necessitati consulat; alia, si vt cōmodet alteri; alia, si vt voluptatibus & libidini inferuiat. Nam in his exemplis vnum obiecto & fine conuenit, reliqua obiectum à fine diuersum habent. Quæcunque igitur leges tria hæc coniungunt, siue re diuersa, siue ratione distincta inter se, obtinent rationi illi æternæ cōformata, ea omnino pro bonis habendæ sunt. Cum autem contrà vnico defectu rerum ad bonum pertinentium virium rebus accadat, & efficiantur inane; optimè statuimus eas leges & actiones, quæ vel vno momentorum illorum destitutæ sunt, malas atque vitiosas esse. cur autem? ne. ap. quia leges humanæ de conclusionibus feruntur propriè, non de principiis: Conclusiones autem quæ ex principiis illis eruuntur, vi principiorum illorum iustæ, honestæ, vtilis & necessariae sunt, & leges earum perinde immutabiles. Principia autè in rebus moralibus quoties cunq. appellamus, tria illa necessitate iusta coniungimus (vt cum Scholasticis loquamur) terminū à quo, siue fundamentum, vnde existit actio; terminum in quo, siue obiectum, in quo terminatur actio; & terminum ad quem;



ad quem, siue finem, in quo terminatur præcipientis legis aut agentis hominis intentio : quæ ex intentione in rebus ethicis nostræ actiones plurimum, & legum omnium conditio aestimatur. In his tribus principiis naturam boni & mali plurimum circumseribentibus posita est fermè ratio illius *ἀμεταβόλη* siue immutabilitatis, quam ad humanas leges secundum quemdam modum diximus pertinere. Nunc ad alterum locum, qui de mutabili parte legum humanarum est, transeamus.

## CAP. IIII.

*De eâ parte quæ in legibus humanis est mutabilis, & de mutationum causis.*

**D**IXIMVS antè eam omnium legum humanarum rationem esse, vt partem sui immutabilem obtineant, partemque mutabilem; illam semper, hanc interdum secundum personas, negotia, & circumstantias eos qui subsunt obligantem. Immutabilem eam esse, docuimus quæ principio, obiecto, & fine, rationi aternæ, quam adumbravit in natura aut verbo expressit Deus, conformatur. Sequitur ergo, si quid est præterea in humanis legibus, quo tria illa essentiali iustæ legis constituentia quasi vestiantur, id esse mutabile, nec perpetuâ rationē iusti auctoritatemque obtinere. Sunt autè in eo genere actiones & circumstantiæ, de quibus postea suo ordine dicturi sumus. actiones enim secundum genus suum & per se mediæ sunt; proinde modò bonæ  
secun-

Thes. 19.

secundum principia illa & circumstantias habenda sunt; modò malæ, si quis defectus in iusta principiorum illarum obseruatione aut, in circumstantiis ipsarum obtigerit. Quæ cum ita sint, ex antecedentibus optimè definiimus, *cetera quæ feruntur humanis legibus* & in eis continentur, nimirum præter illos tres principiorum modos quos præcedente capite definiuimus, & *mutabilia esse, & conditionem mutationis habere implexam* in sese: id est, semper mutari posse, & aliquando mutanda esse, siue (vt vulgò dicimus) mutari debere. vt idem breuius dicamus, humanas leges mutandi non solum est possibilitas, sed etiam necessitas, quam necessitatem conditionem mutationis appellamus. Est enim hæc non simplex aut absoluta necessitas; sed ex hypothesi vel conditione earum rerum mutationibus infestarum, de quibus prospiciunt leges. Nam alia lex infanti fertur, alia viro; alia aratori ferenti, metenti alia; alia vinitori fodienti, pastinanti, putanti, alia vindemiam colligenti; alia (vt ex Paulo sumamus exemplum) cælibi, alia coniugato. Quapropter optimè Paulus de hoc argumento scribens, necessitatem simplicem siue absolutam legum à conditionali necessitate discreuit, dicens de legibus quidem absolutè necessariis, *dicit Dominus*; de legibus autem conditionem implexam habentibus, *dico*

1. Cor. 7. *ego, non Dominus*. Sic vbi de coniugatis habetur sermo, ad quorum coniugium sancta, id est, inuiolabilis adest necessitas: iis, inquit, qui matrimonio iuncti sunt, denunciatio non ego, sed Dominus; vxor à viro sese ne separato; quòd si sese sepa-

separauerit, maneto innupta, aut reconciliator viro; & vir uxorem ne dimittito. Quum verò de iis loquitur Apostolus qui cum infidelibus cōiugati erant, itemque de innuptis, diuersa planè ratione in loquēdo vtitur; quia his exemplis semper conditio inutationis implexa est ex personarum mutabilitate: quapropter de istis dicit; reliquis autem ego dico, non Dominus; si quis frater uxorem habet infidelem quæ consentiat ad habitandum cum eo, ne eam dimittito: & uxor quæ habet virum infidelem qui consentiat ad habitandum cum ea, ne eum dimittito. at si infidelis seipsum separet, separatus esto, &c. & alioquanto pōst ibidem: De virginibus autem præceptum Domini non habeo. Est igitur in iis quæ superiore capite diximus, absoluta necessitas; in his necessitas secundum quid, ex conditione puta rerum singularum de quibus feruntur humanæ leges.

Sed quia mutationes sine causa & ratione iusta admittere, præsertim in legibus ad rationem æqui boni, & ordinem publicum pertinentibus, turpis lenitatis foret ac inconstantiz; antequàm de mutabili conditione legum, rerumque dicimus quæ aguntur legibus, videndum est nobis in hoc loco de causis, ex quibus humanæ leges natura sua dicuntur mutabiles. Nihil dicam hoc loco de illo axioma in rebus omnibus constantissimo atq. exploratissimo; quæ ortum habent, ea interitu carere non posse: quæ ortu & interitu constant, iis necessario inesse mutationem: quæ à principio mutationibus infesto oriuntur, ea

E

non

non magis vacare mutationibus quàm principium suum à quo processerint: & si qua sunt eiusmodi, quibus leges humanæ demonstrantur ex facto mutabiles. hîc enim de iure ipso, non de facto quarimus: neque id solùm dicimus, leges humanas mutari, sed (quod amplius est) mutari iure. Huius ergo mutationis quæ iure legibus humanis convenit, duas omninò causas compertimus: quarum una est, à modo & conditione personæ ferentis leges; altera à modo eorum, ad quæ respiciunt leges. Nam in utroque mutatio frequenter accidit; quæ ex mutatione existit mutandi humanas leges necessitas; quæcunque insuper ab aliis adferuntur, aut ad hoc argumentum adferri possunt, ea mihi quidem optimo iure videntur ad alterum ex his duobus capitibus referenda esse: de quibus deinceps ordine, quàm brevissimè fieri poterit, dicturi sumus.

*Thef. 1c.* Ac primum quidem quod ad personam Legislatoris attinet, cum lex nihil aliud sit, nisi rationis qua homo præditus est ordinatio; omninò statuimus, prout ratio Legislatoris variat, ita & legem illius, quæ rationis est ordinatio, mutationibus subiectam esse. Variat autem duobus modis ratio hominis ferentis legem. Nam aut assurgit in melius, aut etiam abit in peius: *in melius quidem, si ratio ipsius cum ratione recta principis æternæ, humanæ, & diuinæ legis conveniente profecerit; in peius verò, si præter rationem illam communem & principis illis immutabilibus consentientem defecerit.* His positis, ita concludimus; *si Legislator in conscientia æterna legis, aut in cognitione eorum*  
*ad qua*



ad quæ respiciunt leges profecerit; tum demùm legem  
 ab eo mutari posse, si evidens erit utilitas (vt verbis L. 2 ff. de  
constit.  
priv. leg.  
 Vlpiani vtar) propter quam recedatur ab eo iure  
 quod diu æquum visum est. Sin autem ignorantia,  
 aut infirmitate sua, aut studio eò delabatur miser,  
 vt conscientiam æternæ legis illius, aut cognitio-  
 nem eorū ad quæ respiciunt leges, minùs atten-  
 derit, minùsque tenuerit; eum affirmamus turpi  
 hoc defectu cum sibi, tum publico esse iniurium:  
 sibi, quia rationem negligit, quam à legis latore  
 & principe necesse est eo ampliùs curari & coli;  
 quo plus auctoritatis habet; publico autem, quia  
 causa publici & ad bonum publicum ratione &  
 auctoritate illa sua instructus est, qua in contra-  
 rium abuti est indignissimum.

Sed quid si legem bonam commutet altera  
 tam bona? hoc enim aliquando potest contin-  
 gere, vt (exempli causa) si quem fontem quem lex  
 gladio addixerat, addicat laqueo; nonnè hæc  
 quoque mutatio, dixerit quispiam, potest contin-  
 gere? si contingit, nonnè falsa antecedens illa di-  
 stributio futura est, aut in melius solùm, aut in  
 peius mutationes legum existere? Agnosco id  
 quidem, fieri nonnunquam posse vt lex æqua  
 succedat æquæ, & fieri posse vt vna peræquè ac  
 altera nitatur æquitate iusta: sed tamen non se-  
 quitur, si nulla evidens est utilitas propter quam  
 recedatur à recepto & consueti iure; non sequi-  
 tur, inquam, legem pristinam cum ratione muta-  
 tam esse. Nam vt stemus legem hanc cum illa  
 in se æquo iure esse; in publico tamen, cuius cau-  
 sa feruntur leges, non potest eadem esse ratio

utriusque illius legis: quia mutatio huiusmodi, temeritatis, ac non æquitatis est, si non extat evidens utilitas per eam publico accessura: Deinde (quod rei caput est) mutatio ista non iuvat, sed nocet publico; quia mutationibus minuitur legum auctoritas, quæ nunquam nisi propter maiorem utilitatem communem conuelli aut commoueri debet. Qui ergo sic mutat legem, ut æquæ uni substituat tam æquā alteram; nisi utilitate publica & quidē maiore eò adducatur, is & sine ratione, & contra rationem facit. Sine ratione facit, quia rem ratione constitutam abrogat ex sola animi sui libidine atque voluntate: contra rationem facit, quia publico damnum adfert, minuens illam vim obligantem & constringentē legum, & auctoritatem earum propinans illudendam, qua ratione & hic quoque legislator impetius deficere præter rationem communem illam dicendus est: Quia, ut demus leges inter se omni ex parte æquales esse, non est tamen æqualis earum ratio ad commune bonum, & respectu illius; cui nunquam non obest secundum se legum permutatio.

Sed hæc causa in humanis legibus, quas homines solum ferunt, etsi verissima est; tamen nihil ad legem Moysi attinet, cuius auctor & sancitor Deus. Cum enim earum legum quæ simpliciter humanæ sunt, ratio & auctoritas humana sit, quarum illa in homine, dum hic vivit, semper imperfecta est; hæc à summa auctoritate Dei & ordinatione pender; certum est humanas leges & ratione & auctoritate imperfectas esse. Est autem

id de

id de natura imperfectarum rerum, ut contendunt ad perfectionem sui, id est, ad mutationem sui in melius. Ergo vel natura ipsa testificante, confiteamur omnes & singuli necesse est, leges humanas, quæ quidem simpliciter humanæ sunt, esse mutabiles, quia principium habent ab imperfecta ratione & auctoritate. verum in Lege Moſis utrumque longè aliter se habet, ratio, atque auctoritas. Nam quicquid Moſes præcepit lege, id certissimè à ratione æterna est purè profectum; etiam ratione naturali in rebus naturæ, & ratione diuina in rebus gratiæ contestante. Sic nullam in se imperfectionem rationis lex Moſis vnquam habuit, aut habuisse dicenda est. Quod enim se accommodauit populo illi cui ferebatur, & illis temporibus; id certè rationis est maximæ: tantum abest, ut eo nomine accusari imperfectionis in se, aut rationis minutæ possit. Auctoritatem verò lex Moſis utramque habuit: quod nemo homo sibi potest assumere. fuit enim auctor & sancitor legis illius publica testificatione Deus, cuius summa est & ineluctabilis in ferendis legibus sancientiſque auctoritas. tum auctoritatem humanam & subordinatam (ut vocant) si in lege Moſis desideraueris, fuit Moſes vir Dei, Legislatoſ Israelitarum, ut Deut. 33. nominatur, Qui auctoritatem illam obtinuit non solùm institutione Dei, & signis contestantibus amplissimis, verum etiam consensione iudicioque communi Israelitarum omnium, prout Exodi 20. & 24. populus auctoritatem in eum tranſtulit, & institutionem diui-

nam religione ductus comprobauit. Hæc duo faciunt, vt rationem legislatoris illius in se affirmemus non potuisse proficere, quia ad rationem & auctoritatem illam diuinam respicimus, cuius instrumentum fuit & administer Moyses.

Eti non propterea statuendum est, nihil ad legem Moysis accedere post illud tempus potuisse: Nam saltem Euangelium doctrinamque euiden-  
torem salutaris gratiæ superuenire à Christo oportuit. Sed agimus huc de ratione legis in se, non autem de ratione illius in nobis vel secundum pos amplius exponendæ: agimus de principis legis, cuius summum principium est æternum, ἀταχίστατον, & immutabile; non de modo & conditione illius. Respectu huius principij, id est, auctoris & legislatoris, dicimus nihil at-  
tinuisse mutabilitatem adscribi legi Moysi; quia rationi legislatoris nihil vnquam potuit aut potest accedere, cum omnia illi sint planè expolita,

Hebr. 4. γυνὰ ἢ τετραχλισμένα πῶς ὁρδαλῶνται αὐτῶν, vt auctor ad Hebræos inquit elegantissimè. Enimuerò huius rei argumentum est euidētissimum, si quibus in rebus legis latores possunt proficere, eas non posse Deo accidere hoc loco demonstramus. Nam si ratio mater est humanæ legis, & ratio hominis potest incrementis suis augescere, hæc incrementa iustam legibus mutationem as-  
ferunt. Non potest autem ratio Dei legislatoris augescere: non ergo mutari leges respectu rationis eius. Quinetiam augescit ratio legislatorum, proficitque duobus modis: Nam aut in conscientia æternæ legis, id est, rationis ipsius naturali & diuino



diuino iure conuenientis cum æterna lege; aut in cognitione eorum ad quæ respiciunt leges, dicendus est proficere. Lex æterna velut matrix quædam est & forma *αὐτὴν* & primigeniaque humanarum legum; materia in iis versatur ad quæ respiciunt leges, & quibus legis latores commodè non possunt prospicere ad commune bonum, nisi res illas secundum mutationes etiã quasque & *ἰστορίας* cognouerint. In hoc utroque argumento homines proficiant, & utrique studeant necesse est, quicunq. leges laturi sunt: Deo autem explorata sunt & comperta omnia secundum imperuestigabilem sapientiam & infinitã scientiam ipsius. Nam Deus ipse est æterna illa ratio, recta, & immutabilis; ex quò velut fonte profluit omnis tam naturalis, quàm supernaturalis diuinæque rationis in res creatas communicatio, Quomodo igitur in ratione proficiat, siue augeat is qui principium vniuersale & infinitum rationis est, non solùm in natura, verùm etiam supra naturam rerum? Hæc imperuestigabilis illa sapientia, quam modò dicebamus. De scientia verò & cognitione rerum omnium, ac non earum solùm ad quas respiciunt leges, quid dicturi sumus? Infinita est scientia illius, infinitè res omnes secundum essentiam, potentiam, actiones, passionem, & affectiones denique omnes, communes & particulares, vniuersè & singulariter comprehendens. huic infinitæ scientiæ quid possit accedere? quemadmodum optimè sanctus ille Iob olim disserebat. Si ergo nihil Deo in *Iob 28.* vtravis hac causa potest accedere, & Deus auctor

est illius legis quam legem Moſis appellamus; hoc certè reſpectu legem Moſis ſupra alias humanas leges extolli neceſſe eſt, quòd ab eo legiſlatore prodiit cuius ratio eſt perfectiſſima: humanæ autem omnes ſunt ab iis legiſlatoribus, qui nunquam niſi imperfectâ ratione dictante leges ferre poſſunt; ac proinde mutare eaſdem leges quas ipſi tulerunt; ſi ratione profecerint.

*Theſ. 11.*

Altera cauſa mutationis, quam antè conſtituimus, omnino eſt neceſſaria; nempe modus eorum, ad quæ reſpiciunt leges. Nam quiſquis res mutabiles ratione & modo immutabili adminiſtrandas & procurandas putat, is domi prudentiam parentum in regendis liberis; ruri, peritiam aratorum in colendis agris; in alto, peritiam nau- tarum in obſeruandis ventis damnaturus eſt; & dum conſtanti perpetuamque rationem ſeruare putat, res ipſas quibus ratio conſulit, contra rationem perditurus. In omnibus rebus procurandis ſapientiam & rationem duplicem opus eſt adhiberi: Vnam communem, & particularem alteram. Sapientia & ratio communis eſt, quæ ab homine ſpectatur ſimpliciter ſive abſolutè, ſecundùm naturam ipſius in ſe ſapientiæ. Particularis eſt ſapientia ſive ratio illa, quam homo ſecundùm quid, id eſt, ſecundùm modum earum rerum adhibet, in quibus occupari opus eſt ſapientiam & rationem ipſius. Hæc duo ſapientiæ rationiſque genera in rebus omnibus agendis opus eſt concurrere. Nam quiſquis priorè illa non vititur, inſipiens eſt planè; quiſquis poſtè- riore, ſaltem quodammodo inſipiens eſt; vtcunq.  
ſibi

sibi sapientiæ illius rationisque communis nomine applaudat ipse. Cùm itaque earum omnium ad quæ respiciunt humana leges modus conditióque sit huiusmodi, ut tum semper mutabiles sint res in sese (nam solus Deus immutabilis) tum ex factó mutantur plurimum; omnino iustè ex eo concludimus, propterea quòd eæ res sunt mutabiles, ac mutantur plurimum, etiam leges quæ de eis ordinant mutari posse ad commune bonum, & plerumque mutari etiam oportere: Quia res alias aliis contemperari necesse est; præcipuè verò eos qui publica auctoritate sunt præditi, ut rationem suam totam consumant ad commune bonum, eos inquam (si quisquam) æquissimum est ratione vii diligentissimè, ut consilia, leges, & actiones suas earum rerum modò quibus præsunt & conditioni accommodent, si rectum claurum (quod aiunt) in sua gubernatione tenere volunt; sed integra semper tamen communi illa ratione & sapientiæ quæ leges necessarias docet simpliciter observandas, & in rebus particularibus flexendam administrationem suadet utiliter. Atque hæc posterior rerum in legibus humanis mutabilium ratio ad leges quoque civiles à Mose latas pertinet, de quibus speciatim deinceps dicturi sumus.

## CAP. V.

*De eâ parte speciatim, quæ in legibus  
Mosis est mutabilis.*

POST QUAM igitur legibus humanis, non solum ratione communi illa, verum etiam

E 5

hac

hac singulari quadam, de rebus mutabilibus mutabiliter diximus prospici; restat nunc vt in legibus Mosis, quid mutabile de rebus mutabilibus constitutum fuerit, demonstremus. Lex enim Mosis (vt antè capite secundo dicebamus) etsi quodammodo secundùm principium diuina est, tamen secundum formam externam suam modo humano est, & quodammodo humana quoque dicenda est. Vt ergo in legislatore, sic etiam in lege ab eo lata rationem duplicem opus est cōuenire: Communem, quæ est immutabilis iure meritissimo; & singularem quamdam, quæ temperamento iusto mutabilis. De communi ratione & immutabili, eaque perfectissima in lege Mosis exposita, antea diximus: de mutabili locus difficilior videtur esse. Quamobrem definitionem primùm mutabilis illius partis sumus allaturi, deinde verò ex definitione partes singulas excerpturi, & minutatim explicaturi *æτὰ μέρη*, quæ ad huius quæstionis intelligentiam opus videbuntur.

*Ybes. 11.* Mutabiles sunt in lege Mosis particulares illæ determinationes, ad quas ex immotis principiis communibusque conclusionibus proceditur secundum modum & conditionem eorum, quæ subsunt ordinationi legum: aut, si quis ita mauult (vt commodiùs definitionem hanc cum immutabilis definitione compareret quam tertio capite tradidimus) Mutabile est, quicquid versatur in particularibus illis determinationibus, ad quas ex immotis principiis communibusque conclusionibus proceditur, &c. In hac autem definitione nihil de genere, nihil de causis



causis externis dicimus, id est, efficiente & fine; quia omnia hæc ex communibus legis definitionibus, quas antè posuimus, expromi possunt. Est enim vnum & commune genus singularum partium, ac totius in vnaquaque lege; similiterque causa efficiens, & finis; puta rationis ordinatio ad commune bonum ab eo, qui curam communitatis habet, instituta. Hic ergo solum partem legis mutabilem ex causis internis, quæ rei naturam constituunt, definimus; nempe ex materia, & forma illius. Harum enim mutabilium legum materia versatur in determinationibus, quas particulares vocant. Forma verò, illius relationis est quam postea subiicimus in definitione, dicendo: ad determinationes illas ex immotis principiis communibusque conclusionibus procedi secundum modum & conditionem eorum quæ subsunt ordinationi legis.

De materia igitur, priore loco videamus. *Determinationes* ex conclusionibus, conclusiones ex principiis nasci solent; Principia igitur, siue naturalia, siue à gratia sint supernaturalia, per modum rationis gignunt conclusiones; quasi fundente intellectu de se eas res, quæ certa scientiæ via & ordine in ratione hominis concluduntur. Conclusionum duo sunt genera, vt ex præcedentibus facile intelligitur. Nam alia communes sunt, & particulates alia. Exempli causa, Principium commune est, proximum, id est, hominem ab homine amari oportere; conclusio communis est, eum non lædendum, & suum cuique tribuendum, &c. Conclusio particularis vel singularis est, Petrum,

Petrum, Ioannem, Mæuium, non lædendum  
 esse. Hinc determinationes particulares exsur-  
 gunt, Petrum, Ioannem, Mæuium hoc aut illo  
 modo, tempore, loco, &c. lædi minimè oportere.  
 Determinationes propterea appellantur, quia  
 sunt ordinationes siue dispositiones ( vt ita lo-  
 quamur ) terminales, ultra quas procedi non po-  
 test: quia in rebus singularibus atque indiuiduis  
 omnis scientia, ratio, & rationis actus termina-  
 tur: Scientia communium est, singulare est  
 determinatio secundum scientiam. Hæc via in  
 omni doctrinarum genere theoretico & pratico  
 semper est obseruanda. Atque hæc causa est, cur  
 determinationes istas, materiam humanarum le-  
 gum, particulares appellamus; quia minuta om-  
 nia ad iustam actionem pertinentia, secundum  
 quamuis particulam quæ personis, rebus, circum-  
 stantiis potest contingere, aut in eis singulariter  
 obseruari, determinantur humanis legibus: quæ  
 singularia quis nescit mutari quamplurimum, &  
 subinde in infinitum mutari posse?

Forma verò mutabilium istarum legum siue  
 partium quæ sunt in legibus, tota in relatione  
 versatur. Cùm autem in relatione omni tria  
 quædam opus sit obseruari, terminos duos, ( vt  
 ita loquamur ) & medium, singula in nostra de-  
 finitione paucis complexi sumus, vt forma muta-  
 bilium istarum legum fieret euidentior. Nam  
 primus & summus terminus huius relationis est  
*designatus immotorum principiorum communium-  
 que conclusionum* appellatione: Vltimus verò ter-  
 minus, *particularium determinationem*: inter hos  
 duos

duos terminos modus relationis interuenit, quòd à summo termino illo ad hunc vltimum proceditur secundum modum & conditionem eorum quæ subsunt ordinationi legis. Hæc tria ad iusticiam humanarum legum, sine constitutionem earum instam necessarium est concurrere: nempe ex ratione cōmuni per principia conclusiones communes duci; & ex particulari modum & conditionem earum rerum de quibus lex ordinat, explorari; vt secundum illum particulares illæ determinationes fiant, quæ propriæ sunt humanæ legis. Atque hæc quidem vniuersè dicta sunt de illis determinationibus ad quas respiciunt humanæ leges.

Sed quia in illis determinationibus circumscribendis dicimus eas fieri secundum modum & conditionem eorum quæ subsunt ordinationi legis, tria sunt ordine à nobis explicanda: Primum, quænam ea sint quæ subsunt ordinationi legis: Secundum, qui sit eorum modus quem præcipimus in legibus humanis obseruari: Tertium, qui modus determinationum ad ea pertinentium.

Primum locum his verbis definimus: *subsunt ordinationi legis, personæ, res (quibus actiones complectimur) & circumstantia: quarum conditioni ius accommodatur humana lege, fiuntq; determinationes secundum illam, iubendo, vetandoque; munerando, & puniendo, atque permittendo.* Non sum nescius aliter ab aliis tradi diuisionem eorum, quæ subsunt ordinationi humanæ legis. Nam veteres Philosophi obiectum humanarum legum duplex statuiebant

*Iust. de iu-  
renat. ges.  
et i. s. pe-  
nul. l. i.  
ff. de stat.  
hom.*

tuebant solùm; personas, & res, quæ ad vsum personarum pertinent. Alij (vt Iustinianus ex Caio Iurisconsulto) posuerunt triplex; Omne ius, inquit, quo vtimur, vel ad personas pertinet, vel ad res, vel ad actiones. alij denique circumstantias in quibus fermè tota personarum, rerum, & actionem vis consistit, putauerunt distinguere oportere. Hæ diuisiones omnes, etiam modo differunt, re tamen substantiaque inter se optimè conueniunt. Nam qui personas & res solùm definiuerunt obiecta esse humanarum legum, sapientissimè animaduertent hæc duo summa esse capita, ad quæ respiciunt propriè humanæ leges; Actiones verò & circumstantias quasi appendices illarum esse, & relatione quadam necessaria cum iis comprehendendi. Qui actiones insuper adiecerunt, eas à rebus certo consilio distinxerunt & à circumstantiis illarum: quia ad commoditatem docendi putabant pertinere, vt iure de personis rebusque exposito, ius actionum seorsum traderetur quæ iis dari solent ad iuris sui vindicationem. Qui circumstantias præterea adhibent, idèd faciunt, quia circumstantiæ plerumque in causis iudicialibus sunt eiusmodi, vt ex eis species causarum iudiciorumque pendeat: quemadmodum euidentis est ex 34. Theseos argumento. Quamobrem vtcunq. eas res circumscribere placuerit quæ subsunt ordinationi legis, non refert magnopere; modò hæc quatuor, siue implicitè, siue explicitè, retineantur vnà in ratione legis & determinationibus illius: Nam harum rerum conditioni ius commune, quod recta ratio di-



tio dictat, accommodatur & contemperatur hu-  
 manis legibus; & secundum illam conditionem,  
 fiunt determinationes de personis, rebus, actio-  
 nibus, & circumstantiis. Etenim res bonæ iu-  
 bentur, & vetantur malæ: personæ pro benefa-  
 ctis afficiuntur præmiis, & malefactorum nomi-  
 ne puniuntur: ac postremò quia summum ius sæpe  
 summa est iniuria, neq. omnia in rebus humanis  
 ad rigorem iuris semper examinari aut curari pos-  
 sunt, permissiones adhibentur, quibus pro infir-  
 mitate personarum, incommoditate rerum, aut cir-  
 cumstantiarum qualitate, ius illud commune, quod  
 à recta ratione est, reflectitur quodammodo, &  
 constituitur in *lexis*. Hunc modum Legis virtutis  
 (ut cum Modestino loquar) optimè Quintilianus  
 expressit his verbis: Si ius confessum est, hæc *L. 7. In p.*  
 ferè quæritur; Vtra lex potentior: ad Deum per- *orat. ca. 7.*  
 tineant, an ad homines; rem publicam, an ad priua-  
 tos; de honore an de pœna; de magnis rebus, an  
 de paruis; permittat, an vetet, an imperet. Nam  
 quod locum illum de honore, vel præmio, vel be-  
 nefactorum remuneratione Modestinus prætermi-  
 sit, certo consilio fecit; cum omnis munerandi po- *L. 7. ff. de*  
 testas iam illo tempore penes Imperatorem esse vi- *legib.*  
 deretur: quam ob causam postea Imperatoribus  
 administri proximi fuerunt dati, qui bonorum  
 fortiumq. hominum benefacta apud illos in me-  
 moriam reuocarent, & de attribuendis præmiis  
 admonerent; quod genus hominum Græci aucto-  
 res τὸς ἀπὸ μνήμης, Latini recentiores Græcorum  
 exemplo, à memoria nominarunt: Cuius officij  
 memoria hoc tempore nulla, vix mentio nominis.  
 Modus

Thes. 14.

Modus vel conditio rerum quæ subsunt ordinationi legis (nam hic secundus locus est, de quo recepimus nos esse dicturos) necessario est observandus, ut ritè ex eo teneatur ius determinationum quæ fiunt humana lege: quandoquidem æquitas ex eo modo postulat determinationes fieri, & sine eo iniquæ determinationes omnes futurae sunt. Quod itaque principio huius capituli dicebamus, duplicè esse rationis modum quæ feruntur leges, idem etiam de iis quæ subsunt ordinationi legum, tenendum est. Nam *eorum modus & conditio similiter est duplex; communis, atque singularis*: & ad singula ea omnino hæc diuisio pertinet quæ subsunt ordinationi legis. Communis modus & conditio dicitur, quæ a natura est, & in re ipsa simpliciter: singularis est, quæ ad naturam accedit quocumque modo, & consideratur secundum quid, in eo quod subest ordinationi legis. Cum autem eorum de quibus lex ordinat genera quatuor paulo antè fuerint tradita, præstat iam expendi in singulis ea quæ de modo & conditione ipsorum docuimus.

Thes. 15.

Primus igitur est personarum locus. de quarum modo sic paucis statuimus: *communis modus & conditio personarum est, qua considerantur persona absolute simplicitèrque, ut homines, in rerum natura ex communi & humana lege*: Singularis, qua considerantur secundum quid, ut Iudæi, vocari in sedus, promissiones, veritatem, ordinem, & signa gratia. Hic enim subiectum vnum & idem, quod hominem appellamus, distinguitur communi & singulari modo. Communi subiectum consideratur

ratur; vt homo simpliciter; singulari verò consideratur, vt Iudæus olim, & hoc tempore, Christianus. Ad communem autem hanc personarum conditionem obseruandam pertinent duo, fundamentum conditionis istius, & considerationis modus. Fundamentum est natura omnium hominum inter se communis, secundum quam omnes æquæ sunt hominēs, vna specie comprehensi, & obstricti vna humanitatis lege: ad quam officiosissime colendam curandamque, seruandam naturam tam olim Iudæus tenebatur, & nunc tenetur Christianus, quàm alius quisquam. Considerationis modus, secundum quem personarum conditionem accurate oportet obseruari, est recta illa ratio de qua antè dicebamus; quæ ratio primum quidem ex communi naturæ lege in rebus communibus, deinde verò ex humana lege & humano ordine explorari solet. Nam in hunc modum æquæ Iudæus olim, aut his vltimis temporibus vir Christianus exploratur, atque aliis quisquam, & recognoscitur vnusquisque in hac vita, quæ homo est, specie cum hominibus aliis communicans; vtrum ex ratione recta cum aliis hominibus & communi naturæ lege, & humana communice. Quemadmodum enim ex quo Iudæus erat factus, aut ex quo Christianus est quisquam, non desinebat ille, aut hic non desinit homo esse, ita etiam ex quo Iudæus aut Christianus est, non desinit communem & humanam legem obligari: sed contra, quò amplius in Deo proficit, eo religiosius se ipsam debet communi & humanæ legi accommodare; ne aut naturalis ra-

rio & ordo humanus ab ipso oppugnetur, aut libertas Christiana, quæ ad ædificationem data est, scandalo & offensionem sit; prout recta ratione omni & naturali ipsa præcipitur.

Singularis verò personarum modus & conditio, quæ quidem à nobis hoc loco agitur (nam cæterarum affectionum in hominibus consideratio nihil ad causam præsentem attinet) est ea, quæ considerantur homines secundum accessionem gratiæ salutaris, ad quam Deus vocat Ecclesiam suam; tum ex Iudæis olim ante aduentum Christi; tum ex Christianis hoc nostro seculo, ex quo promulgatum est Euangelium Christi priore aduentu eius. Hic autem quia de legibus Moysis agere constituimus, propriè & directè (ut ita dicamus) considerantur homines singulari modo & conditione, quæ Iudæi erant, obstricti lege Moysis secundum ordinationem Dei. Nam hoc respectu, præter ius illud commune quod antè diximus, ius singulare Iudæis oportuit accedere, propter singularem hanc conditionem ipsorum, eo quod Iudæi essent. Est autem hæc conditio, non naturalis, ut communis illa; sed gratiosa, ac proinde per Dei gratiam in gente illorum singularis. Atque hanc gratiam, quæ singulari conditione exornauit Iudæorum gentem, Deus etiam circumscripsit modis singularibus; ut intus & foris tum Iudæi ipsi probarent sese, tum ab aliis probari & recognosci possent. Ad hanc autem Iudæorum circumscriptionem & determinationem hæc quinque pertinebant, quæ totidem vocibus antè expressimus. primum est fedus, quo Deus gentem



gentem Iudæorum sibi assumpserat, dicendo; Ego  
 Deus tuus, & tu mihi populus. Secundum pro-  
 missiones in Christo ad fedus accedentes: Nam  
 cum Iudæi stare federi non possent, Deus pro-  
 missiones ad fedus adiecit, quibus gratosè testa-  
 tus est se, quamuis labentibus & transgredienti-  
 bus popularibus Iudæorum, tamen præstiturum  
 fidem veritatēque federis constantissimè pro-  
 pter filium dilectionis suæ. Tertium est veritas,  
 siue complementum aliquod & præstatio rerum  
 quas Deus federe ac promissionibus declaraue-  
 rat genti Iudæorum. Nam cum federis promif-  
 sionumque illius Iudæis factarum ratio fuerit du-  
 plex; vna temporalis, æterna altera; omnino iam  
 suo tempore, & suo ordine veritatem rerum tem-  
 poralium Deus præstitit Iudæis omnibus; spiri-  
 talium verò veritatem suo modo perceperunt  
 pii; quemadmodum Abraham vidisse diem Do-  
 mini & de eo exultauisse dicitur. *Iean. 8.* Quartum est  
 ordo publicus, quem Deus tum in politeia, tum  
 in Ecclesia Iudæorum constituit obseruandum,  
 tantisper dum in federis, promissionumque ve-  
 ritate, pro ratione temporum illorum alebantur,  
 & ad expectationem futuri amplioris boni exci-  
 tabantur. Postremum est signorum; quæ ad hæc  
 omnia adiecit Deus, vt gens illa in expectatione  
 promissionum veritatisq. diuinæ cōfirmata con-  
 quiesceret in fide illius; nam fides obsignabatur  
 documentis signorum imperatis à Domino. Se-  
 cundum hæc igitur omnia, Iudæus priscis illis  
 temporibus ratione singulari quadam erat supra  
 communem hominum aliorum conditionem

electus: & non solum legibus communiter cum alijs tenebatur, quā homo; verum etiam singulis, quā Iudæus gratiosè adscitus ad tantorum bonorum participationem.

Secundus locus est rerū; quārū modus & conditio itidē distinguitur, & eodē iure. Nam communis rerum modus est, prout communiter sunt in usu hominū atque occupantur: Singularis verò prout ad singularem præterea federis, promissionis, veritatis, ordinis, federatorumq; usum, aut significationem adhibentur ex institutione Dei: id est (vt dicamus paucis) communem rerum modum & conditionem natura facit, & lex humana respicit naturæ administratione: singularem verò facit in hoc argumento (nam de alijs rebus nec libet dicere, nec verò expedit huic instituto) supernaturalis institutio Dei per gratiam. Nam Deo auctore, quæ res secundum naturam naturaliter occupantur in usu naturali ipsarum, eadem res secundum gratiam supernaturalem supernaturaliter occupantur in usu gratioso quem instituit Deus: nempe vt federis, promissionibus, veritati, ordini, & federatis (ad quos illa pertinent) inseruiant usui, aut significatione à Deo instituta. Atque hinc factum est, vt quemadmodum Iudæus duobus modis consideratus est, communiter, quā homo; & quā Iudæus, singulariter; ita etiam Iudæus fuit Chananæus, & ceterarum rerum quæ ad res sanctas significandas fuerunt occupatæ; duplex fuerit conditio & modus; naturalis, quo Iudæi naturaliter utebantur, Chananæi arantes, colentes, habitantes, & fructum percipientes illius; & singularis

laris siue supernaturalis atque graciosus, secundum quem illi Chananæa pro tessera presente federis, promissionum, veritatis, & ordinis diuini utebantur, prout fuerat ad finem illum supernaturali instituto gratia Iudæis habitanda, & colenda tradita. Huc respexit nominatim Deus præcepto quinto decalogi de honorandis parentibus lato, cum subiiceret promissionem illam; vt prolongentur dies tui super terram quam Ichona Deus tuus dat tibi. Neque enim solum ad naturalem vsum illius terræ & naturalem vitæ huius commoditatem respexit Deus, aut pios animum voluit aduertere: sed (quod amplius est) ad consortium attendi & communicationem salutarem federis, promissionum, veritatisque diuinæ in Ecclesia ipsius, quæ terminis Chananææ tum erat circumscripta privilegio singulari, & à cuius communicatione alienos præstabant sese quicumque honorem parentibus debitum protervia sua denegabant. In hunc quoque modum de vrbe Hierosolymorum, de monte Sionis, de templo, de regno Davidis, & rebus aliis præter naturam à Deo institutis ad significationem gratiæ, iudicium fieri necesse est; vt in lege Moysis explicanda communis rerum modus à singulari hoc semper distinguatur. Denique omnia perinde obseruanda, atque in ratione personarum antè obseruari diximus oportere.

Tertius locus est *circumstantiarum*: quarum modus necessariò tam distinguendus est, quam personarum & rerum. Nam harum æquè ac illarum modus & conditio vna communis est,

altera singularis: & iis circumstantiis personæ, & res ipsæ, pro conditione ipsarum reali (vt vocant) aut instituto gratiæ vestiuntur quodammodo, communiter & singulariter. Circumstantias autem appellamus, quacumq. & personas, & res, de quibus imperatur lege, circumstant & quasi vestiunt, siue necessitate perpetua, vt tempus & locus; siue perpetua vicissitudine, quæ ex voluntate aut casu solet contingere, vt ferè fit in actionibus vel factis, causis, modis, atque instrumentis: harum enim circumstantiarum semper conditio fluxa est. Semper quidem locus & tempus nos & res nostras comitatur, nec quidquam extra locum & tempus facere possumus: In factis verò, & factorum causis, & modis, & instrumentis rerum agendarum, pro natura, voluntate, casu, tanta est varietas, vt nunquam circumstantiarum istarum numerus adferri possit.

Cùm autem hæ circumstantiæ interdum personarum & rerum circumscribant modum communiter, & interdum singulariter; vicissim ex eo sequitur circumstantiarum modum ex personis aut rebus modò communem effici, modò singularem: & prout personæ aut res in operibus naturæ aut gratiæ occupantur; ita circumstantias communiter secundum naturam & conditionem realem ipsarum, aut singulariter secundum gratiam & institutum gratiæ accipi oportere. Exempli causa; dies ille sabbathi secundum naturam dies communis est; secundum gratiam dies fuit ad restitutionem divinæ voluntatis sanctificatus, & exceptus ex aliorum numero singulari modo.

Simi-



Similiter Chananæa, & vrbs Hierosolymorū, & Sion, & Templum, &c. loca fuerunt secundū naturam ad vsum communem pertinentia naturali modo; Sed singulari instituto dei Sacramenta fuerunt gratiæ, priscæ Iudæorū Ecclesiæ data; ex quibus iura singularia in Iudæis constituta sunt.

Ex hac itaque diuersa conditione & modo personarum, rerum, & circumstantiarum omnium, iusta effecit ratio, vt duplex modus iuris ad eas res pertinentis existeret: quorū alterum ius commune, alterum singulare appellamus. Nam prout personæ rebus aut circumstantiis, & hæ vicissim illis, aliæque aliis determinantur communiter aut singulariter, ita ius determinationum se habet; quod ius accommodari singulari conditioni omnium eorū solet, ac determinari lege. Ius enim commune hominibus est, qua homines sunt, omnes ad societatem humanam ex natura pertinentes: Ius verò particulare est, quod hominibus ex instituto aut consensione distributis per partes indictum est: quemadmodum ius suum est monarchiæ, reipublicæ, municipij, &c.

Sed quia particularis illius iuris fundamētum est in consensione cōmunitatis, aut instituto eorum qui cōmunitati præsunt: nos autem hoc loco non de quolibet particulari iure, sed de eo iure agimus, quod Deus per gratiam instituit Iudæorum genti: omissis aliis particularibus legibus, quæ infinitæ sunt & alienæ ab hoc instituto nostro; de eo solū dicturi sumus, quod in Lege Moïsi obseruandum putauimus: Quandoquidem de personis, rebus, & circumstantiis secundū

Tibet 23.

dum utriusque modum, communem & singularem, ius oportet esse, ius autem legibus definitur, & leges sunt publicæ iuris illius determinationumque ex iure tabulæ. Nam de illis rebus omnibus quæ subsunt ordinationi legis, in hunc modum determinationes sunt, cum humanis legibus ex communi, aut singulari iure, quod ante proposuimus; tum ipsis legibus Moysi: quæ determinationes siue communiter pro natura modo, rerumque rerum quæ in natura accidunt; siue particulariter ex instituta gratia sunt mutabiles: quandoquidem gratiæ auctor Deus hæc perpetua, illa temporaria instituit in populo suo documenta gratiæ; de quibus iam propriè dicturi sumus, omittis ceteris humani illius iuris legumque determinationibus.

## CAP. VI.

*Quid iuris communis sit in lege Moysi mutabile.*

**E**x illis quæ modò diximus, manifestum est, in lege Moysi proinde atque in aliis quibuscumque legibus, duplicem iuris rationem esse, communem atque singularem: Communem iuris rationem appellari eam, quam Deus Iudæis per Moysen præscripsit communiter, quæ homines fuerunt illi in natura rerum: Singularem verò aut particularem, quam præscripsit singulariter, ut hominibus admissis in participationem & consortium gratiæ. Primum itaque de communi Iudæorum iure videndum est.

Tibet 29.

*Moysi Leges quacunque iuris communis sunt, aut*

ratione

ratione communi obligant, aut analogia. Quapropter aut ipsas leges seruari opus est, aut earum analogiam, vt de suis legibus Iureconsulti olim præcepere. Ius commune est, quo tenentur omnes: Iuris communis index est publicus, lex: ac proinde qua ratione ius obligat, eadem quoq. obligat lex, velut iusti & iniusti magistra. Est autem iuris communis, eademque legis fundamentum duplex: vnum proximum & semper necessarium, quod rationem communem appellamus; alterum remotius quidem, sed tamen cum ratione communi ex necessitate coniunctissimum, quod analogiam. Nam earum rerum quæ iure & lege cauentur, alia fundamenta adeò firma sunt, & ex ratione communi substructa potentissimè, vt iuris illius veritas atque necessitas à nemine bono in dubium vocari possit: Alia verò non ipsa per se fundamenta sunt, sed rationem fundamenti habent à simili; quia in similibus causis euentia sunt iuris fundamenta, quod circumscribitur legibus. Atque hanc rationem vsque adeò natura iam olim dictauit hominibus, vt Iureconsulti in suo illo ciuili & humano iure eam senserint adhibendam, & adhiberi commodè præceperint. Cum enim (vt dicebat Iulianus) neque leges neque Senatus consulta ita scribi possint, vt omnes casus qui quandoque inciderint comprehendantur; sed sufficiat ea quæ plerunque accidunt, contineri: siue (vt Celsus) cum ex his quæ fortè vno aliquo casu accidere possunt iura non constituantur; sed ad ea potius debeat aptari ius, quæ & frequenter & faciliè, quàm quæ perrarò eueniunt:

L. 10. ff. de legib.

L. 4. ff. de legib.

L. 11. & seq. ff. eod.

Ideò quum in aliqua causa sententia legum manifesta est, is qui iurisdictioni præest, ad similia procedere analogica interpretatione, atque ita ius dicere debet. Nam, vt ait Pædrius apud Vlpianū, quoties lege aliquid, vnum vel alterum, introductum est, bona occasio est, cætera quæ tendunt ad eandem vtilitatem, vel interpretatione, vel certè iurisdictione suppleri. Quod verò contra rationem iuris præceptum est, non est producendum ad consequentias. Quæ cum ita sint, optimè concludimus, alterum horum seruari semper oportere: Nempe aut ipsas leges, si recta ratione & directa ius eis expressum est; aut earum analogiam, si non extabit ius expressum de iis rebus quæ ex similium comparatione iudicari possunt. Ac proinde quæcunque leges simpliciter iuris communis apud Mosén ita sunt, vt ex ratione communi procedant, eadèmq. obligent, eas omnino opus est obseruari: Quicquid autem est in iis legibus, quod ex ratione communi non videtur absolutè esse necessarium, eius tamen seruanda est analogia; ne aut ius ipsum aduersari iuri vnquam videatur, aut homines in iure sibi, *ὡς ἐν ἀντιθέσει* conuersari.

Hic verò pergrauis incidit quæstio: Quanam sit hæc analogia; & quibus in rebus mutabilis, aut immutabilis. Hanc quæstionem definimus in hunc modum paucis: *Analogia iuris in circumstantiis solum mutabilis est; at in fundamento rationis vel substantiæ minimè.* Id autem ratione ipsa nature ita confirmatur, vt nemo bonus huic axiomati vnquam sit contradicturus. Nam cum omnium legum



legum Mosis ea natura sit, vt in fundamento substantiaque rationis ipsa ne minimùm quidem à iusta ratione communi & recta discesserint; communis autem ratio semper iusta sit & constantissima; quicquid eiusmodi est in legibus Mosis, id certissimi & constantissimi iuris esse affirmamus. Sed quia præter illud fundamentum rationis communis accedunt circumstantiæ communes, aut particulares, personis & rebus, quæ varietatem ipsis non mediocrem adferunt; hinc non summo iure per omnia agendum est: sed ex circumstantiis personarum, rerumque exploranda diligentissimè iuris analogia, nequid specie iuris contra ius & æquitatem committatur. Respectu igitur personarum & rerum simpliciter, ratio communis & ius commune obtinet: & quicumque personis aut rebus indulgent, aut contrà duriores sunt & iniquiores in eas ex animi sui sententia, non autem circumstantiarum analogiam accuratè expendunt trutina æquitatis, ij rectæ rationi & communi iuri aduersantur: quod ius non eo minùs commune est, quia à Mose dicitur; sed contrà eo ipso commune est, quòd à Mose æquè dicitur vt ab aliis dictum est. At eo certius & sanctius idem ius habendum est; quia à Mose dictum est, legislatore incorruptissimo, & fideli administro in tota domo Dei. Respectu verò circumstantiarum, quæ sunt mutabiles, etiam mutabilis efficitur iuris analogia. Proinde *qui iure communi ciuilitè ex lege Mosis reus mortis est, idem reus mortis hoc tempore habendus est: Nam vnica est iustitia ratio & immutabilis. Circumstantia verò, vt*  
*in fa-*

*in factis, sic in iure variant quamplurimum, quadam rationis analogia.*

Hoc dictum non potest commodius intelligi quàm allatis exemplis, quæ evidentiam rebus adferre solent. In toto autem exemplorum genere nullum est evidentius, quàm quod de pœnis reorum est, qui alicuius culpæ civiliter (ut vocant) reprehensibilis ex lege conuicti sunt. Nam alioquin si quid leges aut iubent, aut vetant, aut etiam permittunt, non potest in eo tam perspicue ab omnibus ratio iuris illius obseruari; & à plerisque satis est obsequium præstari legi, quamvis rationem illius non ita capiant. Præmiorum verò munerationumque exempla tum rara sunt & infrequentia, tum verò minùs exposita multorum cognitioni atque iudiciis. Sed pœnarum suppliciorumve, quæ hominibus contra legem venientibus importantur, exempla sunt frequentissima, ad omnium cognitionem & in oculis omnium palàm exposita, & infestissima multorum iudiciis; quia plerique ad reorum excusationem, iudiciorumque accusationem specie misericordiæ facilè inclinantur. Quapropter ex hoc usus legalis genere exempla sumpturi sumus, quibus hoc axioma postremùm declaremus.

Dicimus ergo eum qui iure communi civiliter ex lege Moïsis reus mortis est, eundem reum mortis hoc tempore habendum esse: id est, & morti addictum, secundùm rationem à Deo præscriptam, & à iudicibus morti addicendum. Sed duas distinctiones certo consilio adhibemus, cum istud de reo mortis ex lege Moïsis pronun-

ciamus,

ciamus, dicendo: *reum iure communi, ciuilitet*.  
 Prior distinctio est respectu fundamenti, cum  
 reum dicimus *communi iure*: Posterior respectu  
 ordinis, cum adiciamus *reum ciuilitet*. Vtrumque  
 autem est, necessarium: quia ex lege Moſis qui-  
 cunque rei fuerunt mortis, non omnes fuerunt  
 ciuilitet rei, nec omnes communi iure; sed alij  
 iure particulari, & secundum diuinum ordinem  
 ac ceremonialem quemdam fuerunt rei, alij com-  
 muni, atque ciuilitet. Quæcumque autem leges  
 in Moſe eiusmodi sunt, vt ex iure cõmuni velut  
 fundamento perpetuo, & ciuilitet secundum or-  
 dinem publicum inter homines receptum, ho-  
 minem addicant morti propter maleficiũ ipsius;  
 eadem certè ex ratione & iure communi ciuilitet  
 homines obligant; vt ex eis iudices sententiam  
 ferant, & rei iudicentur iudiciaque lata subeant:  
 quia illa virtutum omnium regina iustitia hoc  
 vtroque casu concurrente est immutabilis, &  
 immutabiliter ab omnibus obseruanda. Exem-  
 pli causa, cum lex pronunciat in homicidam hæc  
 verba, Cum quis arrogauerit contra proximum  
 suum occidere eum astu, etiam ab altari meo ra-  
 pito eum ad mortem: Item qui percutit patrem  
 suum aut matrem suam, omnino morte plecti-  
 tor: Item, Plagiarius, siue vendiderit hominem,  
 siue deprehensus fuerit in manu eius, omnino  
 morte plectitor: Item, qui maledicit patri suo  
 aut matri suæ, omnino morte plectitor, & simi-  
 lia: Hic certè concurrit vtraque ratio, quam di-  
 sertis verbis iubemus obseruari; puta quòd isti  
 homines rei mortis sunt, non simpliciter ex lege  
 Moſis,

Exod. 21.

Mosis, sed iure cōmuni tam ad alios omnes homines, quā ad eos quibus lex illa data est perti-  
nente; idq. ciuilit̃er, non autem Ecclesiastico vel  
ceremoniali institute. Nam cū ea omnia iuris  
communis sint, quæ recta ratio communis docet;  
& ciuilit̃er obtineant omnia quæ secundum ordi-  
nem ciuilem ad societatem hominum pertinent;  
hæc autem exempla omnia sint istius generis: non  
possunt qui aliud sentiunt, vtcunq. præ se  
ferant humanitatis & clementiæ speciem, quin  
rectam rationem & communem ordinem im-  
prudenter labefactent, nisi in hunc modum iudi-  
care didicerint. salutaris hæc seueritas, quam di-  
ctat communis ratio, & ordo publicus postulat  
(vt verbis vtamur Tullij) vincit inanem speciem  
clementiæ. Quod autem hæc leges à Mose scri-  
ptæ sunt, id certè minimè efficit vt iuris commu-  
nis esse desinant, aut ciuilit̃er obligare: alioquin  
oporteret Mosē ab omni iure communi absti-  
nuisse, & à ciuilitatis contemplatione, quam rem  
vel cogitare de Mose, vel Deo tribuere (qui Mosi  
& populo suo legem imperauit) est summè im-  
pitum, & ab omni ratione alienissimum. Itaque  
homicida si ad mortem rapitur, sit conuenienter  
legi Mosis; sed ex ratione & iure communi, atque  
ciuilit̃er; cuius vtriusque rei exemplum absolu-  
tissimum extat in lege Mosis. Si patrem aut ma-  
trem filius percusserit; si alter alterum fuerit sus-  
furatus indigno plagio; si quis parentibus male-  
dixerit; eadem ratio iuris communis est, quæ præ-  
nam capitalem statuit ciuilit̃er; nihil causæ adferri  
potest ex ratione communi aut humano ordine,

Epist. 1.  
ad Brutū.



cur istud supplicium non sit in reos istorum scelerum statuendum. contrà enim, hoc modo nisi statuitur, & rectæ rationi illi, & iuri communi, & ciuili ordini tæterrima fit iniuria: quibus omnibus secundùm æternam illam rationem, & naturalem diuinamque legem, vita hominum, & libertas, & parentum honor ab omni iniuria vindicatur diligentissimè; & indignus vita pronunciat, quisquis proximum vita aut libertate (quæ cum vitâ ferè comparatur) & parentes iusto honore spoliauit. Stat igitur firmum illud prius axiomatis antecedentis membrum, eos qui in lege Mosis rei mortis pronuntiati sunt ex iure communi ciuilitè, hoc quoque tempore reos mortis haberi oportere.

Sed in altero regulæ illius membro alia ratio est. Nam etsi ex ratione communi iudicia fiunt de maleficis ciuili ordine, per determinationem simplicem, aut per analogicam; in circumstantiis tamen rationem diuersam opus est obseruari: quia ius commune secundùm rationem rectam de rebus propositis iudicat simpliciter, non examinatis & expensis circumstantiis particularibus, quæ interdum ad rei grauitatem lenitatemque plurimum momenti adferunt. Sed vbi accidunt circumstantiæ, tum pro modo & conditione earum ius commune fit analogicum: id est, modificatur ius ex modo earum rerum de quibus iure statuitur; ac proinde (vt scholasticorum more loquamur) ex iure communi simpliciter fit ius commune secundum quid. Hanc autem modificationem ratio ipsa adhiberi iubet, ne  
fortè

forte (quod antè dicebamus) summum ius summa sit iniuria : Neque solùm illud ~~excessus dignior~~ in  
*in mentem* & æquitatem verit, dicendis sententiis,  
 verùm etiam in cognoscendis & peruestigandis  
 circumstantiis & cum ratione ex pendendis, antè  
 quàm feratur de factis sententia. Hoc pacto de-  
 mum efficitur, vt de iure illo communi, quod  
 per se est simplicissimum, circumstantiæ aliquid  
 non minuant, aut detrahant quicquam; sed po-  
 tiùs varient pro commoditate rerum. Quod dici-  
 mus, similiter exemplis, vt antè, illustremus : &  
 quidem sumptis à suppliciorum modo, propter  
 eas ipsas causas quas antè perstrinximus. Viri  
 aut mulieres (inquit Moses) frerit ex eis pytho,  
 aut ariolus, omninò afficiuntor morte; lapidibus  
 obruuntor : cardis eorum causa est in eis. Item,  
 Is qui duxerit mulierem & matrem eius, scelus  
 est, igne comburuntor eum & eas, vt non sit scelus  
 in medio vestri. In his exemplis & consimilibus  
 non obscura sunt vtriusque illius partis, quam in  
 regula antecedente statuimus, documenta. Nam  
 primùm illud ex iure communi ciuilitèr con-  
 stat, Pythonem aut ariolum inter bonos feren-  
 dum non esse; quandoquidem pietas iure natu-  
 rali & diuino imperatur, pietati verò Pythonum  
 ariolorumque officia, responsa & consultationes  
 aduersantur; quum rem planè diuinam eripiant  
 Deo, & à Dæmonibus eandem postulent qui-  
 cunque his artibus vruntur, aut etiã ad eas at-  
 tendunt quacunque specie. Præterea & illud quo-  
 que iuris communis est ciuilitèr, magistros illos  
 artis nefariæ, qui abiurata pietate & cultu veri

Leuit. 24.

Dei ad scelera ista transuerint, atque ex professo in istis sese occupauerint, daemonijs mancipati contra ius naturæ diuinumque in populo Dei expositum, reos mortis esse: vt qui hoc vno scelerato studio Deo, naturæ, & rationi rectæ certo consilio renuncient. Ea denique ratione si quis mulierem & matrem illius duxerit, ex recta ratione & iure naturali est, vt damnetur factum: & quia factum est damnabile, conclusio ex eadem ratione & iure communi certa est, hominem facinoris istius reum, reum mortis esse: quæ duo ad veritatem pertinent prioris membri in præcedente regula positi; eum qui iure communi ciuilitate reus mortis fuit ex lege Moysi, reum quoque mortis in hoc tempore haberi oportere. Sed in circumstantiarum iure, vt in factis, discrimen ponendum est ex factorum analogia. Fieri enim potest, vt circumstantiæ huic aut illi sceleri accedant, quæ sceleris in iudicijs modum grauent, aut alleuent: ex quo fit vt qui morti adiudicatus est ex iure communi ciuilitate, teneatur simpliciter supplicio mortis; sed hoc supplicium grauius aut leuius efficiatur iusta sententia iudicis. Nam primum ij quos lex addidit igni, arbitrio iudicis ex factorum circumstantiis laqueo, gladio, lapidatione, aut alijs præterea generibus puniri possunt: deinde verò illud ipsum supplicium ignis grauius aut leuius institui potest. Sic iuri communi iudex satisfecerit, reum multando mortem circumstantiis verò ex iure quodam singulari satisfecerit arbitrio viri boni, si acerbiores aut leniores mortes reo inferri curauerit. Postremo

G & illud

& illud quoque crebro vsuuenit, vt quod simpli-  
citer ex iure communi capitale est, ex circum-  
stantia factis accedente efficiatur leuius, nec nisi  
ab homine Tenedio, aut Dracone rigido in eum  
modum damnari possit. Atque hæc illæ sunt cir-  
cumstantiæ, quæ supra iuris communis rationem  
in exercitio legum obseruari possunt, & quas iura  
communia permittunt arbitrio iudicis custodis  
legum. Quemadmodum autem qui iure com-  
muni ciuilitate ex lege Moysis reus mortis est, idem  
in hoc tempore reus mortis habendus est: ita è  
difereso quisquis eodem iure & modo non est  
reus mortis, neque hoc tempore reus mortis ha-  
bendus est. Ex iure autem communi dico, sim-  
pliciter, siue (vt vulgò loquuntur) cæteris paribus:  
quia secundum quid, id est, pro ratione circum-  
stantiarum ad crimen accedentium mutatur in-  
terdum species maleficij; & crimen modo atro-  
cius, modò leuius efficitur, vnde poenarum varie-  
tas solet existere. Sed hanc varietatem nemo, nisi  
ex legitima & diligentissima cognitione malefi-  
ciorum & circumstantiarum omnium explora-  
tione; legitimè potest adhibere. Atque hæc de  
iure communi satis. Nam quæ amplius huc ad-  
ferri possunt, magis ad rationem iuris particula-  
ris pertinent: de quo deinceps dicturi sumus.

Quæ amplius huc adferri possunt, magis ad rationem iuris particula-  
ris pertinent: de quo deinceps dicturi sumus.



## CAP. VII.

*Quid sit iuris particularis in Mose mutatum aut mutabile simpliciter.*

POSTquam de his diximus quæ ad rationem iuris communis civiliter in Mose pertinent, nunc de iure particulari nobis dicendum est: in quo distinguendo iudicium opus est prudentia & accuratione summa adhiberi. De his autem hoc modo statuiamus: *Quæcumque leges iuris particularis sunt, in ritibus ac ceremoniis posita, omnes fuerant mutabiles: pleraque iam mutata sunt, non modo in circumstantiis, sed etiam re ipsa; præsertim quæcumque ad umbram futurorum sacramentorum instituta. Nam recte olim scholasticæ præcepta Moysi iudicialia esse mortua, ceremonialia hæc mortifera. Iuris ergo particularis genera duo sunt; Vtriusque iuris moralis administrum: Nam iuri morali aut societatem humanam respicienti inseruit ius civile siue politicum, pro modo vniuersalisque reipublicæ institutum, quod particularitate: Morali vero ad cultum Dei & pietatem pertinenti inseruit ius Ecclesiasticum, quod ceremoniale vulgo appellatur. Quapropter etiam ritus, & ceremonias inter se distinximus: quia in iure politico sui sunt imperati & solemnes ritus; ceremonia vero propriè non nisi sacra observationes in cultu diuino appellantur. Ac moralis quidem iuris ea natura est, ut ipsum per se constans sit & immutabile: quæ vero propter illud constituta sunt, & ad ipsum respiciunt tanquam ad finem suum, ea iura*

Tos 31.

mutabilia esse vel eo ipso demonstratur, quod sunt propter aliud; quandoquidem quicquid propter aliud est, id tum saltem mutatur vniuersè, cum finem eius adepti sumus. Hæc autem iura (vt diximus) diuina sunt generum, quæ iudicialia vulgò & ceremonialia appellantur. Exempli causa: Lex ciuilis, eaque particularis est ad honestatem pertinens, cum mandauit Deus; cum  
*Deut. 25.* exhibit exercitus contra hostes tuos, spatium esto tibi extra castra, vt egrediaris illuc foras, videlicet purgaturus aluum tuum; & paxillus esto tibi præter arma tua: erisque cum sessurus eris foris, vt eo fodias, & rursus tegas excrementum tuum. Et hoc quoque politicum est ad humanitatem pertinens, cum inquit Deus; ne tradito seruum domino suo, qui confugiens ad te eripuerit se à suo domino: tecum maneto in medio tui, &c. Itemque illud, si ingrediaris vineam proximi tui, comedes quidem vvas pro desiderio tuo ad saturitatē tuam, at in instrumentu tuum, ne indito, &c. Ceremonialia verò illa sunt; Cum exhibit exercitus contra hostes tuos, si fuerit in te quispiam qui non erit mundus casu nocturno, is exito extra castra, ne ingreditor in castra: sed erit appetente vespera vt lauet se aqua, deinde cum occidit sol, veniat intra castra. Et illud: Ne inferto mercedem scorti, aut pretium canis in domū Iehouæ Dei tui pro vllō voto: Nam abominationi Iehouæ Deo tuo sunt pariter ambo ista. Hæc omnia exempla in hunc locum visum est congerere, vt palam fiat omnibus, quantum sit necessaria communis illa politicatum legum  
 vel

vel iudicialium à ceremonialibus & Ecclesiasticis distinctio, antequam de iure particulari, quohæ species duæ continentur, aggrediamur enarrationem institutam.

Hic autem ius particulare in lege Moſis appellamus, quicquid Deo viſum eſt per Moſem populo ſuo in ritibus & ceremoniis, id eſt, in politia & eccleſia ad ſocietatem humanam & diuinum cultum indicere, ſecundum particularem conditionem illius populi cui legem ferebat Deus: quemadmodum ius Athenienſium, Lacedæmoniorum, Romanorum, aut Perſarum, aliorumve appellamus. Habent enim ſingulæ gentes, ciuitates, adeoque municipia ipſa, ac ferme vici affectiones quaſdam particulares, propter quas particularia iura introduci ſolent, & poſſunt, & debent; quæ alibi ſi obtinerent, communitati damnoſa forent. In hunc igitur modum Deus ius particulare populo Iſraëlis dixit, legesque particulares tulit, de quibus nunc inſtituimus & τὴν λέγειν.

Hæ autem leges, quæcunque iuris particularis ſunt à Deo latæ, omnes inde à principio ſuo fuerunt mutabiles. Nam omnes propter aliqd latæ ſunt, & de republica mutabili, & ratione rerum, perſonarum, circumſtantiarumque mutabilium, & modo mutabili, & ad mutationem deſtinatæ: quæ res de legibus iis quæ ſimpliciter morales ſunt, ac non inſtitutæ ſecundum quid, non poteſt cum ratione & veritate prædicari.

Eſſi autem omnes huiusmodi leges ſunt ſecundum ſe natura ſua mutabiles; harum tamen

aliæ ſeruantur liberè, vbiq; viſum eſt, pro-  
 ratione cõmunitatũ, aliæ ex facto mutatz ſunt, ne-  
 que ampliũ obſervantur. Eſtq. hæc mutatio, quã  
 de iſtis legibus iuris particularis affirmamus, lon-  
 gè amplior mutatione illa quam in capite præce-  
 dente de legibus cõmunis iuris dicebamus. Nam  
 in illis circumſtantiæ ſolũ dicuntur variare ſe-  
 cundũ quandam rationis, quæ ius humanũ di-  
 ctat, analogiam; ac proinde mutatio fit ex parte  
 duntaxat, eaq. minima: in his autẽ legibus, quæ  
 omnino ſunt natura ſua mutabiles, mutatio fit  
 ſive ex parte, ſive vniuerſè; non ſolũ circum-  
 ſtantiarum (vt in illis quæ iuris cõmunis ſunt)  
 verũ etiam rei ipſius imperata lege.

Rurſum verò quæcunque leges hoc modo  
 mutatz ſunt, aut voluntate hominum libera, pro  
 commoditate perſonarum, rerum, ac circumſtan-  
 tiarum depositæ ſunt; aut ex neceſſitate penitus  
 antiquatz; cuius generis ſunt quæcunque ad vm-  
 bram futurorum fuerant inſtitutz. Nam quarum  
 ceremoniarum corpus in Chriſto eſt, earum ratio  
 tota & obſervatio in Eccleſia periit; quemadmo-  
 dũ ymbræ adueniente Sole diſpelli ſolent. Qua-  
 propter etiã optimè argumentatur Apoſtolus, di-  
 cens: Ego Paulus dico vobis, ſi circumcidamini,  
 Chriſtum nihil vobis profuturũ: teſtor omni ho-  
 mini qui circumciditur, eũ eſſe debitore ſervan-  
 dæ totius legis: inanes facti eſtis, ſeparati à Chri-  
 ſto, quicunq. per legem iuſtificamini, & à gratia  
 excidiſtis. & alibi: Ne quis vos damnet ob cibum,  
 vel potũ, aut reſpectũ feſti, aut nouilunij, aut ſab-  
 bathorũ: quæ ſunt ymbræ rerũ futurarum, at cor-  
 pus

Coloſ. 2.

Galat. 5.

Coloſ. 2.



pus est Christi. Quæ verò ceremoniæ ad ordinem potius cōmunem, quàm ad vmbra futurorum bonorū pertinuerunt, eæ citra necessitatem absolutam pro arbitrio hominum & cōmoditate publica desuerunt. Quapropter mihi quidam perplacet cōmunis illa scholasticorū distinctio, quæ præcepta Mosis iudicialia mortua esse tradiderunt, id est, nō ita viuere vt obligent; ceremonialia verò esse mortifera, id est, non posse amplius viuere, aut inter viuentes obseruari, quin rei mortis efficiantur quicunque operam dant eorum obseruationi, prout Hieronymus & Augustinus in Epistolis suis locuti sunt.

Iudicialia autem præcepta Mosis mortua esse cū dicimus, simpliciter ea consideramus quæ sunt iudicialia: Quemadmodum etiam de ceremonialibus, quæ simpliciter ceremonialia sunt, hunc sermonem nostrum volumus accipi. Nam locum de ratione mixta illorum inter se, certo consilio in Caput sequens reuicimus. Iudicialium enim ea natura est, vt primū cōmunem rationem velut substructam habeant, cuius fundamento nitantur ( hæc autem est immutabilis) Deinde verò ex particulari modo personarum, rerum, & circumstantiarum, posita sint in particulari iure: quod ius, quia in ratione particulari est positum, docet cōmunis ratio esse mutabile: Ac proinde præcepta Mosis iudicialia omnia mori potuisse, & nunc esse re ipsa mortua extinctaque, & sublata ex cōmuni vsu. De legibus verò ceremonialibus aliquid amplius nobis dicendum est; non tam quòd huius loci sint, quàm

quia plerumque ceremoniale quippiam in iudicialibus Mosis legibus interuenit: quo fit, vt hæc non possint commodè exponi sine illorum declaratione.

*Thef. 12.*

*Sunt ergo ceremonialia præcepta in Mose particularis iuris, aut specie substantiæque ipsorum, aut circumstantiis. Specie; si principio, obiecto, aut fine typico vel ceremoniali fundata sunt, aut omnia simul obtinent, circumstantiis, si alia in super accidentia ceremoniis applicantur. Hæc ceremonialium institutorum distinctio adeò est necessaria, vt sine ipsa non possit commodè intelligi ceremoniarum ratio, prout opus est ad institutionem Ecclesiæ Christi. Nam quicquid ceremoniale est, id aut essentia, aut accidente ceremoniale dicendum est. quod si quis aliter manult, aut per se est ceremoniale quicquid est eiusmodi, siue interna constitutione ipsius, aut per accidens, siue affectione foris adueniente. Quod autem interna sui ratione naturaque ceremoniale est, id specie ceremoniale appellamus: Quod affectione & appendice foris adueniente, id ceremoniale est circumstantiis, etsi per se & natura sua generis est alterius. Quæ autem specie naturaque aut substantia sua sunt ceremonialia, ea tribus modis, siue separatis, siue coniunctis discernimus; quos modos antè in tertio capite exposuimus, cum de veritate legum immutabili diceremus. Nam aut principio & ortu, siue fundamento suo ceremoniale est institutum; aut obiecto, ad quod institutum pertinet; aut denique fine, ad quem tendit institutum. Si quid horum, aut tria hæc simul, typum habeant vel*  
ceremo-

ceremoniam, institutum ceremoniale est. Typum appellamus, expressam rebus figuratiuis rerum verarum imaginem: Ceremoniam verò, expressam actionibus, quas institutum Dei sanctificauerit, sanctarum actionum, spiritualiumque & diuinarum imaginem. Horum inquam si quid est in lege, siue principio, siue obiecto, siue fine ipsius, siue duobus horum, siue cunctis; ceremoniale institutum appellamus. Sed præstat rem exemplis ex lege sumptis declaremus.

*Principio ceremoniale est, vt Leuitici 25. Terra ne Thef. 11. venditor lege mancipij. Obiecto, vt Exod 20. Altare terreum facito mihi (quod ambulatoria fuit reipublica Israelitarum) & quæcunque Exodi 25. & sequentibus imperantur. Fine, vt Exodi 13. Sanctifica mihi primogenitum; & sexcenta alia. Legem illam primam Principio ceremonialem esse statuimus, quia alioquin simpliciter & secundum se absolute eiusmodi lex potest civilis esse, & civiliter ferri atque obseruari: Sed quòd à Deo imperata est populo Israelitarum, id ex principio siue fundamento ceremoniali profectum est; quia Deus se mancipem illius terræ, & terram vel regionem illam optima lege mancipij ad se pertinere, nec ad alium quenquam, ceremoniali obseruatione voluit ostendere, & Israelitas hoc pacto iussit constantissimè profiteri beneficium Dei: quemadmodum Domini vassallis suis quos vocant Feudatarios, aut etiam Emphyteutis solent imponere legem aliquam fiduciarium, aut aliam quamuis, & sibi dominium merum semper vindicare. Ex hoc fundamento in eundem modum legem de*

Chananaea tulit populo Israelitarum Deus; ut se regionis Dominum, illos Emphyteutas, siue colonos perpetuarios (ut Iurisperiti vocant) ex beneficio Dei & Domini ipsorum esse ostenderet.

Eorum verò, quæ obiecto ceremonialia sunt, exempla in lege Moſis extant innumera, & quæ nemo ignorat esse ceremonialia: adeo per se evidens est & palam in oculis omnium exposita illorum ratio. Quæ omnia etsi natura sua fuerunt mutabilia, ut antè diximus; tamen etiam secundum tempora pro conditione & modo ipsorum mutationem subiuerunt. Eorum enim alia durabilia fuerunt constanter ad Christi aduentum vsque, complementum mysterij redemptionis nostræ, & promulgationem Euangelij, tantisper denique dum respublica stetit Israelitarum; alia durauerunt ad tempus vsque deportationis Babylonica; alia ad tempus illud vsque, cum à Solumone templum exstructum est & sanctificatum Domino; alia ad tempus quo regnum fuit institutum, & donec Iudices reipublicæ Israelitarum præfuerunt: alia denique durationem non habuerunt diuturniorem, quam cum Israelitæ ex Ægypto egressi in profectioe sua (quæ annorum fuit quadraginta) Chananaeam versus contendebant; quod tempus ambulatoriæ reipublicæ Israelitarum appellamus. Post enim fuit stataria, quam in Chananaeam sibi promissam aduenisset. Quid? quod etiam singularia fuerunt, & ad singularem actionem & horam vnā instituta ceremonialia? huius generis Exodi 12. aliquot exempla extant, cum Pascha Iudæis imperatum singu-

laribus



laribus in illud tempus ceremoniis instructum est. vt cum speciatim vno versu dicitur; Ita comedite pecudem illam : lumbis vestris succinctis, Exod. 12. 11. calceamentis vestris ad pedes vestros, & baculo vestro in manu vestra : & comedetis eam cum festinatione. Etenim hæc quatuor obseruationes illius temporis fuerunt solum, neque in exemplum post illud tempus vnquam, aut in legem publicam à Iudæis tractæ sunt. Atque hæc illa causa est, cur exemplum legis illius, vt paulisper duraturæ, malimus in hunc locum adferre, quàm alia exempla legum quæ diuturniorem auctoritatem in populo Dei habuerunt : vt hoc exemplo ratio mutandarum ceremoniarum fieret euidentior. Deus enim tum principio illo altare terreum fieri sibi iussit: cur postea ligneum? nisi vt terreum intelligamus in antecessum, siue per prouisionem (vt loquuntur) fuisse factum, donec cultus amplius perscriptus & definitus esset? post Deus altare ligneum mandauit sibi fieri, Exodi 30. & obductum ære: Itemque lacum vnum lauandis sacerdotibus: cur postea altare auro obductum, plura altaria, & labra lotionis causa, & alia eiusmodi à Selomone curata sunt? nisi vt intelligamus ceremoniale institutum illud ad rem publicam Israelitarum tantisper attinuisse, dum certa sede & domo carebat Deus? De aliis ceremoniis iudicium idem. Nam obiecta illa, de quibus lex cauit, pro conditione populi Israelitarum variauerunt quamplurimum.

Fine autem ceremonialia fuerunt instituta, cum alia omnia, tum ea maximè quæ ad figurandum

randum Christum, personam, actiones, officia, beneficiaque eius olim pertinuerunt, ut exempli causa, cum Deus mandaret, sanctifica mihi primogenitum, Exodi 13. Fuit quidem finis ille communis ad ordinem priscæ Ecclesiæ pertinens, ut primogeniti deo sanctificati cultum ipsius in familiis singulis exercerent, & ministrarent Domino: quod officium penes primogenitos eo usque perduravit, dum Leuitæ in locum ipsorum singulari Dei institutione successissent, ut cautum est lege, Numerorum 3. Sed ille proprius finis ad Christi aduentum usque perduravit, sanctificatos fuisse primogenitos Domino, ut in suis familiis singuli typi essent Christi, eumque Dominum nostrum, & primogenitum inter multos fratres hac sanctificatione diuina adumbrarent. Atque hæc quidem de ceremonialibus institutis satis, quæ secundum essentiam vel speciem suam ipsorum merito ceremonialia dici possunt.

Ad genus alterum transeamus, quod circumstantiis ceremoniale est. *De circumstantiis ergo ceremonialibus iudicium idem fieri necesse est, siue ad speciem ipsam ceremoniam accidunt, siue ipsa per se constituunt speciem ceremonia: ut cum dicitur, Non facies ullum opus in die sabbathi.* Circumstantiarum enim, ut in rebus aliis, ita etiam in ceremoniis duplex est ratio: una, quod speciei rerum aliarum accidunt, & circumstant eas, ut corpora circumteguntur vestibus, aut certe coniunctæ sunt: altera; quod ipsæ interdum constituunt rerum earum quæ aguntur, speciem; ex qua res siue actiones nostræ bonæ dicuntur aut malæ. Nam quæ

quæ res simpliciter & per se bonæ sunt, ex interdum malæ fiunt circumstantiis. Est tempus, quo res bona aut media siue indifferens redditur mala, quia intempestiua est: Est locus, quo res bona siue indifferens redditur mala, quia non fit loco; similiterque modus est, & instrumenta, quibus res bonæ aut indifferentes efficiuntur malæ, quia nec modo, nec adiuuentis commodis. Atque hac occasione circumstantiæ dicuntur factorum speciem constituere. Cùm autem humana facta determinantur legibus, merito etiam leges cauerunt de circumstantiis, præsertim qua ad speciem factorum nostrorum pertinet: iisque non solum communibus atque absolutis, verum etiam singularibus & ceremonialibus, de quibus hic nobis est sermo. Quamobrem de tempore quidem ita statuimus, omni tempore Deum coli à nobis oportere: sed Deus diem vnum speciatim instituit, quo vult coli à nobis singulariter, & huic diei adiunxit necessariam quietis ab operibus nostris obseruationem. Vtrumque ceremoniale, & diei, & quietis obseruatio. Ac propterea diei illius obseruationem in diem alterum transportauit Christus: quem & resurrectione sua sanctificauerat, & præscripsit sua in terris, vsq. dum in cælum ascenderet, & comuni Apostolorum in Ecclesia obseruatione, quemadmodum ex scripturis sacris didicimus. Similiterque de loco: Est quidem (vt Paulus loquitur) Deus in omni loco Dominus noster omnium, ac proinde vbi, que in spiritu & veritate colendus: sed tamen locum populo Chananæam; cultui Ierosolyma, & Sionem

1. Cor. 1.

Colof. 2.

Sionem montem, ac templum in eo consecrauerat; quæ singularis consecratio loci ceremonialibus legibus est deputanda. Atque hæc leges aduentu Christi defuerunt: Nam (ut inquit Apostolus) hæc vmbra fuerunt futurorum, corpus autem est Christus. Hæc igitur & consimilia omnia, ut natura sunt mutabilia; ita lege mutationis fuerunt à Deo instituta, & prudenter ab iis quæ immutabilia sunt in lege, distinguenda. Sed quia pauciora sunt in lege Moysis instituta, quæ absolute simpliciterque iudicialia sunt, & multa cum iudicialibus plurimum confunduntur, quæ aut specie aut circumstantiis sunt ceremonialia, in quorum confusione & coagmentatione interno secunda difficultas versatur maxime; nam ad genus mixtum mutabilem in lege institutionum veniamus.

CAP. VIII.

*Quid sit mixti iuris in Moysi legibus mutabile.*

Thef. 35.

**F**IERI non potest, ut qui de legibus Moysi perinde iudicant ac si omnia ad vnum aliquod genus sigillatim referenda essent, & omni ex parte de eodem accipienda, ij leges Moysi aut bene interpretentur, aut convenientem ex eis percipiant fructum. Nam plurima in eis præcepta sunt, quæ compositam quandam ex morali, iudiciali, & ceremoniali iure rationem habent promiscue, ac non vnius sunt duntaxat generis: si qua sunt simplicem rationem morum, aut iudiciorum, aut ceremonialium.



ceremoniarum seorsim habentia (sunt autem  
 hæc pauciora) non obscura est hac quidem in  
 parte eorum interpretatio. Itaque plurimum ac-  
 cidit, ut quæ moralia, in causa pietatis, siue ad  
 Deum spectante, ceremoniis; in causa verò com-  
 munis nostri aliorum in alios officij, ritibus iu-  
 dicialibus, vel politicis exornentur. Nec absimi-  
 liter iudicialia siue politica tum de moralibus ali-  
 quid habent necessariò, puta rationem commu-  
 nem & fundamentum ipsorum; tum etiam de  
 ceremonialibus, siquid fortè (ut plerumque ac-  
 cidit) cum Dei cultu coniunctum habent; & ipsa  
 quoque per se aliquid insuper iuris particularis  
 habent ex ritu politico, quem Deus illi rei publi-  
 cæ Israelitarum iudicavit commodum. Ceremo-  
 nialia denique ipsa sic versantur in ceremoniis &  
 observationibus sacris, ut tum doctrinam morum  
 ad fidem, pietatem, iustitiamque pertinentium,  
 velut fundamentum siue naturalii siue diuino  
 iure dispositum, necessariò complectatur; tum in  
 causis multis aliquid de iudiciali participant, quæ  
 res politica cum Ecclesiasticis coniunctæ sunt, &  
 res humanæ cum rebus conscientie. Deus. 11.

Exempli causa; Iuris communis atque moralis  
 est simpliciter illud præceptum, Ne occidas: quod  
 ex præcepto sequitur conclusio politica; occisio-  
 nem auctoritate publica persequendum esse &  
 afficiendum morte. Sed quid si non compertia-  
 tur hæc specie, prospexit Dominus morali præ-  
 cepto sapientissimè, quod partem ceremonialem  
 partemque politicam simul complectitur; tum  
 præcipit, Si quis inueniatur in terra, quam Je-

houa

houa Deus tuus dat tibi vt hæreditario iure possi-  
 deas eam, confossus iacens in agro; nec notum sit  
 quis percussit eum: tunc egressi seniores tui &  
 iudices tui metientur spatium inde ad ciuitates  
 quæ sunt circa confossam illum: eritque vt ciui-  
 tatis illius quæ proxima erit isti confosso, ciuitatis  
 ergo illius seniores accipiant vitulam de armento,  
 quæ non sit ad vsum adhibita, quæ non traxerit  
 iugum; & deducentes seniores illius ciuitatis vi-  
 tulam illam in vallem horridam in qua nihil co-  
 liter neque seminatur, decollabunt ibi vitulam  
 in illa valle: deinde accedentes sacerdotes filij  
 Leui, quos elegit Iehoua Deus tuus ad mini-  
 strandum sibi & benedicendum in nomine Ie-  
 houæ, & ex quorum præstituto agetur in omni  
 controuersia & omni plaga; omnes quoq. senio-  
 res ciuitatis illius qui sunt proximi, ad confos-  
 sam istum; lauabunt manus suas super vitulam,  
 decollatam in ea valle, & protestantes dicent;  
 manus nostræ non effuderunt hunc sanguinem,  
 & oculi nostri effundentem non viderunt: Ex-  
 pia populum tuum Israellem quem redemisti,  
 Iehoua, & ne impone reatum sanguinis innoxij  
 in medio populi tui Israelis. In hoc præcepto Dei  
 moralia documenta duo sunt, quæ à plerisq. non  
 admodum, aut certe molli brachio, si fortè, obser-  
 uantur: vnum, quòd tota respublica rea est coram  
 Domino innoxij sanguinis effusi, nisi rem perse-  
 quatur: alterum, quòd si rei cognitionem per-  
 nestigare & consequi nullo pacto potest, purgare  
 se religiosè debet, tum coram Domino, tum co-  
 ram populo Dei reliquo, vt fidem suam populo  
 & Eccle-

& Ecclesiæ probet. Ad hanc rem, quæ moralis est, neq. aliter quàm ratione ciuili & Ecclesiastica coniunctim procurari potest, Deus præcepta adhibuit, quibus suas partes magistratui, & suas ecclesiæ præscriberet. Nam magistratui ciuilem quæstionem & peruestigationem diligentissimam, protestationemque coniunctam ceremonia; Ecclesiæ verò expiationem cōmuni nomine imperauit. In cæteris quoque generibus, iudiciali inquam & ceremoniali, eadem ratio tenenda est: quemadmodum exemplis sequentibus per occasionem suis locis demonstrabitur.

Postquam igitur rem ita esse ostendimus, de iure illius (id enim maximè hoc loco agitur) videamus. *In his quæ mixti sunt generis, quod morale est, permanet; quod absolutè iudiciale, mutatur circumstantiis; quod ceremoniale, vniuersè perit: cuiusmodi sunt obseruatio diei sabbathi, Exodi 20. Lex de homicidarum receptu in vrbes perfugij, Num. 35. Purgatio illa de homicidio, cuius incertus auctor, Deut. 21. Et similia.* Itaque in hoc mixto legū Mosaicarum genere, quas iudiciales appellamus siue politicas, tres partes distinguendæ sunt, moralis, politica, & ceremonialis; & ius earū sigillatim discernendū.

Prima pars, eaque omnium potentissima est, quam moralem appellamus. Nam hæc, siquidem simpliciter moralis est, ad pietatem iustitiamque & honestatem pertinet; iuris communis est, & rationis communis, siue ex naturali, siue ex diuina lege: ac proinde constanter permanet, neque vlla occasione aut facto potest contingere, vt refringatur aut reflectatur illius auctori-

tas. Hæc enim æterna ratio, per legem naturalem diuinamque sic rationi hominum imperat; vt quicquid iuris est, tum absolutè, tum secundum omnes casus & circumstantias definiat necessitate absoluta; cui nemo cum ratione potest obloqui, neque cum fructu aduersari.

Ea verò pars Mosaicarum legum quæ iudicialis est, quæ absolutè iudicialis est (nā quod mixtum est, semper exceptum volumus) non mutatur ratione aut substantia; sed tum sibi in seipsa constat, tum in analogia, secundum quam iudicium fieri potest de causis consimilibus: at verò in circumstantiis mutationes subit quàm plurimas, & pro tempore, loco, personis, factis, modo, causis, atque adiumentis, tum præteritis, tum etiam præsentibus, aut futuris, publicis atque priuatis variatur: Et quicumque in administratione humana omnia consilia sua ita non temperant, vt varietati rerum varietatem iudiciorum accommodent, ij rebus publicis plurimum incommodant; vel potiùs perdunt eas funditus iudiciorum suorum obfirmatione: quia magis constantia quàm consilio iudicioque certant, sine quo res publica non potest consistere.

Pars verò ceremonialis, quæcumque extat in Mosis legibus & mixto earum genere, ea hoc tempore periit vniuersè, neque homines amplius obligat in effectum (vt loquuntur) iure & auctoritate legis. Sunt enim ceremoniæ iuris particularis: quod ius tum natura sua mutabile est, vt antè diximus; tum verò in ceremonis mutatum re & circumstantiis: præsertim verò in iis ceremoniis quæ



quæ ad rerum futurarum vmbra fuerunt instituta. Nam & ipsæ ceremoniæ Legis propter aliud fuerunt institutæ, ac proinde mutabiles, vt antè concludimus; & nobis rem, cuius causa fuerant affecutis, mutatæ sunt; & circumstantiæ omnes mutationem earum legum non modò postulant, sed etiam flagitant. Etenim (vt percurramus singulas) tempus est diuersissimum; illud pueritiæ, hoc verò adultæ Ecclesiæ: quibus in temporibus si vnā & eandem administrationem omnino desideres, dementiæ est, non sapientiæ. Loci ratio maximè differens: tum enim Chanaanæ, Hierosolyma, Templum, singulari instituto Dei relationem sacramentalem siue ordinationem ad rerum sacrarum significationem in Ecclesia præbendam habuerunt; nunc sublata illa institutio singularis tota, vt Deus vbiuis locorum in spiritu & veritate adoretur. Tum personæ fuerunt singulari beneficio Dei instructæ corporeis & carnalibus commodis, adiumentisque quàm plurimis, & ornatæ prærogatiuis singularibus supra omnes gentes; nunc ex omnibus gentibus vocantur promiscuè, quicunque ordinati sunt ad vitam æternam, citra commodorum adiumentorumq. illorum contemplationem. In factis quoque differentia omnia: Nam etiam multa facienda Iudæis præcepta sunt, quæ nulla ratione facienda præcipi Christianis possunt, aut ab illis exigere tantum discrimen est in rebus omnibus. De causis quid dicturi sumus? sunt quidem nobis communes causæ cum priscis illis Iudæis; gloria Dei, communis salus, & communio societatis

Ioan. 4.

humanae in natura rerum, & in Ecclesia Dei: sed Causae particulares fuerunt illis, quas Deus sapientia sua infinita praescripsit verbo, secundum quas tū respublica illorū fuerat aliusmodi, tum singulae fermè observationes pro modo illius reipublicae institutae. Quòd si haec vnica tum temporis causa extitisset, quòd multa perscripta olim & obseruata fuerunt ad futuri praesignificationem; haec ipsa vnica & singularis causa subministratura est plus satis argumenti, vt agnoscamus immutatam esse conditionem istarum legum. In modo autem quàm maximum discriminē est; quia modum rerum & actionum omnium varietati rerum, quas antè diximus, cōtemperari oportuit: Itemque adiumenta & auxilia, siue instrumenta, quaecunque ad illius reipublicae & Ecclesiae institutionem pertinebant; cū nunc carnalia illa atque typica omnia sublata sint, & in veritate consummata ea quae illis instrumentis atque obseruationibus fuerunt adumbrata. Rectè igitur concludimus, quod ceremoniale fuit (nunc enim veritatem & corpus habemus ipsum) id vniuersè periisse: periisse autem, siue vsu, quia mutatum est liberè; siue iure ipso, quia mutari ex iure & necessitate oportuit. Quis enim ceremonias illas in hoc tempore velit teneri mordicus, aut redintegrari, quas Deus instituerat olim, vt res futuras adumbrarent, consummata iam veritate; aut quas ordini & modo illius reipublicae contemperaue-  
rat, sublata iam republica per voluntatem iudiciumque ipsius? Atqui ad haec duo ceremoniae omnes pertinebant: aut ad significandam verita-  
tem,

tem, præcipuè futuram; aut ad cultum instituen-  
dum secundum eam rationem qua Deus sese co-  
lendū patefecerat, & circumscripserat cultoribus  
suis in illa republica & Ecclesia sua. His ergo  
sublatis, & ceremonias sublatas confirmamus.

Nunc ad exempla veniamus, quæ in propo-  
sitione argumenti huius adduxi. sunt autem illa  
tria: quæ postquam explicauerimus, vnum præ-  
terea adhibebimus, quod his temporibus vide-  
tur pernecessarium propter difficultatem ipsius.  
Primum exemplum est de obseruatione diei sab-  
bathi: quam obseruationem Deus sanciuit olim  
moralis, & iudiciali siue politica, & ceremoniali  
lege: Nam legis moralis ex iure morali est, cum  
Deus præcipit, Sex quidem diebus nos operari  
& facere totum opus nostrum; die verò septimo,  
id est, vno de septem nos recordari, diem esse  
Domini vnum de septem institutū, quem diem  
in religioso cultu Domini consumamus, sanctifi-  
cemusque. Non possunt boni mores, ne secun-  
dum naturam quidem ipsam, apud eos homines  
constare, qui vnum de septem diebus non obser-  
uant & sanctificant Domino. Huic verò morali  
instituto accedit politicum, idque politicis obser-  
uationibus multis insuper instructum in lege  
Mosis, cum dicit Deus: non facies vllum opus in  
eo die, nec tu, nec filius tuus, nec filia tua, nec  
seruus tuus, nec ancilla tua, nec bos tuus, nec asi-  
nus tuus, &c. Quod præceptum ratione politica  
magis expressit Moses, dicendo, vt quiescat seruus  
tuus & ancilla tua sicut tu. Huic præcepto seue-  
rissima fuit adiuncta sanctio, cum Deus diceret;

*Deut. 5.*

*Exod.* 31. quisquis prophanauerit sabbathū, omnino morietur, hominis facientis opus in eo excindetur anima in medio populorum suorum ~~suorum~~ &, quicumq. fecerit opus die sabbathi omnino morietur. Ceremoniale verò in hoc instituto est, diei circumscriptio; causa circumscriptionis; & ritus obseruationis. Circumscriptionem diei appellamus, quòd dies ille sabbathi præcisè definitus est, quem Iudæi adhuc obseruant pertinacissimè. Nam quòd in eo die potius quàm alio vllò imperata est Iudæis sanctificatio, id habuit ceremoniam partim ordinis, partimque figuræ: quæ duo fundamenta ceremoniæ certis occasionibus æquissimum est aut mutari, aut etiam abiici. Causam circumscriptionis, cur dies ille ipse institutus est, duplicem animaduertimus; vnā propriam atque singularem, quia sex diebus fecerat Iehoua cælum, & terram, mare, & quæcunque in illis sunt, & quieuerat die septimo; ac propterea benedixerat Iehoua diei sabbathi, & sanctificauerat eum, vt esset perpetua antecedentis illius operis recordatio: Alteram cōmunem, quòd esset quietis piorum spiritualis meditatio atque exercitatio, in præsens tempus; & in futurum illius ipsius quietis, quæ absoluta demum in cælis futura est, significatio.

Hic verò quid mutabile sit, quid immutabile, etsi ex antecedentibus boni faciliè intelligunt, tamen imperitorum causa hanc distinctionem rerum in hoc exemplo accuratiùs demonstrabimus. Morale igitur quicquid est propriè & per se, id iure communi & ratione communi obligat  
immuta-



immutabiliter : ac proinde ex illa institutione  
 sabbathi cognoscimus, etsi omne tempus in offi-  
 ciis pietatis consumendum est religiosissimè, ta-  
 men certum diem de septenis vnum ad commu-  
 nem Dei cultum veræque pietatis exercitamenta  
 adhiberi oportere : Hoc priuatum & publicum  
 officium ab hominibus omnibus postulari : qui  
 secus fecerit, eos contra ius commune rationem-  
 que communem venire, quas res Deus exemplo  
 & auctoritate sua inde à creatione sanctificauerit.  
 Iudiciale autem quicquid est simpliciter, siue po-  
 liticum, id duobus modis distingui necesse est.  
 Nam in hoc genere inuenitur aliquid mutabile,  
 & aliquid immutabile permanet. Cùm autem  
 mutabiles in hoc genere dixerimus circumstan-  
 tias esse, ex eo continuo sequitur nos hoc tem-  
 pore in ea iudiciorum parte minimè obligari, quæ  
 in circumstantiis posita est : Exempli causa, Nos  
 secundum conscientiam non teneri obseruatione  
 annorum intermissionis, aut iubilæorum, aut con-  
 similium, quæ lex imperauerat. Præterea cùm *Leuit. 25.*  
 multæ leges iuris particularis sint, id est, particu-  
 lariter ad illum populum, illud tempus, regionem  
 illam, & cætera pertinentes; hoc etiam adiicimus,  
 pleraque earum legum quæ iuris particularis  
 sunt in ritibus forensium obseruationum posita,  
 iam mutatas esse, non modò in circumstantiis,  
 sed etiam reipsa : cuiusmodi interdictum illud  
 est, Ne accendatis ignem in omnibus habitaculis *Exod. 35.*  
 vestris die Sabbathi, & quæcumque præterea in-  
 stituta sunt eiusmodi, ex principio, aut obiecto,  
 aut sine ceremoniali pendentia, vt præcedente ca-

pite ostendimus. Quaecumque autem rationis  
 communis sunt, & iuris communis in politico  
 legum Mosaicarum genere, ea aut ratione com-  
 muni obligant, aut analogia; ac proinde diem il-  
 lum sabbathi, qui à ludæis superstitione adhuc  
 observatur, nolumus quidem observari, quia in-  
 stitutum ceremoniale est; sed tamen septimum  
 religiosè coli & observari volumus, quia iuris  
 communis & rationis est; quæ publicum ordi-  
 nem atque politeiam suam æquè in rebus Eccle-  
 siasticis & diuinis, ac in forensibus & humanis  
 postulant. Ceremonialia verò, quaecumque sim-  
 pliciter ad ceremoniam pertinent, ea mutationis  
 lege à Deo iam olim lata sunt; & quisquis ea mu-  
 tari prohibet, menti legislatoris ipsius ac veritati  
 aduersatur. Sed tamen hic rursus opus est cere-  
 monialia prudenter à nobis distingui, ne per-  
 æquè omnia eodem loco habeantur. Sunt enim  
 ceremonialia, hæc ordinis, & illa figuræ, ut antiè  
 diximus. Quæ autem ordinis sunt, si ad com-  
 munem ordinem pertinent, puta conventus ha-  
 beri, certo loco, tempore, hæc non tam ceremo-  
 niæ, quàm politeiæ sunt: & quia instituta poli-  
 tica iuris communis sunt immutabilia, ut antiè  
 ostendimus, propterea hæc à nobis non tanquam  
 ceremonialia, sed potius tanquam politica Eccle-  
 siæ, id est, ad iustum ordinem honestatemque  
 ipsius pertinentia (quæ duo Paulus præcepit dili-  
 gentissimè) curantur religione summa. Sin ad  
 ordinem iuris particularis spectant, quod ius  
 particulare ad Christianos reipsa minimè perti-  
 net, sed tantum analogia; omnino statuimus ce-  
 remonias

1. Cor. 14.

remonas illas rectè mutatas esse, aut pro commoditate piorum mutabiles: Quandoquidem leges huiusmodi aut principio, aut obiecto ceremoniales sunt, aut sine ipsarum implexam necessariò habent mutationis legè. In iis verò legibus ceremonialibus quæ figuratiuæ vulgò appellantur, aut quæ figuratiuæ sunt, ratio est longè dispersa. Nam omnis figura ceremonialis, aut rerum præteritarum est recordatio, aut præsentium demonstratio, aut futurarum præsignificatio. Quæ ad recordationem præteritorum beneficiorum fuerunt olim à Deo institutæ & ad præsentium significationem, semper quidem fuerunt mutabiles; sed non omnes eandem necessitatem mutationis subiuerunt: Quæ ad ceremonias prænuncias rerum futurarum in Christo, omnino atque funditus perierunt: quia hæc sine turpissima & impia abiuratione Christi, Dei in carne his temporibus vltimis patefacti, vigere non possunt. Itaque sabbathum, quæ recordatio fuit creationis, mutatum est; sed non ita necessariò, quin recordatio creationis hoc quoque tempore obseruari posset, si nihil amplius inesset sabbathi illius obseruationi. Quæ præsentem quietem Christianorum omnium, in Christo pacem, iustitiam, vitamque obtinentium, repræsentat; non obseruatur, quia hæc beneficia Christi alio die nobis parta, & plenè consummata sunt, atque patefacta; nimirum primo die hebdomadis; quo die resurgens Christus ex mortuis nouam hebdomadam regni sui (vt ita dicamus) inchoauit; & substituit exemplo atque auctoritate sua illius diei obseruationem in

Matth. 12

sanctissimo illo Apostolorum cœtu & primitiue Ecclesiæ suæ. Quatenus verò sabbathi illius ceremoniam pertinet ad rerum futurarum in Christo significationem, omnino est abolitum, nec sine grauissimo (vt ita dicamus) sacrilegio redintegrari aut repeti potest illius observatio.

Secundum exemplum est de homicidarum receptu in vrbes perfugij; cuius institutio habetur Numer. 35. & Deut 19. In hoc autem exemplo tria illa concurrunt similiter, quæ in precedente exemplo docebamus; morale, politicum, & ceremoniale. Morale est & communis iuris, homicidam vlciscendum, sed non temerè vlciscendum: legitimo tempore, & modo cognoscendum: eum qui vltro homicidium commiserit, plectendum morte: qui nolens aut casu fecerit, à morte vindicandum; & saluti innocentis aut certè non planè nocentis consulendum. Hæc omnia moralia sunt ex iure communi, quæ Deus à nobis observari præcipit diligentissimè. Atque hæc ipsa quoque iuris communis axiomata sunt certissima principia & semina politici illius iuris, quod distinctè à Deo positum est; vt iudicet confessus inter percussorem & vindicem sanguinis; & eruat homicidam è manu vindicis. Ceremonialia verò quædam cum politicis institutionibus istis confusa sunt, ex quibus ius particulare appellatur, positum in politeia & ceremonia; cum præcipitur constitui vrbes perfugij quò se recipiat homicida; cognosci in illis de facto homicidæ: homicidam in vrbe perfugij habitaturum esse, donec moriatur sacerdos magnus qui vnctus est oleo



est oleo sanctitatis : si antè homicida de loco de-  
cesserit, & incidens in manus vindicis afficiatur  
morte, reum mortis non fore vindicem, &c. Hac  
omnia iuris particularis sunt, & ceremoniam fi-  
guratiuam habent venturæ in Christo gratiæ :  
qua ex figura seu typo vniuersa ratio particularis  
istius iuris profecta est. Cùm autem ceremoniæ  
adumbrantes venturum Christum & beneficia  
illius, planè interciderint; quis non videat tum  
ceremoniam hanc, tum quæcumque ad ceremo-  
niam hanc ipsam pertinent, etiam in politica iu-  
diciorum obseruatione, salutari aduentu Christi  
& complemento promissionum, quas adumbra-  
bant figuræ istæ, concidisse? De his ergo iudi-  
cium idem fieri necesse est quod suprà in ante-  
cedente exemplo fecimus. Exempli tertij quo-  
que, quod est purgationis de homicidio cuius  
incertus auctor, Deut. 21. non absimilis est ra-  
tio. Nam & morale in eo est, de homicidio  
quæri & cognosci oportere, de incomperito Ec-  
clesiam & rempublicam purgari, idque per eos  
ad quos pertinet publica rerum istarum aucto-  
ritas & procuratio: & politicum ac iudiciale est,  
ista politico ordine fieri ad communem purga-  
tionem omnium & iuris conseruationem: & ce-  
rimoniale est; capi vitulam abiugem, in vallem  
asperam procedere; vitulam iugulari, manus la-  
uari super vitulam, & publica testificatione pro-  
bari conscientiam omnium, & expiationem peti  
à Domino: quæ omnia in ceremonia posita fue-  
runt, tum particulari iuri professionem piorum  
ad præsens testificantia, tum ceremonialia fu-  
tutorum

tutorum vmbracula; corpus autem eorum Christus, vt Apostoli vtamur verbis. In his ergo omnibus, quod iuris communis est permanet: quod particularis, extra ceremoniam, seruari potest, si quis velit: nec indecorum aut præter honestatem foret, reipublicam & Ecclesiam in casibus eiusmodi probare conscientiam suam, & implorare Dei misericordiam, vt expietur à mala, sed ceremoniam illam figuratiuam ( vt vocant ) nemo bona fide, aut probabili argumento vlllo potest hac memoria nostra exigere.

Addamus huc etiam ( si placet ) exemplum quartum, vt antè diximus; de quo eo libentiùs dicturi sumus, quòd multorum iudiciis exagitur hoc nostro tempore, & vocatur in dubium, prout studia sunt partium. Illud autem est pseudoprophetarum, defectorumque, & transfugarum condemnatio, quam Moses Deut. 13. imperauit. Verba Moses de pseudopropheta seducente hæc sunt: Cùm surgens in medio tui propheta aut somnians somnium ediderit tibi signum aut prodigium, quamuis eueniat signum aut prodigium illud quod prædixerat tibi, dicendo, sequamur Deos alienos quos nō nouisti, & colamus eos: ne auscultato verbis prophetæ istius, aut isti somnianti somnium; quia tentat Iehoua Deus vester vos, ad cognoscendū an sitis amantes Dei vestri ex toto corde vestro, & ex toto animo vestro. Iehouam Deum vestrū sequimini, & ipsum timete, & mandata eius obseruate, ac voci eius auscultate, eumque colite, & adhærete ei. Propheta autem iste, aut somniator somniorum

iste,

te, plectitor morte: quia suasit apostasiam con-  
 tra Iehouam Deum vestrū, qui eduxit vos è ter-  
 ra Egypti, & qui redemit vos è domo seruorum,  
 de pulsus te à viā quam præstituit tibi Iehoua  
 Deus tuus vt ambules in ea; Ita sustuleris malum  
 illud è medio tui. Hæc lex omnino moralis ac  
 iudicialis est, nec vllas in se habet circumstantias,  
 ex quibus ceremonialis appellari possit: si hoc  
 exceperis, quod Moses statim pronunciat in ipso  
 limine, *cū surgens in medio tui propheta, &c.* His  
 enim pauculis verbis, *Surgens in medio tui*, aliquid  
 innuit positū in ceremonia; nempe quod agit in  
 particulari de illo Dei populo quem eduxerat  
 è terra Egypti, & redemerat è domo seruorū, vt  
 postea loquitur; & de eo propheta qui surgat in  
 medio, & de medio populi illius; hoc est, qui tum  
 ipse sit de eo populo quē Deus singularibus illis  
 beneficiis erat persecutus, tum fratres suos, po-  
 pulum illum Dei, ad apostasiam sollicitet. Ergo  
 hoc præceptum hac vtraque ratione habet cere-  
 moniale obiectum: cetera moralia sunt commu-  
 ni iure, & ex morali politica. Morale igitur est,  
 si quis ex populo Dei extiterit, qui ratione quauis  
 populum Dei palam atque apertè sollicitet, di-  
 cendo, sequamur Deos alienos, quos non no-  
 uisti, & colamus eos, non esse auscultandum illi.  
 Iudiciale est, hominem illum morte plectendum  
 esse, quia suasit apostasiam contra Iehouam  
 Deum nostrum, id est, defectionem à Deo vero  
 cognito, & transfugium ad falsos Deos incogni-  
 tos. Hoc malum capitale esse qui negat, pieta-  
 tem, rationem, & ordinem publicum labefactat  
 impor-

importunissimè : vt si quis in hoc tempore ad Muhamedismum, aut Gentilismum ausit populum Christianum prouocare, qui ipse Christianus fuerit in Christi via verè institutus. Sed tamen non dubium est, quin ceremonialis illa ratio quam modò perstringebamus, atrocius crimen efficeret; nimirum quòd homo iste ex eo populo esset, eumque populum sollicitaret, qui amplissima testimonia, & quidem aspectabilia, gratiæ ac præsentia diuinæ habebat in se: quia edu-xerat eos Dominus è terra Ægypti, redemerat è domo seruorum, & collocabat in ea terra, eo populo, & cultu, qui sacramentis gratiæ præsentiaque diuinæ abundabat. Ac propterea nemini bono dubium esse potest, falli quàm plurimùm eos, qui indiscriminatim omnes homines errantes in doctrina sacra, quorum opera alij in eundem errorem impelluntur, hac seueritate iudiciorum stringendos putant. Nam & conditione facti, & circumstantiarum omnium, maximum discrimen opus est obseruari inter eos, quos in hunc modum damnauit Moses, & eos qui hoc tempore errores aliquos contra salutarem doctrinam promouent. Factum enim, cuius nomine Pseudoprophetae damnantur morte, est pura apostasia hominis perfricta fronte Deore-nunciantis & alios in renunciationem eandem elata manu prouocantis, qui arcem ipsam salutis, id est, Deum veritatis petit; non autem ex hoc aut illo veritatis capite, aut compluribus etiam non ita grauibz exorbitat. Tum est hominis ex Ecclesia & in Ecclesia errores suos volunta-



luntariè obtrudentis, & labefactantis piorum Ecclesiæ membrorum fidem. Postremò hominis est in Ecclesia prisca Iudæorum hoc virus impietatis suæ profundentis, in qua Ecclesia quamplurima extabant documenta singularia, quæ hominum fidem constringerent, & perfidiam atrociorē efficerent. Quæ res ubi concurrunt in crimen alicuius pseudoprophetæ & hominis plani; alienum esse à religione & fide eum putauero, qui pseudoprophetam eiusmodi, reum impietatis istius, morte mulctandum negauerit.

Sed grauior eodem in loco à Mose quæstio videtur subiici, cùm de clandestino seductore & de publica defectione seu apostasia loquitur eodem Capite, & (quod grauius est) cùm de homine transfuga, qui à vero Deo ad Idola sese contulerit, capitalis quoque fertur sententia Deut. 17. Quæ tria exempla cùm ad eandem rationem communis iuris pertineant, primùm ordine proponemus, deinde verò communiter rationem sententiæ illius explicabimus. De pri- *Deut. 13.*  
uata igitur sollicitatione ad apostasiam Lex Mo-  
sis sic habet; Si clàm te incitet frater tuus filius ma-  
tris tuæ, aut filius tuus, aut filia tua, aut vxor fi-  
nus tui, aut amicus tuus qui est sicut tuipse, di-  
cendo; Eamus & colamus Deos alienos, quos  
non nouisti tu aut maiores tui, è diis populorum  
qui sunt circa vos, propinquorum tibi aut lon-  
ginquorum abs te, ab vna extremitate terræ vs-  
que ad extremitatem alteram illius: ne acquie-  
scito ei, neque auscultato ei, neque parco oculus  
tuus ei, neque clementia vtitor, neque celato eum;  
sed

sed omnino occidito illum; manus tua primùm esto contra illum vt morte afficias illum, postea verò manus totius populi, vt obruas eum lapidibus donec moriatur: quia quasiuit te depellere à Iehoua Deo tuo, qui eduxit te è terra Ægypti è domo seruorum, &c. De publica defectione ibidem sic præcepit Moses: Si audieris de aliqua ciuitatum tuarum, quas Iehoua Deus tuus dat tibi ad habitandum illic, dicentes; Egressi homines nequissimi de medio tui depulerunt habitatores ciuitatis suæ, dicendo, Eamus & colamus Deos alienos quos non noueratis: vbi inquisueris & peruestigaueris, ac percunctatus fueris bene; si ecce vera certaque fuerit res illa, si commissæ fuerit abominatio ista in medio tui; omninò percutito habitatores ciuitatis illius acie gladij: internecioni deuoueto eam, & omnes qui erunt in ea, iumenta que eius acie gladij, &c.

*Deut. 17.* Postremò de particulari defectione lex in hunc modum lata est: Si inueniatur in medio tui, in aliqua è portis tuis quas Iehoua Deus tuus dat tibi, vllus vllave qui fecerit quod malum videtur in oculis Iehouæ Dei tui transgrediendo fedus eius, & abiens coluerit Deos alienos, incuruando se habens honorem illis, aut Soli, aut Lunæ, aut vlli exercitus cælorum, quod non præcepi; renuntiaturumque fuerit tibi atque audieris: cum inquisueris bene, si ecce vera certaque res illa erit, si commissæ fuerit abominatio ista in Israele; omninò produces virum illum aut mulierem illam, qui commiserint rem pessimam hanc, ad portas tuas, virum, inquam, illum aut mulierem illam;

ut obruas eos lapidibus, ac moriantur. In his tribus legibus agitur de seducen- tibus & seductis pariter, & vtrique sententia Dei vltimo supplicio addicuntur.

Ac de pseudoprophetis quidem seducen- tibus palàm, actum est in eo exemplo quod antè præ- misimus: sed de eo qui in apostasiam impellit clanculùm, seuerius fortasse iudicium Dei Mi- tionì alicui videbitur, ambienti laudem existi- mationemque clementiæ. Verumtamen si quis in hoc exemplo primùm quidem factum ipsum, deinde verò circumstantias omnes accuratè in- spexerit; animaduersurus est partem iuris com- muni, partemque iuris singularis in hac lege Mosi existere. Iuris communis est auctorem apostasiæ non esse audiendum, nec illi paren- dum, nec celandum; sed afficiendum iusto sup- plicio: qui quidem sciens prudens vniuersè Deo & populo eius renuncians; & ad cultum damo- num transfugiens, alios in idem genus criminis sollicitauerit. In facto igitur cæterisque circum- stantiis clandestinus iste auctor apostasiæ eadem ratione est, qua ille publicus, de quo antè Moses præceperat: tantùm in ratione loci discrimen est, quòd ille publicè; hìc clàm animos in apostasi- am tentat perducere. Hæc verò circumstantia non minuit grauitatem facti, sed plerumque amplificat; & in hac causa certè omnino facit. Nam qui in publicum prodit hoc consilio, ple- rumque nec ita veterator est, nec tantum efficit, atque is qui clàm irrepit in domos, & animos piorum specie familiaritatis & amicitiae adspers-

git veneno suo. Denique (vt absoluamus paucis) qui publicè tentat, plus commouet, sed minùs permouet: qui autem clanculùm, etsi pauciores commouet, plus tamen permouet ac efficacius; quemadmodum plus est in dolo & arte plerumque positum, quàm in conatu manifesto. Quapropter sapientissimè Domino visum est clandestinæ auctorem apostasiæ, qui se suumque virus *παρέργως* insinuauerit, tam reum esse mortis quàm qui fretus sola fermè audacia prodere in publicum perditâ consilia apostasiæ voluerit: quemadmodum tam reus est homicidij qui veneno fratrem, quàm qui sica tollit; ac plerumque etiam atrocius crimen efficitur isto criminis perpetrandi modo. Nec refert vtrùm hic multos, nec ne sollicitauerit: quemadmodum in fure nihil interest, vtrum decies mille, an centum abstulerit: quia satis est hominem impij istius artificij compertum esse; idque legitimè, id est, non vnum solùm sed etiam alterum sollicitauisse, quorum testimonio conuinci possit. Nam propterea in hoc ipso argumento canit

*Deut. 17.*

Dominus de hac re, dicendo, Ex sermone duorum testium aut trium testium morte afficitor is qui moriturus est; ne afficitor morte ex sermone testis vnius.

Iam verò ad alterum genus legum veniamus. De seducenibus vidimus, qui quidem à vero & viuente Deo prudentes scientes volunt pios abducere in apostasiam vniuersalem (vt vocant) transfugiumque miserrimum. Sed quid fiet seductis miseris alieno facto? De his similiter prospexit



spexit Dominus in lege Moſis duobus locis quos  
antè adduximus : & ſiue ſingularis aliqua per-  
ſona ſeducatur , ſiue etiam ciuitas vniuerſa , ex-  
cidium ſeducſorum imperauit. Seductos au-  
tem dico non in hunc aut illum errorem ſim-  
plicitè à ſalutari ſcientia ; ſed qui à vero Deo ad  
deos falſos transfugiunt, id eſt, toti pietati & re-  
ligioni renunciant. Durum fortasſe præceptum  
illud Dei à multis exiſtimabitur : ſed tamen Dei  
præceptum fuit , qui eſt iuſtiſſimus. In hoc au-  
tem præcepto, ad recognoſcendam iuſtitiam eius  
(nam mixti generis eſt) morale, à iudiciali & ce-  
rimoniali accuratè diſtingui neceſſe eſt. Morale  
eſt ; quiſquis ſciens prudens vero Deo & cultui  
eius renunciat vniuerſè, & ad falſos Deos tranſ-  
fugit, non eſſe audiendum, ac ne ferendum qui-  
dem in populo Dei. Iudiciale eſt, morte ple-  
ctendum eſſe ſiue hominem, ſiue hominum cœ-  
tum , quem ciuitatem appellamus. Fundamen-  
tum verò iudicialis huius inſtituti ceremoniale  
eſt. Quod morale eſt, permanet immutabile.  
Iudiciale quandoquidem fundamento ceremoni-  
nali nititur, non iuris communis ſimplicitèr, ſed  
particularis eſt : quæcunque verò leges particu-  
laris ſunt iuris, omnes fuiſſe mutabiles antè do-  
cuimus. Non igitur hæc ſententia mortis ſic ac-  
cipienda eſt, vt ſi in ſeductos homines quolibet  
in omne tempus eſſet imperata : cùm ceremonia,  
(quæ fundamentum eſt illius) rationem (vt no-  
uerunt omnes) habeat temporariam atque mu-  
tabilem. Quid ergo, dixerit quiſpiam, eſt cere-  
monia? nempe in perſonis , tempore , loco eſt

ceremonia, quæ factum aggrauet : Personis, quia Iudæi erant vel Israëlitar, quos Deus beneficiis singularibus sibi vindicauerat, & assertos in libertatem sanctificauerat ex omnibus populis, <sup>ut</sup> ex populus ipsius essent : tempore, quia recens erat beneficiorum Dei recordatio, & multiplex præsens significatio sacramentorum omnium quæ Deus lege indixerat, atque etiam aspectabile symbolum præsentia illius : loco, quia regio illa Cenahanæa erat tamquam domicilium Dei, quod Israelitas gratiosè velut hospites intromiserat Deus, ut toti in eo domicilio, siue hospitio penderent ab auctoritate hospitis illius Dei; ad quem ius pertinet non solum ubique, verum etiam singulariter in domo sua ferendi leges arbitrato suo. Nam ab huius legibus quicumque discedunt, ubiuis locorum sint, rei sunt coram ipso : Sed ij maximè impietatis rei dicendi sunt, qui in domo ipsius coram ipso, à quo gratiosè excepti atq. ornati sunt, legibus ipsius obnituntur. Quid ? nonne furtum, & homicidium, & adulterium domesticum grauius est eo quod extra domum perpetratum est ? nonne illud ipsum domesticum crimen grauius est, si in domum ipsum, quàm si in conseruum committitur ? hæc igitur particularis fuit illa ratio, qua atrociora Israëlitarum scelera effecta sunt, & atrocioribus suppliciis vindicata. Nam hæc circumstantia nulla ratione hoc tempore in Ecclesia Dei seruari possunt, ut de hominibus seductis eodem modo iudicetur.

*Thes 37. Atque in hunc modum pleraque se habent leges*  
*Mosis*

Mos*is* iudiciaria, quæ tum in*is* politicum natura com-  
mune ex ratione illa communi & in*im*mutabili, & sin-  
gulare gentis ex particulari iure & ratione singulari  
(vt antè diximus) participant, tum ceremoniale ab  
instituito gratia. Has autem leges quæ ita mixtæ  
sunt, nec rectè intelligimus, nisi τὸ ἰδίον ἀπὸ τοῦ  
κοινῆς distinguamus, nec quisquam strictam earum  
obseruationem hoc tempore cum ratione potest exi-  
gere in Ecclesia Dei: quo tempore acclamari  
potiùs illud Pauli in aures piorum omnium ne- Gal. 5.  
cesse est; in libertatè, qua Christus nos libera-  
uit, persistite, & ne regredientes implicamini  
seruitutis iugo. Item, quicumque volunt spe- Gal. 6.  
ciosi apparere in carne, ij cogunt vos circumcidi,  
aut aliis ceremoniis vti, tantùm ne ob crucem  
Christi persecutionem patiantur. Nam ne ipsi  
quidem qui circumciduntur, legem seruant; sed  
volunt vos circumcidi, vt de vestra carne glo-  
rientur. A nobis verò absit gloriari, nisi in cruce  
Domini nostri Iesu Christi, per quem mundus  
nobis crucifixus est, & nos mundo. Nam in Chri-  
sto Iesu neque circumcisio quiquam valet, ne-  
que præputium, neque alia vlla ceremonia à pa-  
tribus aut lege accepta; sed noua creatio.

Cur autem non teneamur illis obseruationi-  
bus, rationem exponentes, paucis hoc modo  
concludimus: nam pars earum (vt ita dicamus) The*sa* 38.  
mortalis est atque mutabilis, pars mortua, & pars  
mortifera. Qui autem figit mutabiles aut mortuas  
pro absolutè necessariis, libertatem; qui mortiferas,  
vitam mentibus Christianis, quantum quidem in ipso  
est, è medio tollit. Duplex igitur causa est, cur illa

antecedentia non obstringant nostras conscientias ad sui obseruationem : altera est natura ipsa rerum illarum antecedentium : Altera, euentus ex obseruatione illarum consecuturus. Quod enim ad naturam rerum illarum attinet, tribus modis obseruatur: alia in usu sunt, aut esse possunt; sed mortales (vt ita dicamus) atque mutabiles: quemadmodum exempli causa, si hominem quem lex addidit lapidationi, laqueo, igne, gladio plectendum iudex pronunciauerit. quid enim vetat, quo minus etiam lapidationem strangulationemve imperet? Alia sunt mortua, id est, non solum usu, sed etiam iure ipso abolita; quemadmodum de ciuitatibus receptus homicidarum causa institutis, de eo qui captiuam uxorem duxerit, Deut. 21. De eo qui uxorem falso impudicitia insimulauerit, Deut. 22. &c. iudicium arbitramur fieri oportere. Alia denique mortifera, puta quaecumq. proprie ad Christum velut corpus umbrarum illarum, respexerunt, & ad complementum salutare redemptionis nostrae figurandum: cuiusmodi fuit in legibus politicis praeceptum de cadauere suspensi sepeliendo eodem die, ne pollueretur terra quam Iehoua

Deut. 21. Deus noster in possessionem Iudaeis tradiderat. Nam illa praecepta quae in hunc modum ad Christum respexerunt, proprieque typi ac destinati fuerunt illius, obseruari fuit mortiferum, ex quo tempore Christus exhibuit complementum eorum Ecclesiae suae. Quemadmodum autem ipsa legum natura hoc docet; ita etiam euentus obseruationis illarum, si quis forte virgeat, ex natura



nura recognoscendus est. Nam qui figit mutabiles aut mortuas leges, perinde atque si absolute essent inter Christianos necessariae, is libertatem Christianam tollit, cum ex re libera facit necessariam, & laqueo graui ac periculoso impedit conscientias. Adde etiam (quod amplius est) interdum veritatem ab eo tolli, qui res mortuas praedicat esse necessarias: quemadmodum si quis legem de votiuo Naziratu necessariam hoc tem- Num. 6. pore esse contenderet, aut etiam liberam, ex quo est mortua. Qui verò mortiferas leges ferre non dubitat, cuiusmodi eas esse docuimus quae veritatem suam & complementum in Christo habuerunt, is mortiferum (vt ita dicamus) poculum propinando, vitam mentibus Christianis adimit, quantum quidem in ipso est; nisi Deus pater miserationum eam gratiosè datam gratiosissimè conseruaret.

Hic verò dixerit quispiam: Atqui, si leges illae mortuae aut mortiferae sunt, ex quo Christus exhibuit complementum gratiae; ne ipsi quidem Apostoli ab hoc crimine excusari possunt: qui leges ceremoniales illius generis tum obseruauerunt ipsi, tum ab aliis obseruari voluerunt, quas tamen mortiferas hoc loco appellamus. Huius enim rei habentur exempla Actorum 15. cum abstineri etiam à suffocatis rebus & sanguine iubent: Actorum 16. cum Paulus Timotheum circumcidit contra quàm docet Galatas: Itemque Actorum 21. cum Paulus de sententia Iacobi totiusque seniorum confessus obseruauit purificationem, atque in templum ingressus est

denuncians expletionem dierum sanctificationis, usque dum oblata foret pro vnoquoque eorum oblatio. His tribus exemplis videtur euer-  
ti quod antè diximus, Non posse integra li-  
bertate, veritate, & vita piorum ceremonias illas  
obseruari.

Sed tamē si quis rem penitius introspexerit, eā-  
dem vtrumque animaduerturus est; tum verum  
esse quod antè diximus, tum Apostolos fecisse  
officium in eis exemplis quæ aduersus doctri-  
nam illam proferuntur. Nam in his exemplis &  
consimilibus duo obseruanda sunt: primum eo-  
rum distinctio, quia non sunt vnius & eiusdem  
generis: secundò autem ius singulorum secun-  
dum genera. Duo enim exempla in hoc numero  
(vt ita dicamus) mortua sunt, vnum mortife-  
rum: quapropter ea inter se confundi minimè  
conuenit, cum iure sint diuersissima. Mortua  
sunt hæc duo: primum, quod est de sanguine  
& suffocato cauendo; & tertium, quod est de  
purificatione Pauli, & oblatione votiuā. Morti-  
tiferum est secundum, puta circumcisionis pa-  
tribus datæ obseruatio. Rursum quæ mortua  
esse diximus, ea inter se ratione differunt. Nam  
sanguinis & suffocati interdictum naturalem ha-  
buit significationem; ritus purificationis & obla-  
tionis significauit professionem piorum volun-  
tariam, neque ad Christum figurandum peri-  
puit vllò modo, aut vllò iure aptari potest. Qua-  
propter si quis hoc tempore vellet à suffocato &  
sanguine abstinere (quæ ceremonia est mortalis  
sive mutabilis) non impediretur, modo ne id fiat  
causa

causa conscientia. Nam cum interdictum illud officia humanitatis inter omnes exercendae significauerit, & commendauerit studium de vita hominum conseruanda, quod officium à natura est; & signum liberè & res significata necessariò obseruatur, si modò ab signo absit superstitio: res media est planè atque indifferens. quapropter rectè Apostoli consuluerunt Ecclesiae Dei, vt pij 18. 15. omnes à violanda priore legis tabula (quod idolatria vel pollutione simulachrorum synecdochicè fuit designatum) & à violanda posteriore (quod item synecdochicè nomine scortationis praeceptum est) & à violanda fratrum conscientia in rebus adiaphoris abstinerent, quod nomine suffocati & sanguinis fuit declaratum. Ritum verò illum votiuae professionis, cuius exemplum est Actorum 21. non solum mutabilem, sed etiam mortuum mutatumque dicimus: quia ritus fuit voluntariae cuiusdam ceremoniae, qua homines vtrò se in sanctimonia exercebant, eamque profitebantur de se ipsi; non autem de Christo quidquam figurabant. Nam qui ritum illum Naziraeorum votiuum Numerorum 6. ac voluntarium cum ritu illo necessario atque imperato confundunt, cuiusmodi fuit Schimsonis ritus; ij iudicio meo conturbant res quàm remotissimas: cum votiuus Naziræatus à piis adhiberetur ad exercitamentum professionemque sui ipsorum, qua expleta gratias agebant oblatione Domino; Imperatus verò ad praefigurationem Christi pertineret.

Grauißimum verò exemplum illud est, quod

de Timotheo circumciso per Paulum adducitur: cum ipse Paulus quàm maxima voce contenderit, Si circumcidamini, Christum nihil vobis profuturum. Mortifera est igitur circumcisionis observatio, ex quo implevit Christus illius veritatem. Atqui eam adhibuit Paulus post illud tempus, quàm veritatem illius Christus impleverat: aut ergo rem mortiferam Paulus adhibuerit, aut antecedens falsum dicamus necesse est. Responsio est, disjunctivam non esse ἀμφοτέρω, idcircoque infirmam argumentationem. Dicimus enim circumcisionem prisco tempore fuisse legitimam atque salutarem: hoc tempore fore mortiferam, si quis utatur ea: Sed medio quodam tempore fuisse mortuam, nec dum mortiferam; nimirum quo tempore legales illas ceremonias (ut verbis utamur Augustini) efferri cum honore quodam oportuit. Optimè enim ad Hieronymum scribens Augustinus tria tempora in ceremoniis demonstravit distinguenda; vnum ante Christi passionem, in quo legales ceremoniæ nec erant mortiferae nec mortuæ, sed ad vitam piorum ordinatæ: Alterum post tempus Euangelij in publicum divulgati, quo tempore legales illæ ceremoniæ aut mortuæ, aut etiam mortiferae censendæ sunt, præsertim quæ ad complementum veritatemque in Christo præfigurandam pertinebant: Tertium denique intermedium tempus, quod pertinuit à passione Christi ad promulgationem usque Euangelij: In hoc enim tempore fuerunt quædam mortuæ legales ceremoniæ, quia neque vim ullam habebant ipsæ, neque ad ob-

serva-

Galat. 5.

Epist. 19.



seruationem ipsarum tenebatur quisquam; sed tamen non cōtinuò fuerunt mortifera, quia pro ratione hominum ad tempus sapientia diuina dissimulata sunt. Nam quicumque ex Iudæis transibant ad Christum, poterant licitè obseruare legales illas ceremonias, dum spem in eis non collocarent, easque sibi necessarias esse ad salutem arbitrarentur; tanquam si absque legalibus fides Christi iustificare hominem non posset. qui autem ex gentibus ad Christum adducebantur, hi nulla ratione ceremonias illas tenebantur obseruare; sed ut libertate quam Christus sanguine suo electis suis comparauit, idque ad ædificationem, ac non ad destructionem: prout res omnes medias siue indifferentes à piis prudentibusque viris necesse est occupari. Nam hac ratione Timotheum circumcidit Paulus, ut ædificaret; Titum verò minimè, ne plus hoc suo *Gal. 1.* facto destrueret. Fuit enim primo tempore circumcisio vitale sacramentum; secundo tempore corpus emoriens & cadauer recens mortuum; tertio denique tempore, in quo versamur, cadauer redolens atque mortiferum: Quia quod illo principio mortuum erat simpliciter, progressu temporis, quo amplius cœpit inualescere doctrina Euangelij, mortiferum effectum est. Actum quidem efferebatur honorificè, ut corpus mortuum; aut velut moriens, commodè curabatur: nunc verò conditum sepultumque in omnem memoriam permanet; ne, si refodiatur, exhalet mala in Ecclesia Christi mortifera. Iam enim (Augustinus inquit) cū venisset fides quæ prius illis

illis obseruationibus prænunciata, post mortem & resurrectionem Domini reuelata est, amiserant tanquam vitam officij sui: Veruntamen sicut defuncta corpora, necessariorum officiis deducenda erant quodammodo ad sepulturam, nec simulatè, sed religiosè; non autem deferenda continuò, vel inimicorum obtreccionibus tanquam canum morsibus proiicienda. Proinde nunc quisquis Christianorum, quamuis sit ex Iudæis, similiter ea celebrare voluerit, tanquam sepultos cineres eruens, non erit pius deductor vel baiulus corporis, sed impius sepulturæ violator.

L. 19. cō.

17a Faust.

Manich.

cap 17.

Atque in eandem sententiam optimè Fausto Manichæo & aliis fuit iam olim ab eo responsum conuenientissimè.

Quæ cum ita sint, vtrumque optimè statui-  
mus, & bene tunc à sanctis Apostolis prouisum  
esse, & nunc bene à nobis statui; qui figit muta-  
biles aut mortuas leges, pro absolutè necessariis,  
libertatem Christianis; qui mortiferas, vitam ad-  
imere. Hanc verò libertatem & vitam in veri-  
tate custodiat idem qui peperit & donauit, Chri-  
stus Dominus & seruator noster, æterna spiri-  
tus sui communicatione. Amen.

## INDEX

## INDEX CAPITVM.

- CAP. I. *De iustâ Legis definitione & diuisione.* pag. 11.
- CAP. II. *De Lege Mosis, & substantia illius in genere.* pag. 34.
- CAP. III. *De eâ parte, quæ in Legibus Mosis iudicialibus & humanis aliis est immutabilis.* pag. 47.
- CAP. IIII. *De eâ parte quæ in legibus humanis est mutabilis: & de mutationum causis.* pag. 63.
- CAP. V. *De eâ parte speciatim, quæ in legibus Mosis est mutabilis.* pag. 73.
- CAP. VI. *Quid iuris communis sit in lege Mosis mutabile.* pag. 88.
- CAP. VII. *Quid sit iuris particularis in Mose mutatum aut mutabile simpliciter.* pag. 99.
- CAP. VIII. *Quid sit mixti iuris in Mosis legibus mutabile.* pag. 110.

FINIS.